





62557/13

MEDICAL SOCIETY  
OF LONDON



ACCESSION NUMBER

PRESS MARK

HAEN, A. de



CD Rg



U2



ANTONII DE HAEN

S. C. R. A. MAJESTATIS CONSILIARII  
ET ARCHIATRI,

NEC NON MEDICINÆ IN HAC ALMA ET ANTIQUISSIMA  
UNIVERSITATE PROFESSORIS PRIMARI, ,

PARS DECIMA QUARTA

RATIONIS MEDENDI

IN NOSOCOMIO PRACTICO;  
QUOD IN GRATIAM ET EMOLUMENTUM  
MEDICINÆ STUDIOSORUM  
CONDIDIT

MARIA THERESIA ,  
AUGUSTISSIMA ROMANORVM  
IMPERATRIX,

HUNG. BOHEM. &c. REGINA &c. &c.

ON·MEDICAL  
SOCIETY OF



---

VIENNÆ AUSTRIÆ,

SUMPTIBUS HERMANNI JOSEPHI KRÜCHTEN.

---

M. DCC. LXX.









## PRÆFATIO.

---

**V**oluminis hujus XIV. Operis  
annui insolita plane materies  
erit, medica tamen, &, nisi me  
animus fallit, tam Patriæ, quam  
Medicinæ, utilissima. Ut autem  
quæ ad Medicinam spectant, præ-  
mittam; Volumina mea pleraque  
*Medici* laudibus resonuerunt, cui

) ( 2          parem



---

P R Æ F A T I O.

---

parem ars nostra neque hucusque vidit, neque ut videat quondam, sperare multum potest; incomparabilis scilicet *Hippocratis Cõi*; quem quarto ante Æram Christianam sæculo florentem, ab illo tempore, in nostros usque dies, & Medici omnes, & Viri alii auctoritate, sapientia, religione, dignitateque conspicui, iis laudibus, quibus alium Mortalium neminem, extulerunt. Id Medicos fecisse, millena ab ipsis conscripta volumina testantur: id cæteros præclaros Viros, dum vel Religionem, vel Historiam, scriptis exornarent, quoque fecisse, cum notum plerisque sit, unicum *Meldensem Antistitem*



---

P R Æ F A T I O.

---

*stitem* e pluribus selegisse sufficiat,  
*Jacobum Benignum Bossuet*, quem  
virum nominasse, laudasse est, sic  
de *Hippocrate* scribentem: „ Inter  
„ summos Philosophos recensendus  
„ *Hippocrates*, Medicinæ Pater,  
„ aureis illis Græciæ temporibus  
„ inter medios magnos Philoso-  
„ phos eminens.,\* Ubique ego  
Opera, Virumque, canebam, qui-  
bus Medicina redacta in Doctrinæ  
Corpus, quibus promota, quibus

)( 3

con-

---

\* On peut compter parmi les plus grands  
Philosophes Hippocrate, le Pere de  
la Medicine, qui éclata au milieu des  
Autres, (Socrate, Platon, Zenon, &c.)  
dans ces heureux tems de la Grèce.  
Hist. univ. pag. mibi 73.



---

P R Æ F A T I O.

---

conservata, inque sua & dignitate,  
& splendore, grataque mortalibus  
beneficentia, unice servanda esset.  
Quod enim utile, quod certum,  
quodque præclarum, Medicina ha-  
beret, *Hippocrati* id, ut auctori,  
ut parenti, merito referendum esse:  
& quidquid aut emolumenti, aut  
incrementi, ab illius tempore in  
nostros dies usque, Arti accessis-  
set, id Viri immortalis Lucubra-  
tionibus, atque sapientissimis Præce-  
ptis, omne deberi; indefessoque  
eorundem studio Medicinam ad il-  
lam dignitatem, ad illum, quo jam  
fulgeat, conscendisse splendorem,  
palam testatus ubique fui. Atque  
hæc olim.

Jam



Jam vero e contrario tam *Hippocratis*, quam præclarorum, qui Medicinam vere illustrarunt, Virorum, & infirmitatem ostendo, & incertitudinem monstro, & curtam Artis plango suppellectilem. Habebit tamen & hoc insigne emolumentum. Ut enim Medicinæ præstantiam, nobilitatemque, docere debeo Tirones, ita quoque eorum interest arctos cognoscere, quibus circumdetur, termineturque, cancellos: quo demum quid vel posset illa, vel non posset; quidque sperare ejus auxilio, ægrisque promittere deberent; perspicue intelligant. Et, ut cum *Hippocrate* omnia verbo dicam, Artificis periti



---

P R Æ F A T I O.

---

est, non minus Artis suæ angustias nosse, quam amplitudinem.

In secunda sectione horrendus ipso nomine morbus, terrifica Pestis, me totum occupat. Cur autem hanc in me provinciam susceperim, priore ejusdem capite expono; quo tamen quorundam in me ob hoc ipsum stomachum præoccupem, paucis dicam: Furit Lues vicinis in Regnis, Patriæ jugulo imminet, necem incolis minatur. Patri, ac Matri Patriæ, semper Augustis, diu noctuque ingens volvitur, anxique, in animo cura, ut quomodocumque hanc plagam finibus averruncet suis; eoque, cujuscumque & ordinis & dignitatis sint Subditi,



---

P R Æ F A T I O.

---

diti, unita collineant opera, ipsis  
mens est. Hinc Sacer Clerus ad  
Altissimi prostratus pedes, hoc  
Coeli flagellum, nubes scindente  
voce, deprecatur. Hinc bellipo-  
tens Miles murum explicata acie  
præstat, infectas arcentem res, ho-  
minesque. Hinc ubique providus  
vicinarum urbium Senatus severa,  
atque inviolabili Lege, habenas  
Commercii moderatur, ne cum  
mercimoniis letum emamus. Quid  
porro ego hic? Num ab Augusta  
eo munere gratiose honoratus, ut  
sibi Medicos in mea Schola ada-  
ptem, qui præterquam quod com-  
munibus Mortalium calamitatibus  
probe medeantur, etiam Pestilen-  
tiæ



---

P R Æ F A T I O.

---

tiæ cognoscendæ, sistendæ, curandæque, sapientia valentes, veros *Machaones Podalyriosque* præstarent, officio huic deesse possim? Itaque de Peste erant instruendi. Verum enimvero, frequenter data in Lectionibus occasione, & semel biennio abhinc decurso de illa ex professo, quod ajunt, differens, duo maxime dolui: alterum quod in tota Bibliotheca Medica non extaret Autor, qui completum, cunctæque Pestilitatis speciei accommodatum opus, quo duce uterentur, adornasset; alterum quod ea, quæ me docente didicerant, numerosa adeo essent, ut recondi memoria, quantumvis felici, atque tenaci, mini-



---

P R Æ F A T I O.

---

minime possent. Effecit demum & hæc considerantia, & tetræ Luis cum incrementum, tum proximitas, ut pristinos in illam peractos labores refundens, universamque Bibliothecam Medicam sedulo revolvens, Pestis cognoscendæ curandæque tutiora ac certiora principia quærerem. Verum quo labor ad hæc mihi comparanda intensior erat, eo quoque graviore difficultatum pondere crevit. Animis steti tamen, & hinc bonum Civem præstandi voluntate, illinc stimulantem Conscientiam compescendi desiderio, officium Civis boni, & Professoris religiosi, si non explevi, expletum saltem conatus sum.

Ac-



---

P R Æ F A T I O.

---

Acceptiorque, ni fallor, quem ex-  
antlavi, labor iis erit, qui norint  
me docendo, medendoque præ-  
gravatum, multam Lucubrationum  
fuliginem bibere debuisse, ante-  
quam arduum adeo negotium perfi-  
cere potuerim.

Termino Præfationem, cla-  
ros omnes per *Europam* Viros pre-  
cando primum, ne mihi utibilium  
atque commodorum Reipublicæ Vi-  
rorum sortem invideant: me enim  
conspiciunt, nil nisi Medicinæ com-  
moda, incrementaque, spirantem,  
accusationibus impetum confectis,  
diris maculatum calumniis, diffi-  
mantibus laceratum libellis, ingra-  
torumque quorundam Discipulorum  
pe-



---

P R Æ F A T I O.

---

petulantiae expositum: ita quippe cum fructuosis Reipublicae Civibus agere stolidum vulgus solet, sed hoc ipso indicio ab inutilium turba internoscendis. Est proinde grate ferendum, quod ipsorum ingratiis majorem Proborum existimationem conciliat nobis, majoremque decorem. Secundo rogo eosdem præclaros Viros, ut mirari definant, quod adeo ignominiatus, publicæ Potestatis majestatem, auctoritatemque, non invocem; cum primo tunc Titivillitia illa pervolvenda mihi essent, quæ sancte profiteor me neque legisse unquam, neque lecturum esse. Quid enim jucundam meam animi tranquillitatem hisce turbem?



---

P R Æ F A T I O.

---

turbem? Deinde ipsa hæc invocatio Potestatis publicæ aut vafris illis libellorum fictoribus, aut, qui eos legerint, idiotis, dubium moveret, an ne ridiculus illorum furor mihi reapse detrimento foret? Atque nihil profecto minus ego censeo, neque arbitrantur omnes Boni. Unde potius & Publicam invoco, & Divinam potestatem, ut utraque illis crimen condonet; HÆC vero eorundem malevolum animum, in benevolum, in honestum, in Christianum, miserata transformet.

---



# E R R A T A.

Pag. 13.	Lin. 9.	griseo fuscæam lege	griseo - fuscæam
117.	6.	reponfione	refponfione
133.	2.	Archiatorum	Archiatrorum
149.	12.	qu	qui
166.	12.	splendorum	fpplendorem
167.	18.	totitemque	totidemque
187.	21.	ferrati	ferrati
203.	16.	perniciosa	perniciosa
230.	8.	referant	referunt
234.	5.	disceparationem	disceptationem
238.	9.	cnfentis	cenfentis
239.	13.	que	quæ
248.	6.	in nota hucutque	hucusque
255.	21.	qua	quæ
264.	4.	incocta	concocta
267.	10.	filicet	fcilicet
280.	17.	fymtomatibus	fymptomatibus
288.	22.	notatvi	notavit
298.	3.	de iis, qua	de iis, quæ
367.	10.	fio	fcio
370.	9.	nibus	ribus
	11.	rariam	fariam
	12.	fium	nium
	16.	uncta	juncta
378.	14.	Lipfienbus	Lipfienfibus
381.	2.	oppofitorum	oppofitorum
387.	4.	Galenns	Galenus
406.	15.	ea	eo
	16.	auxilia	auxilio
409.	8.	infituta	infituta
429.	20.	aute	ante

AD.



## A D D E N D A.

Pag. 341. *ad finem pag. adde: quamvis Anginam malignam, atque pestilentem, descripserit Lib. 1. cap. 9. de Sign. & Caus. Acut. & Lib. 1. Cap. 9. de Cur.*

300. Lin. 13. post, *ridicula*, adde, *partim incerta*. Plures quæstiones, de Peste motas, studio prætereo, quæ vel ad rem proprie nihil faciunt, vel ab earum Curiosis apud Autores laudatos inveniri poterunt, vel ad Jus Canonicum, & ad Theologiam, spectant: quas partim apud laudatum sæpe *Muratorium* inquiras, partim apud Jurisprudentiæ Medicæ Scriptores, *Zacchiam, Valentinum, Alberti*, maxime vero in hujus posterioris indice operosissimo; in quo nonnulla opera adhuc laudantur, quos non possideo.



## SECTIO I.

### CAPUT PRIMUM.

DE IIS, QUÆ IN MED. NONNUN-  
QUAM IMPROVISA CONTINGUNT,  
AC CONSUETIS LEGIBUS  
CONTRARIA.

---

§. I. Hippocratis *Laudes*, non modo ob æter-  
nas, quas condidit, *Medicinæ leges*, di-  
gnitatemque, ad quam illam evexit; verum  
etiam ob demonstratas illius & defectus,  
& angustias. Quid inde discendum sit.  
Recensetur Aphorismus ejus 19. Sect. 2. qui  
deinde per omnia sectionis capita explica-  
Pars XIV. A tur.



*tur. §. II. Morbus juvenis hanc veritatem docens. §. III. Anatome eandem confirmans. §. IV. Conclusio utriusque. §. V. VI. VII. Altera Historia morbi idem docens, Anatome confirmans, ejusque sequela. §. VIII. IX. Historia tertia cum Anatome. §. X. Similitudo Historiæ secundæ tertiæque; qua occasione sex Problemata proponuntur & solvuntur. §. XI. XII. XIII. Quarta Historia cum ejus & Anatome & Discussionē pathologica; Aphorismum haud secus, quam tres priores, confirmans. §. XIV. XV. XVI. Historia quinta per omnia mirabilis, morbi, mortis, cadaveris; quæ veritatis, in Aphorismo propositæ, demonstratio convincentior haberi vix potest.*

§. I. **P**luribus annui Operis mei Tomis, in Medicæ Artis principiorum certitudine demonstranda frequens sæpe, longusque fui; & eo quidem usque, ut illa ceterarum Artium, Disciplinarumque, nulli vel minimum cedere, siue præceptorum perspicuitate

spicuitate, five, principiorum certitudine, debere videretur. Assleverabat hoc jam ante XXIII. Sæcula ille ipse, qui in sua *Æsculapiadæa* Familia decimus & nonus Medicus, tot eximiorum Prædecessorum præceptis dives, observatis Tempia Divorum ornantibus ditior, Adnotationibus demum tum propriis, iisdemque innumeris, tum Filiorum, Generi, Discipulorumque, quos, ad examinandam traditorum præceptorum veritatem, alia in Regna immiserat, ditissimus, Corpus Medicinæ immutabile, quamdiu Naturæ rerum immutabilis manebit, condidit, conscripsit, posteritati dicam, an æternitati, consecravit, *Hippocrates Cous*. Idem confirmaverunt Viri artis præstantia immortales, *Hollerius, Ballonius, Mercatus, Jacotius, Duretus, P. Alpinus, Sydenhamus, Baglivius*, & quotquot præter hos honorem in



Medicina , famamque meruerunt.  
Compendio uti hic liceat ingentis  
*Boerhaavii* , genuini *Hippocratis* filii ,  
verbis , ex oratione habita *Leydæ* an-  
no 1721. cui titulus *de commendando*  
*studio Hippocratico* : „ En vobis Ad-  
„ versariorum thesaurum ! En mo-  
„ dum acquirendæ sapientiæ medicæ  
„ verum ! Hæc felicia Artis fata ! Hæc  
„ fortunata tempora ! Quum unus  
„ atque idem sapientissimus tot Arti-  
„ ficum peritorum opera uteretur !  
„ Quam omnium Coryphæus tot la-  
„ bores , tot experimenta aliorum  
„ suis perficiens , in corpus redige-  
„ ret ordinatum ! Eant jam , qui  
„ ignorantia afflati , vel invidia , tan-  
„ to viro obtreſtant. Comparetur il-  
„ li , quem volunt ; quam dispar  
„ erit ratio ? Alii quid unius ; hic ,  
„ quid plurium industria valeat , ex-  
„ hibet : alii suis modo vident oculis ,  
„ hic

„ hic multorum usus est acie: cæte-  
„ ri per singulos ægros, hic per eo-  
„ rum agmina experimenta fecit:  
„ pauci quid intra arcta unius urbis  
„ pomeria morbi sit, tradiderunt;  
„ ille, quæ in tot vicos, urbes, re-  
„ giones, & regna, lues grassaretur,  
„ observabat.

„ Hanc ego causam, cur minus  
„ alios huic pares statuamus, inpri-  
„ mis magnam puto. Profecto sapi-  
„ entia artis major longe in illo fuit,  
„ qui tantis ad Medicinam auxiliis  
„ usus est, quam in reliquis, qui,  
„ quamvis cetera æquales, his desti-  
„ tuti fuerunt. Atque inde natam  
„ arbitror eorum, quæ scripsit æter-  
„ nitatem; hinc ortam puto illorum,  
„ quæ viginti trium sæculorum exa-  
„ men sustinuerunt, integritatem.  
„ Evolvatur illorum ordo, mutata  
„ *Hippocraticæ* veritatis facies nullibi



„ apparebit. Excutite *Grajos*, cogno-  
„ scite *Romanos*, versate *Arabes*; re-  
„ petitam atque confirmatam ubique  
„ invenietis doctrinam *Hippocratis*.

Profecto nihil unquam hac veritate clarius demonstravit sæculorum evolutio, nihil testatius reliquit. *Hippocrati* fuerunt Adversarii multi, cum viventi, tum vita dudum functo: *Asclepias* ejusque tota schola; *Galenus*, quando *Hippocratis* oblitus, *Aristotelis* in scholam transivit; *Celsus* in multis; *Cælius Aurelianus*, Afer, juratus ejus, ac vaferrimus hostis: at vero fumo citius evanuerunt hæc omnia, quando toties ad *Hippocratis* præcepta, tanquam ad *Apollinis* oraculum, Medici coacti, vel illum, nomine ejus laudibusque suppressis sequebantur, ut *Aretæus Cappadox*; vel meritis elatum encomiis, solum exclamabant dignum esse quem legerent, quem diurna versarent, nocturnaque

Æternaque manu; quem unicum, quo certior esset, tutaque Praxis, sequerentur. Ubi autem post & *Galen*, & *Arabum* haud paucorum, servitutem, Medicina a Græcis, *Byzantio* Thracum in potestatem redacto profugis, Hippocratico iterum lumine illustrari cepit, vox Medicorum præcipuorum una fuit, qui præcipuum, qui solum, sequatur *Hippocratem*, eum unicum esse, qui tuto medeatur. Eodemque modo post Chemicorum tyrannidem, post varium sectarum diversarum philosophandi morem, post nimium laudabilis ceterum *Mechanices*, *Hydrostatices*, *Hydraulices*que, in Medicinam invectum usum, semper a principibus Medicis recursum ad *Hippocratem* fuit, quo labantem fulcirent, restaurarentque Praxin: sic quidem ut illi, qui fallacibus inventis seducti, hunc Medicorum principem spernere



audent, jam futuram suæ novitatis  
fortem augurari possint, certoque  
prævidere, fore demum ut, sive ipsi,  
sive eorum, quos seduxerint, quam  
plurimi, doctrinarum fatigati fallacia,  
infortuniorum pondere pressi, deque  
interfecta plebe, novarum opinionum  
passim victima, mœsti, ac fere despe-  
rabundi, *Hippocratem* de integro arri-  
pian, ducemque sequantur.

Quæ cum ita se habeant, jure me-  
rito mea opera immensas hujus viri  
laudes perpetuo resonare, Lectores  
capiunt, eumque ducem in explican-  
da Medicina & sequi me, & dare  
Auditoribus, sponte laudabunt.

At vero utilitatem aliam præterea  
*Hippocratis* præcepta afferunt nobis.  
Ut illinc ampla Artis pomeria osten-  
dunt, ita hinc arctos docent, qui  
coerceant illam, circumscribantque,  
Cancellos; ne quid nimis: nec non  
insoli-

infolitos five Naturæ, five Morborum, errores, qui haud perraro seducant medentem: eamque docent animi candorem, ingenuitatem, salutisque humanæ amorem, ut si ejusmodi Naturæ, Morborumve errores, aliquando imposuerint nobis, pandere illos, cunctorumque in notitiam prodere, non erubescamus: quo tandem haud modo ipsi nos, sed moniti per nos, eorundem deinceps præfagi, vel prævideant illos, vel prævertant.

Quemadmodum itaque per omnia opuscula mea prosequutus rem hanc utramque sum, priorem autem magis; ita nunc posteriorem demonstrare animus est: non minus priore posteriorem Medentibus profuturam ratus.

Ac primum quidem *Hippocratis Aphorismi Sect. 2. n. 19.* ostendam veritatem; Τῶν ὀξέων νεστημάτων, ἡ πάμπαν ἀσφαλές αἱ προδιαγορεύσεις ἔτε τῆ θανάτου,



ἔρε τῆς ὕλης. ,, Morborum acutorum  
,, præfagia , seu prædictiones , non  
,, sunt , si stricte loqui velimus , om-  
,, nino , citrave omnem exceptio-  
,, nem , tutæ , five eæ mortis fue-  
rint , five sanitatis. Explicuerat Au-  
tor Aphorismi luculenter in omnium  
Aphorismorum suorum primo , hoc  
vel ab Artis longitudine , seu ab ea  
ejus amplitudine , ut eidem addiscen-  
dæ plurimorum vita vix sufficiat ,  
pendere ; vel ab experiundi difficulta-  
te , quæ aut desiderata , aut illicita  
sæpe sit ; vel a rapida calvæ occasio-  
nis præcipitantia , qua fulminis in-  
star prætereat occasio agendi ; vel  
neglectu , inobedientia , tergiversa-  
tione , erroribusque five Medici , five  
ægotantis , five adstantium , mini-  
strorumque ; vel denique a Cæli mu-  
tatis tempestatibus.

§. II. Explicare idem memorabili Historia conabor. Juvenis 22. annos natus, Textor, qui Variolas & Morbillos infans passus, atque illibata postmodum valetudine gavissus, acuta Febre 14. dierum spatio, 20. ætatis anno, laboraverat; ab eo vero tempore sanitate perquam integra floruerat; incidit demum 26. Jan. 1770. ex ebrietate in Peripneumoniam; cujus, citra vel minimum Artis auxilium, quartum diem agens, in Nosocomium nostrum illatus est.

Peripneumonia principio vehemens, cum sicca tussi, eaque tam violenta, ut caput sibi dissilire pluries acerbeque æger conquereretur, post iteratam quater Phlebotomiam, rariore cum tussi, emendatioreque respiratione, continuabat; die autem sexto propemodum finito, dolor gravis mediam superioris Ventrìs partem,

Præ-



Præcordia nunc , nunc Epigastrium vocant, occupare cepit , se paulatim in Ventris inferiora diffudit , vomitumque in quartam repetivit usque vicem. Hic dolor vix XV. horas furans , septem cum dimidia horas silens , & Morbi die septimo , duas sui tertias emenso partes , recrudesceus , ad emollientia remedia in os immissa , injecta in Rectum , Ventrique admota , conticuit , nec rediit ; continuavit nihilominus Vomitus , accessitque Asphuxia horis ante mortem duodecim , quæ die octavo medio contigit.

Sanguis de Vena quater , quantitate Libræ medicæ singula vice missus , crusta inflammatoria tegebatur , densa quidem duraque , alio autem atque alio tempore duriore , & crassiore. Urinæ perpetuo malæ : solito enim coloratiores omnes , aut suspensa

sa enæoremata gesserunt, aut caruerent contentis. Alvus quarto morbi die ab enemate mota bis, eaque naturalis, ac multa: die quinto spontanea, ac naturalis: die sexto naturalis cetera quidem, sed cinerei coloris. Die septimo prima alvus a clysmate scybala eduxit, altera copiosam pul-tem, gryseo fuscam; similem tertia, sed paucam, quam violentia vomitus in lectum expressit: quinta, & sexta, in excipulum reddita est, non mista, prior ex flavo virens, posterior æruginosa. Die tandem octava pauca atque fusca a clystere prodiit.

Pulsus vigente Inflammatione celer, subdurus, compressus; ea mitiore celer, plenus, mollisque; in ventris doloribus subdurus, iisdem autem conticescentibus præter celeritatem bonus; & quo tempore in Nosocomio fuit, semper æqualis. Die



7. tandem debilior percipiebatur , ac leviter remittens. Alphyxia tandem successit, in qua priore trihorio calor idem, qui prior, postmodum vero sensim minor, verum tandem frigus observabatur; una cum frequenti vomitu materiæ tenuis, turbidæ, flavedinemque, aut levem nonnunquam referentis virorem. Media ante mortem hora leve delirium observabatur, convulsio, ac dentium stridor, quæ symptomata una cum vomitu in letum abierunt.

§. III. Horis a morte XXIII. elapsis, cum ob loci frigus, in quo repositum cadaver fuerat, ob artuum requisitum in vere mortuo rigorem, & præcipue ob Corneæ cum opacæ, tum corrugatæ conspectum, de vera morte certi essemus, aperuimus cadaver elegans & torosum. Tumidum atque durum abdomen in  
mor-

morbo nunquam fuit, unde & naturale ac molle a morte. Omentum bene pingue tantum modo sinistram texit ventris partem, idque ad inguen usque; ita ut hic homo ibi ἐπι-  
πλοκην potuisset pati, in dextro vero inguine minime: quantumcumque enim Epiploon in dextro latere evolveremus, infra umbilicum non extendimus.

Jecur sub Costis sinistris parum, sub dextris multum, imo ad tres digitos latos uno in loco infra costas propendebat, lobo majore integrum Hypochondrium dextrum, minore mediam occupans sinistri partem; cava superficie, maxime pone vesiculam fellis, lividum. Hepatis hic situs ac moles, si in vita, quacumque de causa, tumidum redditum idem, durumque fuisset, vitium indicasset tangenti-



gentibus; quod idem viscus toties sub costis reconditum, negat.

Coli Intestini transversa portio neque in flexu dextro, neque in sinistro, altius conscendit; hinc præ Hepatis cuncta explentis mole, illinc præ Ventriculi, Splenisque amplitudine, medio in ventre sub Ventriculo penitus delitescens. Sic ut in homine affectus, in Coli his flexibus hærens, non potuerit mentiri Pleuritidem.

Coecum Intestinum, ac Colon, usque ad flexum splenicum, leviter erat inflammatum, angustum autem valde, usque ad suum in Ileo osse decubitus; ex quo emergens, amplificabatur vehementer, binosque altiores Flexus formans, deinde leviter inflammatum, in Rectum abivit.

Ventriculorum superiorem totam inflammatio prehenderat, nec non

Duo-

Duodenum, portionemque Omenti illam, quæ Mesenterii vicem Duodeno Intestino supplet.

Jejunum Intestinum nihil, Ileum vero potiore sui parte vehementer, inflammatum erat; & quidem sic, ut una in plaga ruberrimi, in alia jam esset purpurei coloris; hic per omnem Intestini ambitum, ibi ad anteriorem, inferioremque, duntaxat partem.

Plagas aliquot inflammatas, Mesenterium habebat, pluresque Glandulas, pisum has, illas fabam magnas, fuscas intus subnigrasve. Bonus Splen, & Renes.

Peritonæum autem & anterius, & laterale, & posterius, eaque etiam parte, qua Vesicam Urinariam contegit, dirissime inflammatum; Vesica vero sana. Plagas itidem inflammatas idem Peritonæum ostendit, ubi felleam Vesicam succingit.



Porro in toto abdomine, ex cunctis, quas Inflammatio invaserat, partibus, transsudaverat inflammatoria materies; quæ aut spissior Intestina coagmentabat inter sese, aut liquidior effusi præbuit speciem puris.

Boni Pulmones, liberi undique. Pallidum Cor, utroque in thalamo, in dextro tamen plus, sanguinem parte fluidum, parte polyposum gerens. Plus solito in Pericardio aquæ.

§. IV. Qui cum Anatome confert Morbi historiam, ubique haud medioerem offendet explicandi difficultatem, consuetas utpote excedentem Naturæ leges. Si in Bibliotheca Medica adminicula ad exponendum quæsierit, casus quidem nonnullos in multis nostro non absimiles reperturus est, in pluribus vero admodum absimiles. Id vero, quod & ex antiquis omnibus, & ex recentiori-

tioribus , colligi posset , totum , accuratissime relatum , atque observationibus multis , iisdemque æque præclaris , quam mirandis ornatum , invenitur in Libro magni *Morgagni de sed. & caus. Morb. Ep. XXXV.*

Ex omnibus hac Epistola relatis constat 1<sup>mo</sup> Inflammationem Intestinatorum dari, adeo celerem , ut spatium aut trium dierum, aut duorum, aut unius, aut etiam dimidii, perimat hominem.

2<sup>do</sup> Eandem quidem crebro esse valida cum Febre conjunctam ; at vero etiam non perraro cum aut exigua , aut prorsum nulla.

3<sup>tio</sup> Fallacissimam hanc Inflammationem esse , eoquod ægrotum dolore demum carentem, ac reconvalescere visum, tandem, subitoque, recet.



4<sup>to</sup> Attamen Inflammationem hanc non adesse, nisi cum Abdomine duro tumidoque.

5<sup>to</sup> Passim alvum in illa immobilē pertinaciter esse.

Ut porro hæc observata cum nostris conferamus, notamus 1<sup>mo</sup> tantam fuisse letalis morbi in ægro nostro celeritatem, ut a percepti doloris principio, ad mortem usque, dies duntaxat unicus, cum 18<sup>½</sup> horis intercesserit.

2<sup>do</sup> Febrem notavimus tempore inflammati Ventris non majorem fuisse, quam vigore Peripneumoniæ; prout & Pulsuum exacta observatio, & Thermometron, quod bis die admotum, binorum modo graduum, idque simplice vice tantum, augmentum indicavit, manifesto docuerunt.

3<sup>tio</sup> Advertimus morbi fallaciam non minorem nostrō in ægro adparuisse,

ruisse, quam in iis *Morgagni*; cum dolor prima die vix 15 horas duraverit, alteroque necdum dimidiam horam.

4<sup>to</sup> Imo longe fallaciorem hunc morbum, quam in ægris *Morgagnianis* fuisse, eoquod nullum unquam ventris tumorem æger noster habuerit, nullam prorsus duritiem comitem.

5<sup>to</sup> Imposuisse autem præprimis nobis apertam ab ipso inflammatorii morbi Intestini principio alvum, quæ pertinaciter clausa soleat in illo esse.

Si igitur Inflammatio Intestinarum in Historia Medica reperiatur extra nonnullas consuetas Naturæ leges nonnunquam extitisse; quanto hac mirabiliorem ac singulariorem istam non existimabimus, contra leges Naturæ multo plures peccantem? Nisi Intestinarum inflammationem quis statuerit feriores doloribus; bre-



vibus itaque ante obitum horis ortam, juvenemque subito, ut in *Morgagnianis* est, internecioni dedisse; Peritonæi vero universi inflammationi, a metastasi peripneumonica ortæ; Pulmo enim in Cadavere inflammatus non apparuit; dolorum deberi originem.

Huic ita cogitanti quæ multa reponam vix video, nisi quod dolor quandam duntaxat ventris partem, quam æger constanter indicabat, occuparet, Peritonæo interim universo inflammatissimo. Sed ipsi responsio meæ consimilis in promptu erit, si mihi objiciat, quamvis Ventriculi diram latamque inflammationem deprehenderimus, ægrotanti tamen dolorem illius vix octo horis solum, & vix quindecim horis cum Ventris sociatum doloribus observatum fuisse: hancque ipsam doloris absentiam non posse

posse gangrænæ tribui , cum ea caret Ventriculus : adeoque Peritonæum videri habuisse potiolem partem , causamque doloris , nec tamen doluisse.

An igitur merito non pronunciavit *Hippocrates* Acutorum morborum Prædictiones sive mortis , sive sanitatis , haud omnino tutas esse ? Maturius ejusdem examen id demonstrabit clarius. Ventriculi inflammationem docet duriore cum pulsu febris , docet loci dolor , docet vomitus mox ab acceptis præceps. Vomitus perpetuo adfuit , febris , durusque pulsus utcumque etiam ; dolor vero non nisi principio vexavit , neque post quindecim horarum intervallum unquam rediit , & perseverante vomitu , & , ut cadaver ostendit , inflammatione.

Deinde Peritonæum totum quantum inflammatum , una cum pene in-



tegro Cæco , atque Colo Intestino , una cum inflammato Ileo , Omenti- que ad Duodenum portione , cum Melenterii denique , felleæque Vesi- culæ parte , idque citra vel minimum sive Epigastrii , sive Hypogastrii , aut dolorem , aut duritatem , omnem vi- detur exsuperare eludereque , expe- rientiam.

Expediret hic in Pathologicis ex- spatiari paulisper. Peritonæum in bi- nis cadaveribus inflammatione occu- patum illustris *Morgagnus* scripsit. Ejusdem inflammationem alibi osten- di. Ejusdemque universalissimam præfens Anatome exhibet. Ill. *Hal- ler* arterias peritonæales a XXVII. originibus natas ostendit , *Tom. VI. Elem. Phys. Lib. XX. §. XIX.* Mirum proinde non est tam dire illud inflam- mari. Sed latius de hac re , post rela- tos alios casus.

§. V.

§. V. Cementarius 32. ann. fortis adeo naturæ vir, ut quibus variis laborabat, incommoda, flocci faciens, duro labore corpus exerceret, pluribus tamen morbis impetitus, ac maxime novem antea annis sæva Pleuritide; in violentam adeo tussim inciderat, ut uxor illius, materque, ne dilaceraret pectus totum, subinde vererentur: utque posteriore Vitæ anno, in lævum latus ægerrime, in dextrum haud facile, in dorso vero omnium commodissime, cubaret; crebro etiam ad graviores labores anhelaret: eo tamen robore naturâ præditus erat, ut eædem mulieres non recorderentur illum, post Pleuritidem, vel unicum diem unquam in lecto transigisse. Consuetudinis illi fuerat, singulis a curato morbo laterali annis, idque majali tempore, Phlebotomia; quam hæmorrhagia narium indubita-



to consequi solebat : hoc vero anno & illam neglexit, & hanc non habuit.

Die 2. Nov. 1769. Pleuroperi-  
pneumonia cum dolore in sinistro late-  
re, eodem scilicet, quo ante noven-  
nium, corripitur. Alterius diei prin-  
cipio tunditur Vena illi. Tertio pro-  
pemodum finito ad nos adfertur.  
Dolor lateris sævissimus, & eo die,  
& quarto, & quinto. Inchoante au-  
tem die sexto dolor invasit medium  
pectus, brevique dein latus dextrum,  
sævitiæ, quam prius lævum, haud  
minore, & septimi diei tertia ferme  
elapsa parte, præcordia sola. Pul-  
sus totis sex diebus celer valde, du-  
rus, magnusque idem, ac plenus,  
nunquam inæqualis, licet summæ in-  
flammationis vis nos ad nonam Phle-  
botomiam, adeoque ad sanguinis Li-  
brarum medicarum novem cum dimi-  
dia, effusionem cōegisset; sub ini-  
tium

tium septimi diei pulsus minus fortis, & vitæ ultimis XII. horis tandem leviter remittens, ac Myurus. Sanguis missus toties, semper quidem crustam tenacem densamque gessit, rubramque partem compactam, nunquam vero aut hanc compactiorem, aut densiorem tenacioremque illam, habuit, quam septimi diei principio in ultima Venæ sectione: semipollicem enim ejus crusta æquabat: pauca modo sputa tussis violenta dabat, eaque fere semper haud tantum lineis sanguineis interspersa, sed sanguinea fere integra. Urinæ assiduo rubicundæ aut cum suspensio enæoremate, aut pertinaciter jumentosæ. Alvus nec cocta unquam, nec bene colorata, sub finem olentissima. Somnus rarus, nihil reficiens. Sudor gravans. Situs corporis sive in lectulo, sive in sedili, erectus, præ suffocatione, dolorumque



que in decubitu intolerabilitate. Interea excepto leviori rarioreque tribus postremis vitæ horis delirio, mens perpetuo præsens, per hasce fere continuas septem dierum vigilias.

§. VI. Horis XXIII. a morte de-  
cursis cadaver aperuimus, lege lata  
maturius quidem: verum hinc ex ca-  
daverosa rigiditate, pellucidæ cor-  
neæ opacacitate, rugisque, nec non  
ex morbi natura, de vera morte cer-  
ti; illinc putredinis ob singularem  
hyemis teporem, humiditatemque,  
præfagi, præcipitavimus Anatomen.

Corpus torosum in musculis, non  
pingue: Venter nonnihil tumidus.

Aperto abdomine, reflexisque pe-  
nitus, quas in crucis formam divise-  
ramus, partibus, nihil sub conspe-  
ctum cadebat, nisi tenuia & crassa  
Intestina, & Hepatis crepido digiti

lati-

latitudine infra costarum spuriarum cartilagines, descendens.

Omentum debitæ magnitudinis, mediocriter pingue, in medio tenue valde.

Colon Intestinum amplissimum, maxime ad suum cum Coeco principium, & formans ibi ingentem dorsum versus, postque Jejunum Intestinum, saccum. Jejunum tumens. Gracile Ileum. In Intestinis autem, uti neque in Mesenterio, neque in Mesocolo, vel minima Inflammationis indicia.

Amplus adeo Ventriculus, ut Libras XI. aquæ caperet, locatus post Hepar, subterque illud, neque inflammati quid habens.

Vesicula fellea vacua; forte dudum, quod ne minima quidem flavedine tingerentur vicinæ partes.

Aper-



Aperto Thorace, ingens Pericardium apparuit, ad jugulum usque tumens, ibidemque firmissime conatum, cum Pleura autem sic tota sua longitudine concretum, ut separandum ab illa non nisi cultro fuerit. Crassum valde hoc Pericardium erat, phlogistica membrana interius cinctum, eadem sua superficie interna tota dire inflammatum.

Liquor turbidus atque subalbidus explebat Pericardii cavum, qui eductus siphone pondus IX. unciarum superabat: in cochleari imposita igni, crassam flavam materiem, liquidiores avolante, reliquit.

Eadem pelle inflammatoria Cor vestitum fuit; qua ablata, priorem ejus faciem ingens inflammatio occupare apparebat, posteriorem autem minor. Sinister Ventriculus vacuus fere; dextri orificium grumosis sanguis

guis explebat, polypi flavi principium, qui ex Arteria pulmonali extrahebatur, perquam ramosus.

Dexter pulmo lobo inferiore toto, transfudantis materiæ phlogisticæ ope, cum pleura uniebatur: sinister & partim quidem eodem modo, & partim nova membranarum genitura, indissolubilem habuit cum pleura nexum. Dexter Pulmo tabe gangrænosa fere totus diffluxit; minus sinister: uterque autem superficie posteriore niger.

Hydrops crassus purulentus utriusque camerae Thoracis, ei, qui Pericardii, similis, valde copiosus.

Pleura utroque Pectoris in latere præ inflammatione ruberrima; idque non ad costas duntaxat, verum etiam qua Diaphragma, potissimumque, quo illud tendineum est, convestit.



Puris haud modica collectio inter Mediaſtini Laminas prope thymum, ubi accretum Pericardium fuerat.

Cerebri Meninges naturales. Ventricle superiores ſicciffimi. Plexus choroidei flava materia turgidi.

§. VII. Peracuto morbo ante VII. diei finem denati hominis inflammata reperitur Pericardii interna ſuperficies, Cordisque externa: verſi jam in Gangrænam Pulmones: Inflammata denique Pleura, non modo qua Coſtas, ſed & qua Diaphragma, ſuccingit. Cum Thoracis igitur, vitaliumque, quas recondit, partium, univerſalis pene inflammatio aſſet, facile capimus, cur nonies miſſus ſanguis, omniumque maxime poſtremus, perpetuo phlogiſticæ fuerit tenacitatis; cur & pulſum perpetua durties, & peracutæ continuatio Febris?

Ex-

Exponendum nunc esset, quæ vitia corporis Pleuritis, a novem retro annis tolerata, genuisset; quæque acutus, quo perierit, morbus? ut autem temere nihil hic proferam, expedit paralelam historiam eo fine præmittere, ut forsitan altera alterius expositioni mutuam lucem ferat.

§. VIII. Famulus, cui Cellarum cura demandata, annum agens 30, qui neque Variolas, neque Morbillos, prout ipse ex parte memorari potuerat, materque adhuc vivens testabatur, unquam passus erat, Cephalææ olim obnoxius quidem, jam vero, a decennio non ultra; intermittente quoque febre quondam crebro vexatus, nihil autem ultra a sexennio; nunquam acutum morbum passus; nunquam incommoda pectoris, neque catarrhos graviores, diuturnioresve, neque narium, sedisve, hæ-



morrhagias ; verbo ea valetudine usus, ut ipsi nunquam mittendus sanguis fuerit ; acute demum ægrotare cepit.

Die 29. Nov. 1770. inter 8 & 9 vespertinam horam subito eum invadit Pleuroperipneumonia. Misso bis ipsi sanguine, antequam morbi primus elapsus dies esset, sumtoque prioribus diebus Emulso, in Nosocomium nostrum media quarta die elapsa inferebatur. In dies creverat morbus jam, crevitque deinceps in Nosocomio. Tussis in sextum diem usque vexabat, sicca plerumque, & si quid prodiret, gluten plurimo cruore mistum erat: post sextum diem in decimum omnis tussis siluit, quodque semel bisve die ejiciebatur, nigro sanguine & muco conflatum erat.

Homini instituta decies Phlebotomia est, crusta densa sanguinem perpetuo tegente. Copia missi cruoris fuit

fuit Librarum novem cum dimidia: detractaque hæc omnis est, primis sex cum dimidio diebus morbi. Pulsus cum inter Phlebotomias, tum post easdem, usque ad diem decimum fere finitum, plenus fuit & fortis, & æqualis, cum celeritate multa. Respiratio perpetuo brevis, celeris, inæqualis, anhelosa, & sub finem sibilosa sæpe. Migravitque a Thorace lævo dolor in dextrum, mitior in eo tamen, die inchoante octavo: utroque in latere nunc pauca, nunc major, die octavo medio: hujusque sub finem nullus ultra percipiebatur, ejus vero loco anxietatis, oppressionisque pectoris, incrementum: exinde ad mortem usque semel modo levem doloris perceptionem habuit.

Cum pulsu hoc bono ac forti, post tot Venæ sectiones pleno, & æquali; cum pulsu, inquam, una ce-



leritate culpando, coctio in alvo a 5. in 11. diem apparuit; quæ quippe modica non esset, & flava, & exceptis nonnullis tenuioribus, ac spumosis, passim pultiformis. Urinæ perpetuo pravæ; rubicundiores enim passim erant, suspensumque enæorema, & in globum plus minus collectum, quod pravum admodum, gerebant. Die 10., nunquam critico, Crisis quædam fieri apparebat ex sputis crassioribus, albidioribusque; tum & ex Lotio vario jumentoso, arenoso, unoque hypostatico. Septem ante obitum horis pulsus tandem debilior, & inæqualis, cepit esse, & semihora ante mortem deficere. Ante finem 11<sup>mi</sup> diei cum levi ac brevi convulsione obiit.

Conferentes obiter hunc morbum cum eo ægri præcedentis, nomine agnoscimus eundem esse, ac pultisum,

suum , urinarum , respirandi quoque difficultatis , sputorumque penuriæ , ac pravitatis , doloris tandem ex sinistro ad dextrum migrantis , atque nonnunquam latus utrumque occupantis comparatione , multam sane contemplamur paritatem : Operæ precium est igitur causas morbi in posterioris cadavere rimari , atque , num etiam cum causis morbi prioris conveniant , examinare.

§. IX. Die 12. Dec. , horis a morte 36. elapsis , cadaver aperturi ,prehendimus oculos non corrugatos quidem , sed opacos ; rigoremque esse in artubus cadaverum.

Omentum integrum , sic ut perfecte tegeret abdomen , excepto lævo inguine , ubi turgens admodum intestinum Colum de sua illud sede removerat. Ceterum non modo te-



cumvolutum Intestinis, ex anterioribus ventris ad posteriora tendebat: ita ut Hernia Omenti hic possibilis fuisset.

Intestinum Colon octies flexum, in medio ventre diverticulum formaverat adeo amplum, ut a margine Hepatis usque ultra umbilicum cuncta impleret.

Hepar duos pollices latos in medio Epigastrio infra costas descendebat, ac lobo suo minore mediam sinistri lateris partem occupabat: ita quidem ut Hepatis vitia in hoc homine & infra costas tactui patuissent, & latus sinistrum quoque occupare potuissent. Cavum sinistrum Epigastrii ab Hepate vacuum, amplius Ventriculus explebat, hincque ingentem post se, dorsum versus, Splenem recondebat. Vesicula fellea bile vacua,  
nil

nil nisi paucum liquidi, loturæ car-  
nium similis, habuit.

Tenuia Intestina alba, Ilei vero  
portio, spithama longior, cum an-  
nexo suo Mesenterio inflammata  
erat.

In Thorace Pulmo dexter, colo-  
re in lividum vergens, partim liber,  
cohærens partim, non admodum  
fortiter tamen, cum Pleura infima,  
& Diaphragmate.

Pericardium ingens, tota sua su-  
perficie anteriore cum Pleura cohæ-  
sit; quo itidem modo Pulmo sinister,  
idque minore parte fero phlogistico  
coagulato, majore autem genitura  
forti membranæ. Cæterum Pericar-  
dium crassum valde, cum substantia  
membranarum, tum fero coagulato,  
quod, crassioris membranæ in mo-  
rem, internam illius superficiem con-  
textit. Ablato vero eo, superficies



hæc præ inflammatione intense rubuit.

Cor album visum, quod similis illud crusta tegeret; quo ablato carneum apparuit, solito forte pallidius.

Liquoris albi, tenui puri similis, unciae septem cavum explebant Pericardium.

Ex sinu venoso dextro polypus grumosi sanguinis crassus, atque longus, de venis cavis extrahebatur: ex arteria pulmonali alter, crassus, cum figura Arteriæ divisionum: ex sinu venoso sinistro mollior polypus, crassusque idem, & ramosus: qui ex Aorta, longus ille, durus, flavus ita, ut potiore parte coagulato sero constare videretur.

In auferendo Sterno purulentus locus apparuit in anteriore superficie Pericardii; neque in eo modo, sed in tota quoque & Pericardii, & Lobi  
bi

bi inferioris Pulmonis lævi, ad dorsum, ejusque spinam usque, pus copiosum detinebatur; inter multas, fortesque productiones membraneas, quibus Pleura cum illis connata erat. Texit præterea factitia ex fero nata Membrana has omnes partes. Puris effluentis uncias propemodum quatuor ex singulo pectoris cavo eduximus; ex singulo, ajo, cum soluto Pulmonis dextri cum pleura coalitus effluxit quoque. Lobi porro inferioris Pulmonis [sinistri] substantia glabra fuit, extenuata omnino, non vero erosa. Postica pulmonis utriusque superficies ab inflammatione nigra fuit.

Deglubita factitia a Pleura Membrana, impleta, & rubro sanguine infarta vasa nudo oculo conspiciantur, potissimum in Pleura dextri lateris.



In frontis dextro latere Cicatrix, & os ibi excavatum : nulla quidem ibi præternaturalis cum Dura matre co-hæſio, ſed paulo altius, aureum num-mum magna. Dura Mater ceterum naturalis, Pia quidem ſanguine ple-nior, in lobo autem poſteriore ad-modum. In ſinu longitudinali in-gens polypus flavus, cum fortibus la-teralibus ramis, de Venis Duræ matris extractis. Sinus duo ſuperiores va-cui, & ficci ; tertius & quartus vix madidi erant. Subſtantia medullæ cerebri bona ; ea cerebelli paulo fic-cior, nec fere arboream figuram tranſciſſa referebat.

§. X. Si in utriusque hujus ægri morbo multam mirati paritatem fui-mus, majorem ea miramur in anato-me. Ne Omenti integritatis ampliſſimæ, ne ſitus Jecinoris, ne Coli de-generis ſacci, neve Bilis deficientis,  
ſi-

similitudinem commemorem, quid ovo similis ovo, quam utriusque conditio Thoracis? Ingens in utroque Pericardium: puris in posteriore unciae VII. in priore unciae IX. cavum explentes Pericardii: ejusdem in utroque superficies interna, cum facititia membrana tecta, tum inflammata valde: Cor eadem purulenta coagulatione incrustatum, polyposque habens: Pulmo utriusque cum Pleura connexus, tam ope facititiæ membranæ, quam vinculi membranei; dorsoque niger uterque: Purulentus in amborum Thorace liquor: Pleura inflammata in utroque: Pus in Mediaſtino, ubi Pericardium cohærebat: Plexus Choroidei flavi, Ventriculi Cerebri, ac Cerebelli, vacui.

Similitudinem morbi utroque in ægro contemplati, commode valde hanc ex tanta partium in cadavere  
affe-



affectarum paritate explicamus ; minus vero commodè rationem dabimus præcipuorum , quæ exhibuit morbus uterque, phænomenum : agite tamen videamus.

1. Cur Respiratio utrique quidem mala fuit, priori tamen pejor?

R. Inflammatio Pulmonum, Laterumque, ad explicandum utriusque in respirando laborem, sufficit: quia autem prior, docente Anamnesi, pessima cum tussi, tum respiratione, novenis annis, a Pleuritide tunc tolerata, laboraverat, creditur laterum pulmonumque coalitum exinde habuisse, adeoque pejus altero respirasse, quod pulmo tot annis tussi conquassatus, & accretus Pleuræ, ad inflammationem tolerandam ineptior fuerit: de hac re mox latius.

2. Cur pauca utrique tussis posterioribus morbi diebus, sputaque cum paucissima, tum prava?

R. Morbi materies seu cruda, seu semicocta, seu etiam cocta, si intra cavum Vesicularum Bronchiorumque transfudasset, & tussim excitasset, & sputorum forma prodiisset; jam vero cum per pulmonis vias, adhuc patulas, in Cor sinistrum parte sui pervenisset, cum sanguine Aortæ & in arterias aut Cordis, aut Pericardii, aut utriusque, & in arterias Intercoştales, atque Mesentericas pulsus, in Cavum Pericardii, & Pectoris, inque illud Intestinalis tubi, excrevit se. Hinc neque excitare tussim, neque sputa formare potuit.

3. Unde utrique in Pericardio, & Thorace, puri similis materies?

R. Ab exposita mox erronea Naturæ secretionē. Liquet hinc haud  
ita

ita laboriosas, tortuosasque vias, quærendas fuisse, ut Pleuritidis per sputa Crisin explicaremus. Constitit quippe Pus a Pulmone & a Pleura, citra sputa, urinariis, alvinisque viis, secerni, & excerni: Videmusque in hoc utroque casu a Pleura, & Pulmone, intra cavum tam Thoracis, quam Pericardii, purulentam effusam materiem. Proinde si inflammatoria Pleuritidis materies ita coquitur, ut mobilis facta in venas transmitti, tradique Cordi dextro possit, comprehendimus eam in cavas vesiculas, bronchiaque posse excerni; via profecto longe & faciliore, & brevior, per quam novimus eandem alias ab Aorta arteriis aut renalibus, aut mesentericis, sic tradi, ut perfecte judicetur sine sputis morbus.

4. Unde utrique Pulmonis cum Pleura tam pertinax concretio?

R.



R. Ex observatis Anatomicis novimus 1<sup>mo</sup> concretionem hanc observari frequentissimam. 2<sup>do</sup> Ex observatis Pathologicis intelligimus a multis impune illam tolerari, a non paucis ægrius ferri; id quod integra Respiratio in illis demonstrat, in hisce vero læsa; dum interea nulla causa alia, præter hanc concretionem, detegatur, in quam istud respirationis vitium jure refundas. Rationem vero ignorare me lubens fateor, cur eadem ipsissima causa in uno corpore effectum sortiatur, in altero eodem careat! solitariam tamen hanc observationem non esse, imo frequentem valde, observata testantur in compluribus Morborum causis præparantibus, quæ in nonnullis nullum effectum edunt, in aliis autem & Epilepsias generant, & Apoplexias, & Asthmata, & Cordis palpitationes, &c.

&c. Horum in operibus meis plura exempla communicavi; qui vero *Morgagniana* opera hoc scopo evolvit, inventurus numerosiora erit.

Hinc id audeo conficere, ut utrique horum Virorum dudum natus fuerit hic pulmonum coalitus membranofus; cum alias adeo firmus ac tenax, spatium paucorum aut dierum, aut mensium, non existeret, ut illacerabilis esset: posteriori itaque nullam, priori vero multam attulerit valetudinis jacturam.

At vero quæret forsitan quis, cur purulentum humorem, qui intra Pericardium, intraque utramque Pectoris cameram, effusus cernebatur, minus existimem annosi mali fuisse originem? Quia in eo, qui usque ad ultimum morbum illibata sex annorum sanitate gavissus est, Pericardii a pure repletio non nisi ex natura peracuti,  
quo

quo periit, morbi, fieri potuit. Cur igitur, cujus rei in hoc viro certiores sumus, ejusdem in priore homine originem alibi quæramus?

Instabis : Pericardii Hydropem Anatomici in illis invenerunt, qui nulla ejus præbuerant in vita indicia. Itidem Hydropem Thoracis, cujus ne minima quidem unquam fuerat ante mortem suspicio: cur ergo adhæfioni pulmonum unice tribuamus, quod forte Cordi adscribendum sit; cum virorum nostrorum alter tot annis male valuerit, & alter idem Pericardii vitium impune tolerare potuerit?

Respondeo 1<sup>mo</sup> Respiratio quæ nostrorum priorem tot annis vexarit, non a Pericardii impletione, sed a Pulmonum cum Pleura concretione originem duxisse supra constitit. 2<sup>do</sup> Casus inventi Hydropis Pericardii,



absque præviis ejusdem signis, inter omnium rarissimos est; igiturne sapientis est velle utramque hanc historiam, quæ probabiliorem expositionem admittit, ad singularissimum casum referre, aut ut verius dicam, retorquere? 3<sup>tio</sup> Qui hoc vellet, non unam, sed duas admitteret eodem in corpore causas, ingentesque eas, & nihilominus indiciis cunctis in vita destitutas: quod videretur rarissimæ rei memoria abuti velle. 4<sup>to</sup> Data superius explicatio modi, quo in Morbis acutis humores moveantur, fecernantur, & excernantur, manifesto docet errantem naturam haud pluribus indigere aut diebus, aut horis, ut ad Pericardium Thoracemque materiam ducat, in eaque excernat, quam vel ad Renes, vel ad Intestina, vel ad organon Cutis, vel ad hos locos omnes.

5. Cur posteriori bona passim alvus, & quid inde boni?

R. Superius jam constitit neque errantem ubique, neque otiosam semper, Naturam fuisse, hacque via portionem excrevisse cocti: forsitan hinc quatrIduo serius, quam prior, mortem procrastinavit.

6. Unde tantæ vires utrisque? tantique pulsus arteriarum?

R. Pulsus Peripneumonicorum tunc incipit debilis mollisque prehendi, quando non nisi copia longe parcius cruoris per inflammatum transire pulmonem potest. Sed utrisque his viris pulmonem a portione materiæ morbosæ puris in alia loca depositio exonerabat; minus ergo & cito, & copiose, a Sanguine gravis redditus, impermeabilisque, Pulmo, copiosiorrem cruorem transmisit, quam ut consueta pulsuum mollitudo, consi-

dentiaque adessent: hinc se pulsus fortem semper plenumque stitit, quin & sanguis non in serosa parte duntaxat, verum & in rubra, difficulter scindendus, fortiolem, duriolemque ictum parietibus arteriarum impressit, easdemque in validiolem renixum irritavit, coegit. Præterea cum Hydraulica doceant humorum subtiliolem partem ex Aorta ad Cerebrum, Cerebellumque ferri, videtur secretio hujus subtilioris ad Corticem Cerebri & Cerebelli parum tantum turbata fuisse; videntur ideo Nervi id a sua origine accepisse, quod ad eorundem actionem, motumque requireretur. Quapropter etiam Pulsus ad finem fere usque æqualis, viresque ad erigendum, ad sedendum, ad movendum, solito fortiores; ac nulli fere unquam tendinum subsultus. Tandem tamen Pulmo, solidescen-



descende fere cruore magis repletus magisque, non potuit ultra sufficientem ejus copiam transmittere, neque exsiccatus idem cruor ultra id subtile suppeditare Encephalo, quod suppeditaverat eo usque; unde brevi collabi pulsus, & tendere in gangrænam pulmo debuit, letumque inevitabile facere. Defectu hujus subtilioris & sanguis polyposus inventus est, ipsique choroidei plexus; & vacui omni liquore quatuor Ventriculi.

De Membranarum inflammatione differendum accuratius foret: sed cum ejusdem nonnulla exempla casus sequentes adhuc dabunt, malo dissertationem hanc differre, donec hos enarraverim casus.

§. XI. In Consultationem frequentem vocatus fui apud feminam juvenem, quæ valetudinaria a teneris, matre genita, quam in flore æta-

tis vomitus incurabilis, Phthisisque pulmonaria, e medio sustulerant, pallida, laterum frequentem conquesta dolorem, hilaris ceterum, demum sedecim annos nata nupsit; enixaque primogenitum mortuum, partu altero vivam filiam peperit. In priore graviditate, puerperioque, male sæpe habuit; in altera graviditate longe melius, inque puerperio optime, usque in nonum diem; quo ceperunt eam & febris corripere, & tussis, & vomitus, quæ illam nunquam dereliquerunt. Vomitu abundantiore prægresso, tussis aut nulla erat, aut modica; vomitum instantem tussis pronuntiabat frequentior. Pectus, post vomitum liberius, alios mecum Practicos dubitantes sæpe reddebat, an aut revera, an saltem notabiliter, affectus Pulmo foret? Eventus autem nos docuit haud in Acutis modo, sed etiam

etiam in Chronicis , haud omnino tutas prædictiones esse , quandoquidem inchoante Decembri mense 1769. purulenta sputa Phthisin pulmonarem manifestarent , cum vomitu junctam , posterioribusque Vitæ septimanis cum immani lateris Thoracis sinistri dolore ; quo in loco morbi fomitem esse aiebat , eumque Paracentesi a nobis inde auferendum poscebat. Sputis tandem cœnosis , & sudore , alvoque colliquantibus , periit 4. Febr. 1770.

§. XII. Altera a morte die Medici complures , Chirurgique , cadaver lustrantes , vidimus emaciatissimum quidem corpus , Thoracis vero Ventrisque lacertos inexpectatæ pinguedinis copiam habere.

Lympha multa in cavo Abdominis. Omentum & pingue valde , & amplum adeo , ut non modo cuncta Intestina contegeret , verum quoque fini-



strorsum Lumbos versus, se circum Colon, Ileumque, circumvolveret.

Quamvis a Diarrhœa colliquante pluries vidimus inflammata esse, gangrænosaque intestina, hic minime.

Coli Intestini transversus per ventrem situs ita inferior consueta sede, ut infra umbilicum diametri suæ parte decumberet, neque majores suos flexus, jecorarium, splenicumque, haberet medio altiores. Situs hujus in causa Jecinoris moles insignior fuit, totum Epigastrium, seu Hypochondria, replentis, Intestinorum proinde universam præcipitantis molem. Hepar autem ipsum, tantæ licet mollis, leve adeo ac molle tamen erat, ut quinque cum dimidia librarum medicarum pondus vix æquaret: pallidius totum, pultisque consistentiæ fuit: Lien modicus, justo mollior.

Ven-

Ventriculus versus os superius amplissimus, sub jecore descendens, in medio suo coarctabatur ab habenis tendinosiis, illarum, quas Pylorus habet, consimilibus; postea iterum amplissimus ad Pylorum usque: quod autem notandum, Lobo minore Hepatis contegebatur ab orificio superiore, ad usque expositam mox coarctationem, emergens inde trium digitorum latorum spatio nudus erat, denique sub lobo majore Hepatis reliqua sua parte se recondebatur.

In Mesenterio, atque Mesocolo, tantam luxuriantis adipis copiam deprehendimus, ut inde conficeremus, & Lactea vasa, & glandulas primi secundique generis, comprimi, chylique tum elaborationem, tum transitum, retardari multum, cohiberique debuisse.

Vesicula fellea bilis quid continebat, sed æruginosæ.

Uterus cum Ovariis non majoris molis, quam in vix nubili puella.

Thoracis conspectus. Hydrops Pericardii ab unciis lymphæ tribus. Hydrops utriusque cavi pectoris a ferro rubello non modico.

Pulmo dexter anteriore & laterali superficie liberrimus, si excipias ejus cohæsionem cum costæ superioris arcu, posterioreque parte: cum vertebrae autem tota sua longitudine coaluerat. Vomicis carens, tubercula pure plena ostendit, adeo numerosa, ut tres hujus Pulmonis lobi non nisi ejusmodi tuberculorum congeriem referrent. Pulmo sinister nullibi cum Pleura cohæsit, nisi ad Costam superiorem, ad latera omnium vertebrarum dorsi, & media sui, pedis equini dicti, portione ad Diaphragma; con-

cava



cava autem sua parte cum universo Pericardio. Lobi ambo ejus haud fecus, quam in dextro, scatebant tuberculis; lobus autem superior magnam præterea habebat Vomicam. Perfcisso hoc pulmone ubique locorum, pus effluxit hinc griseum magis, illinc plus subviridescens, quam ex Pulmone dextro.

Qua parte Pericardium & Diaphragma libera a concretionem hac erant, non nisi pannum exhibuere ruberrimum.

Ipsa denique Pleura a costa sexta vera, usque ad 5. id est infimam spuriam, eundem habuit ruberrimorum vasorum infarctum, eoque manifestiorem, quo ab ejusdem dorso cellulositatem accuratius degluberes.

§. XIII. En iterum Diagnoseos Prognoseosque ingentem, ineluctabilem,

lem, præ tot morborum, eorumque  
causarum syndrome, difficultatem.

Ut enim a ventre incipiamus; sua  
importuna mole Jecur medium ferme  
ventrem sic implevit, ut & Ventricu-  
lus, & pariter Intestina, vehemen-  
ter hic non minus compressa, quam  
depressa, necessarium agendi, evol-  
vendique se, & explicandi, spatium  
non habuerint. Nonne hinc sæpe  
illa tarda, qua laborabat, difficilis-  
que, alvus? An non inde quando  
aut materie, aut flatibus, hæc viscera  
tuebant, anxietas dolorque! An  
ipsa Chyli confectio non turbata?  
non impedita propulsio? Ventriculus  
vero sub hac mole compressus, an  
non pro varia, qua repletus materia,  
impeditus omnino? An hæc com-  
pressio non fecerit, aut auxerit sal-  
tem, in medio ejusdem inventam con-  
strictionem? An spasmi in hoc angu-  
stante

stante circulo vomitum generare aliquando non potuerunt? Nunquid vomitus, etiam superato hoc coarctante circulo, adesse sæpe non debuit, quando contentis turgens Ventriculus una cum Pyloro, ab immensa jecoris mole comprimeretur? Et vomitum eundem an non excitavit sæpe Omenti circumvolutio circum Intestina ad Lumbos, Ventriculum, quocum necitur, trahens, non obsequiosa ejusdem motibus; quemadmodum ab Hernia Omenti solius nasci Vomitus credimus, quando Ventriculum plenum & agentem irritat, vellicatque perpetuo? An & æruginea bilis in Vomitus non proritat aliis in morbis Ventriculum? Et in hoc emaciatissimo corpore inventa importunæ adipis in Mesenterio moles, an quoque non potuit pondere immodico irritare in Abdomine nervos?



vos? Chylo certe debuit, ut supra jam advertimus, impedimento fuisse. Non defunt itaque causæ inemendabilem in vita vomitum explicandi.

Thoracem contemplantes, Hydropem utriusque Pectoris Cavi, Hydropemque invenimus Pericardii: Pulmones præterea & connatos hinc inde cum Pleura, & vomicam gerentes, & tuberculis plenos: diram denique Diaphragmatis Pleuræque inflammationem. Horum profecto singula singulos gignere morbos, gravesque illos & letales, possunt. Difficile porro determinare est, quando nam singulæ partium & in Ventre & in Thorace, degeneres mutationes ortæ fuerint? An congenitæ quædam, aliæque originem habuerunt longe feriores? Sic quidem ut, si congenitas velis, hæc siluerint diu, adoleverintque tandem, ut in effectum pro-

rum-

rumperent? Et qua accidente causa? Nunquid etiam, quod & Ventriculi & Oesophagi, distractio, vellicatio, & compressio, quas ab utriusque situ formaque consequi necesse fuit, irritando Oesophagum, faucesque, Tussim, vere stomachicam, eandemque solam in principio, molestissimamque, creare potuerunt; quemadmodum explicare nonnunquam rariores quasdam tusses, vere ac unice stomachicas, debemus? An ejusmodi tusses agitando quatiendoque pulmonem, demum eundem ita corrumpunt, ut Phthisis inde nascatur? Inflammatio autem Pleuræ ac Diaphragmatis ingens & lata, brevine ante mortem, an vero eo tempore nata, quo laterum dolorem conqueri cepit? Saltem qui toto hoc capite nos occupat Aphorismus *Hippocratis*, si antea in Acutis, in hoc quoque lento mor-

morbo veritati consonus deprehenditur. Sed mirabiliora videbimus.

§. XIV. Natus XVIII. annos juvenis, Cementarius, narrabat nobis ventrosam a teneris, verminosamque, se fuisse; deinde circa XII. ætatis annum, sumto ignoto quodam pulvere, integros vermium glomeres se dejecisse, ab eoque tempore & ventris concidisse tumorem, & siluisse incommoda vermium: Variolas se infantem, puerumque Morbillos, ita transisse, ut labes nulla remansisset sanitati: crebrioribus narium hæmorrhagiis obnoxium quondam se fuisse, ab anni autem elapso spatio haud ultra. Febri tertiana ante quinque abhinc decursas septimanas se laborasse, quam demum ignoto pulvisculo, ante 7 & 8 insultum sumto, profligasset.

Hic Juvenis die 3 Junii 1770 cum in sylva publica ambulans, neque, ut  
ait,



ait, æstuans, sudansve, frigidam cerevisiam bibisset, domumque repetivisset, mox horam integram horruit, æstuavit deinde, unaque & lateris dextri, & ventris, pungentem expertus dolorem, siti immani, tussi, ac dolorosa respiratione, laborare cepit. Idem & altero die, & tertio, & quarto, per omnia continuavit, cum noctibus propemodum insomnibus. Finiente quarto die Phlebotomia in dextro brachio facta, Infusumque pectorale datum est: effectum inde id, ut dolor pauxillum leniretur: febris tamen cum enarratis symptomatibus, inquietisque noctibus, perseveravit. Die 5<sup>to</sup> ac 6<sup>to</sup> Diarrhœam passus est, quam oleum cum jure carniū septimo die epotum pacavit.

Die 7 morbi majorem partem elapso, in Nosocomium illatus, pulsum mediocriter celerem habebat, ple-

numque illum, & fortem, & subdum, æqualemque. Latere dextro, ac ventre universo, admodum dolentem juvenem vidimus, laboriose respirantem, sicce, frequenterque tussientem, sitientem admodum, leviter transpirantem, valentemque unico, idque totius ægritudinis decursu, capite.

Vena, ut monui, domi secta fuerat. Nos autem summam morbi cruditatem die hoc septimo, octavoque continuantem intuiti, Phebotomiam utroque hoc die repetivimus, Libræ ad singulam vicem copia. Utriusque sanguis vehementis inflammationis notam habuit. Mitiora paulatim facta symptomata coctionem incipientem designabant; sic ut nono quidem die finiente naris sinistræ hæmorrhagia modica prodiret; undecimo autem mox instante, ipsoque illo die, alvus copiosa,

piofa, flava, atque pultiformis, varia vice, una cum Lumbricis teretibus numero quinque, exoneraretur: ita ut die quarto & decimo judicatus a morbo videretur. Urinæ & sub hoc tempus, & postmodum plerumque, naturales, arenam passim gerentes, postque Aquam lax. Vienn. die 13. assumptam, hypostaticæ.

Hoc ipso die Febris rediit, crevitque cum respiratione perquam anxiosa, pulsuque & duro, & ad minimum motum inæquali; unde 20 die sanguis missus est, qui summe pleuriticus fuit. Hoc ipso die amplissimas habuit, ut horreremus, pupillas; utque nidum vermium adhuc latentem suspicaremur. Febre parumper mitescente, stillicidium sanguinis nare sinistra observavimus, & dolorem dextræ pectoris ventrisque partis, mitiorem. Sextum Lumbricum hoc



die deposuit. At vero die 23 Febris valde inflammatoria fuit, cum auctioribus doloribus, celerique ac dolente valde respiratione. Unde ex dextro brachio iterum decem detraxi uncias cruoris, qui momento crassescere, densoque cepit corio tegi. More nostro, sæpe fortunatissimo, Emplastrum amplum, ex una parte Empl. Vesicantis, tribusque Meliloti, compositum, dolenti lateri admotum est. Brevi post & urina hypostatica mingebatur, & semicocta alvus dejiciebatur, cum septimo Lumbrico, dolore soluto omni, febreque mitiore. Die vero 26, cum dolor redivivus respirationis suffocationem minaretur, nec ullis remediis auscultaret, missionem sanguinis iteravimus, crassitudine, corioque, non cedentis proxime priori.

Die

Die 27. 28. 29. 30. 31. æger melius habuit, alvum urinasque subcriticas reddidit, viribus crevit, dolore caruit; modicam tamen pulsuum celeritatem, & si moveret se, inæqualitatem, habuit perpetuo. Octavum Lumbricum ejecit finiente 31. die.

Die 32. 33. 34. excepta pauciore pulsuum celeritate, per omnia valebat. Die 35. & 36. pulsus sæpe lentus, a minimo autem motu pauxillulo celerior: optime ceterum appetivit juvenis, digessit, egressit, hilaris & animosus fuit, robustusque ita, ut tota fere die aut ambularet per conclavia, aut federet. Observavimus modo singulis 35 pulsibus, sive celerioribus, sive lentioribus, Dicrotum pulsum.

Die tandem 37 post optimum somnum media nocte expergescit, bene tamen, licet somnum ultra capere non posset, se sentiens, & cum vicinis,

quoque vigilibus, ægris confabulans. Vix vero audita hora secunda crampum conqueri cepit manuum pedumque, ac valde ejulare. Pulsus tunc celer valde, ac per omnem modum inæqualis. Celeris quoque, anhelosa, atque inæqualis Respiratio. Dilatatissimæ tunc Pupillæ, admotaque immobiles candela. Pluries, quid causæ cur ita vociferaretur, rogatus, nihil regeffit. Cum vespertinus Clyster in ventre adhuc hospitaretur, immissum Recto Suppositorium fuit, unde mox cum Lumbrico Duodecimo copiosa alvus. Expulso eo enemate, aliud immissum, idque oleosum, fuit, ad sedandos dolores. Verum obstuebant Assistentes & Custos eam amplitudinem, ut facile pugnus immitti potuisset; qui tamen adeo contractus olim, ut clysteris cannulam ægre admitteret. Emolliens atque  
calens



calens Cataplasma universo ventri ob-  
volvebatur. Deglutitio, & loquela,  
impossibiles. Vomuit aliquoties. Po-  
stea deglutiit spiritus Cornu Cervi suc-  
cinati tantillum, Juris, Vinique: vo-  
muit iterato. Hora quarta contor-  
quere se per intervalla cepit, & per-  
lectum devolvere, genuaque ad pe-  
ctus replicare: pauca tunc locutus  
est, testatus dolorem, DEUMque pre-  
catus. Mox momento tranquillior vi-  
sus, expiravit. Horis 50 a morte Ca-  
daver lustravimus.

§. XV. Aperto Ventre, Jecur  
utroque lobo tres latos digitos infra  
costas propendebat: ita ut, in cun-  
ctis hujus Capitis casibus, si quam du-  
ritatem, tumoremve, Hepar habuif-  
set, externus nunciasset contactus:  
quem tamen ab altiore ejusdem situ  
frequenter negari numerosiora cada-  
vera nos docuerunt.

Colon Intestinum infra Hepatis lobi majoris crepidinem, lævoque in latere infra Ventriculum decurrebat sic, ut si Ventris altitudinem a sterni mucrone ad umbilicum tripartitum divideres, Coli transversi situs ad duas tertias infra sternum partes esset.

Jecur & Splen boni. Vesicula bile bona plena.

Ventriculus dexteriore sua parte locabatur Colon inter & minorem Jecoris lobum; sinistriore autem ad dorsum sub Hepate abscondebatur. Percussusque oleum ostendit, quod cum jure carnis multum ultima vitæ lacta sumserat. Rugas habuit villosæ tunicæ in cavo majore, in media dextraque vero parte fuit glaberri-mus.

Amplus adhuc, minus tamen, quam in ultimo vitæ certamine, orificio suo Anus. Intestina ab ano  
furfum

sursum versus perfcindendo, Rectum vidimus, principiumque Coli, altitudine quinque digitorum latorum vacuum: Colon abinde, ad Cœcum usque, plenum flava ac pulstem referente materie, affixa undique interiori tunicæ.

Tenuia Intestina a Duodeno deorsum versus aperientes,prehendimus Duodeni, Jejunique omnis, internam superficiem mucosæ exiguo indui; in Ileii autem plagis quatuor Vermes numero sex: in duobus scilicet locis singulum, in duobus geminos; macrem unum, albumque, ac spithama breviorē; macrum alterum brevemque, minus priore albidum; tres fuscis solitæ magnitudinis; crassum unum longum, variegatum, pluribus in locis maxime fuscum. Hi sex Lumbrici, cum duode-



cim illis, quos vivus æger excrevit, faciunt una octodecim.

Ab ipso jam principio molliore manu Intestina contrectaveram, ne quid turbarem, si forsan alicubi lumbricus, proboscide in tunicam infixahæreret pendulus: sed cum mortui omnes essent, deprehendi quid simile non potuit.

Ileum Intestinum a Valvula sursum sesqui ulnæ longitudine repletum erat pultiformi stercore, lateribus per ambitum adhærente. Pluresque inflammatae in illo Plagæ. Volvuli non pauci, contorsionesque Intestini; tum & compressio ibidem laterum ejus tanta, ut cavitas integre deleteretur; deprehendebantur. Mucosos autem glomeres, quibus plures lumbrici involuti sæpe prodeunt, non reperiebamus: ad duos modo Lumbricos pauculum muci spissioris invenimus.

In

In Thorace boni Pulmones, nisi quod dextri inferior pars jam purpurasceret. Sinistri adhæsio nulla, dextri pauca, rara, infirma, cum Pleura; paulo firmior cum Septo medio. Utroque in cavo Thoracis una alterave uncia lymphæ rubellæ.

Pleura dextri lateris longe lateque inflammata, rubris vasis vehementer infartis turgens, pannum proinde ruberrimum, crassissimumque exhibens. Rubedo autem hæc ab externa Pleuræ parte cellulosa vix conspicua, partem ejusdem interiorem maxime tingebat. Musculorum intercostalium inflammatio nulla.

Solito plus in Pericardio Lymphæ. In cordis sinistri superficie album stigma veluti quondam inibi existentis abscessuli. Uterque thalamus vacuus. Substantia pallida cordis.

Pleur.

Pleura succingens diaphragma æquabilissime rubra in ejusdem dexteriori regione; in sinistiore paulo minus, in tendinea autem parte non modice: inferior Diaphragmatis facies sana.

Bona Dura mater. Sinus longitudinalis vacuus. Pia vero mater ita rubicunda; ut nunquam a fortunatissima injectione simile viderim; idque anteriore parte æque quam & laterali, & superiore, & inferiore, interiorique, usque ad Callosum Corpus. Sinus duo superiores, nec non tertius, ne guttam quidem Lymphæ habebant; forte nec quartus, sed id affirmare imprudens ejus dilaceratio asserere vetat. Cerebri Nervorumque originum durior solito substantia.

§. XVI. Si Aphorismi *Hippocratis*, quem pro Themate posuimus, veritas



tas unquam manifesta apparuit, hic profecto sic apparuit. Quis enim hic consuetas leges siue naturæ morbi determinandæ, siue prædictionis formandæ, sequi potuit? Morbus a principio inflammatorius, 11. die judicari visus; febricula superstita deinceps die 23. de integro inflammatorius; imperfecta crisi triduo iterum remittere visus; denuo maxime inflammatorius ad 26. diem; postmodumque crisi lenta atque tarda curatus adparens, tandem inopina morte redivivam excipiente salutem, tam amplas, tam perspicuas, tamque nobiles occupasse partes deprehensus, quam immensum a consueto naturæ tramite non aberraverit? sed quo rem facilius enodem, singulam singulo capite resumam.

## SECTIONIS I.

## CAPUT SECUNDUM.

DE NECESSITATE NOTANDI  
EXACTE VISCERUM IN CADAVERE  
SITUM, SIVE A NATURA, SIVE A  
MORBIS NATUM.

§. I. *Contemplatio frequens situs Viscerum in Cadaveribus necessaria omnino est, quia ingens sæpe est differentia loci, quem occupant. Sine hac attentione non evitantur errores in determinandis morborum sedibus. Hoc exemplis probatur.*

§. I. **I**n singulis hujus horni mei Operis tomis scrupulosius semper Viscerum in Cadaveribus situm notavi; neque unquam Medicorum, Studioforumque corona, in se-  
can-

cando cinctus, eorum in hunc ipsum attentionem excitare neglexi. Quippe quando primo toties Hepar aut vix, aut omnino nihil, infra Thoracis crepidinem eminet; nonne fallimus ægros, dum quemcunque sive tumorem, sive duritiem, sive dolorem, infra costarum marginem illi deprehendunt, horum in Jecore causam fontemque statuamus, nihilque nisi Jecoris deoppilationem clauitemus? Neque dicat quis efficere Jecinoris tumorem, ut si neutiquam antea, saltem jam grandescendo sese infra costas percipiendum præbeat: etenim doloris principium vix comitem tumorem habens, tumorisque etiam notabilioris incrementum versus posteriora, Hepatis lobi majoris anteriorem partem infra costarum marginem notabiliter non deprimentia, vanitatem hujus asserti ostendunt.

Quan-



Quando 2<sup>do</sup> sinistrum Hepatis majoris lobum & totum videmus explere Hypochondrium lævum, & longe lateque infra costas descendere; an non ridicula nostra sententiæ est de absentia eo loco Hepatis, deque sede Morbi aut in Ventriculo, aut in Pancreate, aut in Liene, aut etiam in Colo, quærenda? Ubi 3<sup>tio</sup> Splenem innumeris vicibus in arcu costarum, dorsumque versus, recondi advertimus, ita ut rarissime ad costarum marginem porrigatur; annon male Splenem, Patrem morborum appellamus; dolorem, tumorem, duritiem, sub Costarum sinistrarum experti Crepidinem? Si 4<sup>to</sup> Hypochondrii sinistri incommoda aut in Liene, aut in Ventriculo, aut in Pancreate, Colove, quærimus; jecorarios morbos non nisi in dextro Hypochondrio quærendos rati? Dum 5<sup>to</sup> censemus Ven-

tri-

triculum eorum malorum sedem, originemque esse, quæ in medio, eoque altiore Epigastrio, pauloque sinistrius, percipiuntur; minime attendentes ad Ventriculi situm frequenter vel multo inferiorem, vel penitus sub Jecinore reconditum, dorsove, quam anterioribus, proximiorrem? Quando 6<sup>to</sup> Colicos dolores nuncupamus eos, qui obtinent in Epigastrii superioribus; Colo Intestino vix supra umbilicum inveniundo: viceque versa, dum in Ileo Intestino sedem figimus dolorum, qui umbilicalem regionem torquent, ubi Colon præcipue hæret? Ubi 7<sup>mo</sup> Pleuriticum dolorem eum appellamus, quem ad inferioris Thoracis latera percipit æger; cujusque origo unice in Coli flexu, seu lienari, seu jecorario, est, ad 9. 8. 7. costam, ab inferioribus numeratam, aut alterutro ascen-

dentis, aut utroque latere; interea dum flexus illi pedis forte longitudine depressiores hærent? Et e contrario dum 8<sup>vo</sup> propter Coli, ejusdemque flexionum, depressiorem, quem observamus quoque non raro, situm, negare audemus ab illius Intestini aut fartura materiæ, aut flatu, aut inflammatione, acritudine, vermibusque, hominem sæpe ad latera thoracis, cui tunc illæ Coli flexuræ contiguæ, dolorem percipere posse, qui mentiatur Pleuritidem? Singulares rarioresque prætereo naturæ lusus, insolentesque errores, quos neque prævidere, neque vel conjecturando assequi possumus; sed ejusmodi partium formas atque sedes hic volo, quas eo frequentioresprehendimus, quo Cadaverum sectioni incubuerimus seduliores; quæque eam saltem prudentiam insinuant, ut ne  
ex



ex sede tantummodo mali, sed etiam  
ex reliquis morborum signis, illorum  
naturam determinemus, aptamque  
medelam admoveamus.

# SECTIONIS I.

## CAPUT TERTIUM.

DE INFLAMMATIONE AC DO-  
LORE MEMBRANARUM.

§. I. *Membranas omnes vasculosas esse demon-  
stratur; & quidem primum Pleuram  
innumeris arteriis venisque scatere evin-  
citur experimentis Abrahami Caau Boer-  
haave, Morgagni, partimque Halleri;  
unde Mullerus refutatur, quique cum eo  
hoc negaverunt. De Peritonæo ac Me-  
senterio idem probatur. §. II. Sensiles quo-  
que Membranas hasce esse, probatur ex  
Winslowo, Caauio, & quodammodo ex  
Hallero §. III.. Et vasculosum, & sensile  
F 2 esse*

*esse Pericardium, similiter patet. §. IV Mesenterii sensibilitatem ostenderunt Wepferus & Ruischius. §. V. Argumenta numero octo, quibus apparet opinionis sensibilitatem Membranarum, ac præcipue Pleuræ, negantis, eam nunc esse tolerabilitatem, ut Pathologiam haud ultra turbet, jamque citra metum nocendi integrum cuique esse, utram velit, sententiam amplecti; & ut ultra non subsistat. quod olim nos inter, Hallerum, meque, intercesserat, dissidium. Quærelæ de amicis Italæ, qui hanc nostram turbare concordiam moliebantur. Epistola Viri illustris Halleri testatam faciens eandem. §. VI. Interea tamen inexplicabile quid Membranzæ habent, eo quod etiam illæ, quæ omnibus fatentibus sensilissimæ sunt, sæpe insensiles esse appareant. Demonstratur res exemplo Ventriculi, Diaphragmatis, Piæ Matris, Intestinorum; nec non nervorum incumbentium Articulorum capsulis. Diagnosîs ex Albertino pro Intestinis. Casus unus citra exemplum.*

§. I. **M**embranas vere, direque, inflammatas Auditoribus meis toties demonstravi, ut earum ipsis necessariam debeam expositionem. Pleuram siquidem, tam qua costas, horumque musculos contegat, quam qua convestiat Diaphragma, Mediastinumque formet: Pericardium internum, externumque: Peritonæum, cum abdomen tegens univ ersum, tum Mesenterium formans, rubicunda vicibus numerosis viderunt mecum. Quum autem muriades vasorum non inflammarentur in illis, nisi hæc vasa præexisterent, minus recte has Membras ex complanata cellulositate, aut penitus, aut prope modum vasis destituta, fabrefactas existimamus.

*Abraham Caau Boerhaave* in Aortæ descendente, quem vocant, truncum, ligatis Axillaribus, & Carotide



dextra, incisaque Cava vena superiore, thoracem mox ingressura, perque immissam acum perforata, ac percissa valvula, injecit tepidam aquam, premendoque thoracem cruoris notabilem expressit copiam. Deterfa autem aqua, quæ in cavum pectoris transsudaverat, pressoque thorace,, omni momento sudabat membrana costas succingens humidum,, tenue, aquosum, ut & in omni,, puncto Pericardium, Mediastinum,, Pulmones, quorum omnium superficie docuimus hujus membranae (Pleuræ) esse propaginem,, pressa exspirabant aquam: & sponte. Demonstrat hoc experimentum patere viam ex Aorta per innumeros ramos in omnium harum partium superficie osculis minimis. Multum tamen differunt hæc oscula subtilitate ab iis, quæ inter binas

„ nas Cerebri meninges vaporem ex-  
 „ halant. Absterfa enim superficie,  
 „ dein preffa, armatus oculus de-  
 „ prehendebat distinctas guttulas  
 „ procedentes, quæ mox confluebant.  
 „ Ergo vasculofam effe Pleuram, at-  
 „ que exhalantibus osculis plenam,  
 „ hoc faltem experimentum demon-  
 „ ftrat.

Mediaftini ac Pericardii quidem  
 vafa illuftris vir *Hallerus* descripfit,  
 non vero, quod fciam, ullibi ea  
 Pleuræ; admittere tamen illa videtur  
 dicendo *Lib. IV. Elem. Phys. pag. 257.*

„ Alba ceterum Pleura, inflammata  
 „ tamen, aut ab admiſſo in arteriolas  
 „ ſebo, vafculis non maximis pingitur.

Hinc refutatur ſyſtema *Cl. Mulleri*  
*de ſede & indole Pleuritidis Giffæ 1756.*  
 editum, Pleuramque negans vafis  
 gaudere. Addit Autor *Cl. Virum,*  
 magnumque *Anatomicum M. Meckel,*

vafa quidem in cellulofitate Pleuram circumdante detexiffe, fed neque injectione subtiliffima, neque diffectione, unquam in ipfa Pleura vafa vidiffe. Subjunxit etiam *Cl. Mullerus* fe quoque in Pleuriticorum cadaveribus rem examinaffe, Pleuram vero reperiiffe albiffimam. Celeber etiam Autor quifpiam, in *Mulleri* hanc fententiam commentatus, mitigat' quidem illam utcunque confideratione nonnullorum corporum, quorum Pleura inventa effet haud omnino fanguineis deftituta vafis; abeffe tamen non potuit, quin Pleuræ, fanguinea vafa habentis, rariffimam observationem effe concludat.

Dixerat Vir egregius *Lieutaud*, *Cap. de Infl. Pectoris*: fi infpectioni cadaverum fides, quæ fola tamen decidere quæftionem poffit, Veram Pleuritidem in morbis rariffimis effe:  
fe



se enim in ingenti numero hominum, quos pectoris inflammatio occidisset, duos reperiisse duntaxat, qui veram Pleuritidem passi essent.

At vero quanto in numero cadaverum, tam hoc capite, quam præcedentibus hujus operis Tomis descriptorum, centeni testes mecum non viderunt, Pleuram vel rubicundam utcunque, vel rubicundiorē, vel panni scarlatini instar rubicundissimam! Si rarissima res est, cur nobis, post laterum dolores toleratos, visa toties? Si rarissima res est, cur Viris magnis, *Valsalvæ & Morgagni*, observata quater & decies? Vide hic *Rat. Med. Tom. IX. Cap. IV.* Abunde sane vindicata Veterum doctrina videtur, in Pleura Pleuritidis statuentium sedem. Et si non raro contigerit, ut alba hæc membrana post Pleuritidem reperta fuerit, haud minus tæ-

men & Pleuritidis sedem esse, & necessario insequente Peripneumonia hominem necare, quemadmodum ex cunctorum Medicorum, ita & Clarissimorum *Valsalvæ* & *Morgagni* observatis demonstratur; qui disertis verbis adnotarint Pleuriticum dolorem non modo inflammatae Pleuræ, sed & pressæ eidem, distractæve, adscribi oportere.

Atque hæc de Pleura satis; ad Peritonæum nos convertamus. Idem *A. Caau Boerhaave Persp. Hipp. §. 555. & seq.* „ Aperto Thorace canino in  
 „ Aortam descendantem per siphonem, abdomen versus, leniter immisi tepidam, expresso prius per  
 „ incisam Cavam, & supra incisionem ligatam, sanguine. In aperto abdomine inveni omnia contenta humore subrubello perfusa, atque collectam aquæ subsanguineæ  
 „ quan-

„ quantitatem, venasque omnes ad  
„ rupturam usque distentas; sangui-  
„ ne scilicet, per aquam a tergo pre-  
„ mentem in illas ex arteriis adacto.  
„ Spongia ebibito omni humido, ab-  
„ sterfa Peritonæi superficies interna,  
„ dein pressa, vel & sponte, dabat  
„ distinctas oculo armato, quin &  
„ nudo, videndas guttulas, quæ ut  
„ in thorace, mox confluebant. Do-  
„ cet hoc experimentum modum &  
„ viam, quibus in sanitate cavum a  
„ non concretis factum in abdomi-  
„ ne repletur spiritu (rore) ex con-  
„ tinentis superficie exhalante.

Ut in Pleura superius, ita hic cer-  
nimus iterum in Peritonæi membra-  
næ substantia vasa numerosa: sed rem  
evidentiorẽ ill. *Haller* reddidit *Elem.*  
*Phys. Lib. XX. §. 19.* Nam vasa Peri-  
tonæi a septem post viginti origini-  
bus



bus oriunda descripsit, ut jam ante monui.

Mesenterium ac Mesocolon, itidem vasa sua *Kauiano* Experimento numerosissima demonstrant. *De Persp. Hipp. Cap. 27. §. 562.* „ Injecta in  
„ Art. Mesentericam superiorem aqua,  
„ exit per ultimas Arteriolas in tota  
„ Mesenterii superficie, & inter hujus plicas, patentes : sudare fecit.  
„ & eadem omnem Intestinorum superficiem externam in omni puncto. In Arteriam mesentericam inferiorem, quæ Mesocolo prospicit, injecta aqua transpiravit ex omni Mesocoli & crassorum Intestinorum superficie externa in omni puncto : absterfa vero aqua, eventus, ut ante, erat conspicuus.

Egregius *Haller loc. cit.* „ Mesenterii & Mesocoli vasa propria distinguere oportet ab Intestinalibus.

„ Illa perexigua , multa , brevia ;  
„ hæc amplissima sunt. Mesentericæ  
„ arteriæ venæque fere sunt ab In-  
„ testinalibus : Mesocoli vascula , ut  
„ perampli , a sacris , ab Ileolum-  
„ balibus &c. scilicet a XIX. diversis  
„ truncis. Recta sunt Vasa Mesen-  
„ terii & Mesocoli , neque habent il-  
„ los pulcros intestinalium arcus.

Albæ igitur hæ membranæ omnes  
a mera complicatione cellulosæ telæ  
si formentur , non ab ea sola saltem ,  
sed ex numerosissimis simul vasculis  
arteriosis & venosis ; adeoque obno-  
xiæ sunt nimiae impletioni , inflam-  
mationi , gangrænæ. Quod magno  
prudentis injectionis labore Anato-  
mici , hoc nostris in ægris toties mor-  
bi demonstrarunt nobis. Namque  
cribra non sunt membranæ hæ , hu-  
morem unice transsudantia , qui ex  
Arteriis supra earum dorsum decur-  
ren-

rentibus, per Membranarum tranſſudaret poros: Morbi demonſtrant hæc vafa in ipſa earundem ſubſtantia; & cellulofitas externa vix vaſculoſa, ſi deglubatur, omnium patentiffime hæc vafa in mera membrana conſpiciuntur.

§. II. Opinio communis fuit Membranas, præſertim autem Pleuram, Meſenterium, forſan & Peritonæum, acutum præbere poſſe doloris ſenſum. Conſulamur Anatomicos præcipue, & experientiam, ne temere quid aut rejiciamus, aut amplectemur.

Summus Anatomicus *Jacobus Benignus Winſlow Lib. IV. Exp. peët.* ubi oſtendiſſet Pleuræ vafa Intercoſtalium arteriarum venarumque, nec non Mammariarum internarum, atque Diaphragmaticarum, ramuſculos eſſe, eosque & multos admodum, & valde



de tenues, & frequenter inter se mutuo coeuntes; tandem ejusdem Nervos describens, eos Dorsalium, seu Costalium furculos esse censet. *Pleuram*, ait, ideo nexam costis, ut tendatur, nec dimoveatur: at vero hoc ipso nexu summæ sensilitatis eam esse ad minimam sive accumulati cruoris, sive densatæ Lymphæ pressionem; eoque magis, quo hi nervuli præter modum tunc comprimantur in inspiratione, in qua musculos intercostales intumescere oporteat.

*A Kaau libr. cit. Cap. VII. §. 142. & seq.* „ Interea tota cava superficies „ Thoracis, ad Costas, Costarum „ cartilagines, & Diaphragma, ubi „ illud extra Pericardii basis ambitum „ convexum est, obducitur una, „ continua, tenui, nervosa, forti „ valde membrana, interne politissima. Hæc Pleura dicitur. Huic „ suc-

„ succumbit ubique membrana cellu-  
„ losa ad externam superficiem: hæc  
„ in saginatis opimo refertur adipe,  
„ in omni parte; supra corpora Ver-  
„ tebrarum dorsi, costas, illarum car-  
„ tilagines, sternum, diaphragma mu-  
„ sculosum: ita ut elato tumore pin-  
„ gui sæpe thoracem arctet, & obe-  
„ sis angat organum respirationis,  
„ & Pleuram a costis interiora versus  
„ recedere faciat. Quin & in pin-  
„ guioribus flatu inde distendi potest  
„ Pleura. Hinc quatit ægros tussis  
„ anhela sues, & faucibus angit obe-  
„ sis. Nusquam uberior hæc pingue-  
„ tudo, quam ad loca intercostalia  
„ in pectore: ibi muscoli semper a-  
„ gentes hanc naturaliter requirunt.  
„ Ibi aggeritur pinguibus maxime,  
„ quasi squammatim. Ibi tam facile  
„ separabilis Pleura: in Inflammatione  
„ laterum elevatur sæpe, & in ab-  
„ sces-

„ scessus mutatur. In macilentis &  
 „ tabidis evanescit prorsus.

Inclytus *Haller Libr. El. Phys. VIII.*

§. 2. *Caavium* in his injectionibus secutus, eosdemque effectus expertus, a *Caavii* sententia de sensibilitate acuta Pleuræ recedit, quod experimenta a se facta eandem aut plane insensilem, aut parum admodum esse, demonstrare visa sint; *sed Tom. VIII. in Præfat.* rem clarius explicat, & Pleuram secundario saltem posse dolere concedit. „ Nihil ego de Pleuritidis se-  
 „ de, inquit, præter paucissimas  
 „ voces scripsi - - Pleuram quidem  
 „ sensu carere, impositos ejus con-  
 „ vexo dorso nervos vero, si quan-  
 „ do ab inflammatione vicinæ mem-  
 „ branæ corripiantur, acriter dolo-  
 „ re, hæc omnia & cum rationis  
 „ speculatione consentiunt, & cum  
 „ experimentis.

*Pars XIV,*

G

§. III.



§. III. Pericardium inflammari posse illustris ejusdem triumviratus testimonio evincitur; vasa numerosa illius singulo horum accurate describente. *Winslow*. lib. III. §. 85. *Caau* cap. XXX. *Haller* lib. IV. §. 16. &c.

Utrum vero sensile Pericardium, nec ne, vix ultra sub lite est. *Winslowo* sensibilis apparet, cum propter nervos, tum propter tendineas ejus fibras. *Caau* cum *Ruffo Ephesino* hanc membranam *νευρωδὴν* appellans, sensibilem statuit. Illustrissimo *Hallero* „ ob-  
 „ tusus ejus esse aut nullus sensus vide-  
 „ tur; eoquod Nervi multi quidem Pe-  
 „ ricardium penetrent, ad Cor ituri:  
 „ in eo sacco pauci manere videntur,  
 „ neque satis noti. „ Explicationem hanc minus esse priorum repugnantem sententiæ, quam primo intuitu apparet, mox videbimus.

§. IV. Mesenterium denique sensibile sit, paucis inquiremus.

Ac *primum* quidem, *Wepferiana* experimenta summam nos docent sensibilitatem inesse exteriori Intestinarum tunicæ, quæ nonnisi Mesenterii propago est.

*F. Ruisch. Adv. Anat. Dec. II. n. IV.* annos quinquaginta & plures, ab *Amstelodamensi* Magistratu præpositus interremtorum examini, numerosissimas habuit occasiones hanc quæstionem illustrandi, in populosissima illa urbe, in qua innumerabilis Nautarum gens cultro lites mutuas dirimere solet. Primo notat frequentem ex Hæmorrhagia mortem, post solius Mesenterii læsa, perfosso, si ibi adest, omento, vasa: quæ arteriosa venosaque *Eustachius*, mira sua præparandi arte, tam grandia, tamque numerosa nobis Tab. XXVII. depicta reliquit: *secundo*

Mortem & certam, & præproperam, & summis stipatam cum anxietatibus, tum doloribus; vix ceterum ullis vasis læsis, nec fauciatis aliis partibus, nisi unius Mesenterii substantia. Unde nobis *Boerhaavius*, de Mesenterii vulneribus sermonem faciens, eorum nobis letalitatem serio inculcabat; quam ab hujus duplicatæ Membræ Nervis, toto cum corpore communicantibus, oriri arbitrabatur. Profecto aliam fuisse læsionem suspicari nemo poterit, nisi *Ruischii*, Anatomici summi, Viri annosissimi, & in examine, renunciationeque Vulnerum versatissimi, testimonio fidem deneget. Confirmabat mihi hujus observati veritatem Vir optimus, *Josephus Jaus*, Chirurgiæ in hac inclyta universitate, dum viveret, dignissimus Professor: objicientique mihi Chirurghi de la Peyronie casum ex Tom. I. Act. Chir.



*Chir. Reg. Par.*, qui in Herniotomia, ablata gangrænosa totius Intestini portione intermedia, ora Intestini utrinque adducens ad vulneris labia consuebat, eademque ibidem, acu cum filo Mesenterio impune tranfosso, firmabat; respondit plagam oportere hinc inde in Mesenterio esse, quæ nervo destituta, operationis admiserit impunitatem.

Interim egregius *Haller Lib. XX. §. XI.* „ Mesenterii fabrica, inquit, eadem est, quæ in universum Peritonæo; natura nempe ex cellulosa tela stipata, absque fibris; vasculis numerosis picta, sed exiguis, nullis nervis conspicuis. Hinc absque sensu est, ut omnino convulsiones ab acriori spiritu Nitri superfuso, in cane vivo natas, ipse experimenti Autor *Amatus Lorry* Nervis intestinalibus, per tenue velamen tactis, tribuerit. “ Estque

*Wepferi experimentum.* An non videtur *Lorryus* sibi vim intulisse, hoc effugium quærendo?

§. V. Quandam itaque sententiarum advertimus discrepantiam, in harum omnium membranarum expositione; paucam tamen eam esse, ac prope nullam, docebo.

Pleuram concedamus insensilem esse; demus etiam insensile esse Pericardium, & Peritonæum, & Mesenterium, Articulorumque præterea & capsulas, & ligamenta, tandem & tendines: inde nullo modo consequitur id, ut falsum sit omne, quod de harum membranarum dolore, partiumque convulsione, ab his affectis nata, deque subsecuta morte, celeberrimi cum Anatomici, tum præsertim Pathologici, adnotarunt. Militari Veritas parti utrique potest.

Namque 1<sup>mo</sup> Membranæ, Ligamenta, Tendinesque, possunt videri insen-

insensiles, quando subito, quando integre, percinduntur; acutissimi interim sensus esse, dum aut paulatim sive scinduntur, sive roduntur, sive distrahuntur, aut dimidiatim, partimve, duntaxat dissolvuntur. Id Historia vulnerum evincit abunde, nec dubii quidquam hac super re in arte est. Vid. *Boerhaave cap. de vuln. in genere, & Comm. Ill. Præf.* Ipsa sensibilissima Cutis acriter sæpe dolet dum Vena tunditur; qua propter multi hanc puncturam, seu scissionem formidant: sæpe vero citra vel minimum sensum doloris perficitur: quo Chirurgorum quorundam artificiosa eruditaque manus facere solet. Itidem in Cutis subita expansione inflammatoria immanis dolor sæpe percipitur; in expansione Hydropicorum lenta, eaque & gravidarum, & spina ven-



toſa benigna laborantium, ſæpe ne attacta quidem, aut diſtracta, dolet.

2<sup>do</sup> Membranæ, Capſulæ, Ligamenta, aut in ſua ſubſtantia nervos habent, ut pluribus viſum, aut minime. Si minime, nervos modo aut tranſgreſſos habent, aut circumpoſitos, aut ſubditos, aut incluſos. Utrumlibet cenſueris, Membrana ac reliquæ enumeratæ partes, ab applicata dolorifera cauſa non dolebunt, ſi eo in loco ab illis afficiantur cauſis, quo in loco vel ſubſtantia illorum nervo caret, vel ubi nullus adeſt in vicinia nervus, qui ledi poſſit: dolebunt vero parum, multum, plurimum, pro varia intenſitate applicationis cauſæ dolorificæ ad Nervos; qui ſeu pauciores, copioſioresve, in ipſam harum partium Fabricam componendam concurrunt, ſeu in earundem vicinitate a natura ordinantur.

Un-

Unde merito conficere poffe videor *Primo* , Lentam fanguineorum vaforum farturam dolore carere poffe , eo quod & ipfa Membranarum vafa, fi illa fint præ nervulorum in fua fabrica concurfu fenfibilia , paulatim tantum diftendantur , adeoque tardiori fuæ expansioni citra difficultatem, citraque moleftiam , accommodentur: & fi qui nervi vel in fubftantia membranacea , vel in vicinitate proximior decurrant, hos expansioni tardigradæ minutatim affuefieri.

*Secundo* , Hinc Ventriculum, Inteftina , Pleuram , Pericardium , Peritonæum , Mefenterium , & quidquid demum membranei generis fit, rubicunda fanguine nonnumquam reperiri eorum in cadaveribus potuiſſe, in quibus viventibus nullæ exauditaæ eſſent quærelæ dolorum, Oculorum

indolens in Adnata rubedo , qualem in diuturniore lippitudine observamus, & id genus alia, hoc confirmant.

*Tertio.* Si ea nobis animi sententia est, ut etiam minores arteriæ ob suæ compositionis nervulos sensibiles sint, hac tamen in præcipitante impletione indolentes esse posse, si laxioris per omnia Fabricæ sint. Exemplo sit subitanea indolensque oculorum rubedo ; hominumque laxioris compaginis subitaneus, atque sæpe intensissimus, faciei rubor.

*Quarto.* Male ubique asseri hic doloris adfuisse causam, quæ effectum caruerit: sed asseri potius oportere, causam, dolorem quæ creare potuisset, nullam adfuisse; adeoque hisce positis, nullum partium recensitarum dolorem potuisse percipi.

*Quinto.* Oportere vero omnes has partes dolere, dum celerior va-  
forum



forum impletio , five arteriolarum nervulos de repente expandat vehementer, five nervulos in Membrarum Tendinumve aut fabrica , aut vicinia præfentes premat , extendat , violentoque vellicet pulſu.

*Sexto.* Neque a ſola inflammatio-  
ne, verum quoque ab acri quocun-  
que intra vaſa rodente, citra eorun-  
dem expansionem, partium membra-  
nearum, tendinofarumque, dolorem  
excitare debere: id quod vix ob aliam  
cauſam , quam ob nervulorum in  
fabrica arteriarum præſentiam, fieri  
capimus.

*Septimo.* Hinc Arthriticos dolo-  
res tandem intelligi, in quibus acris  
podagrica dicta terra, ſanguine ad-  
vecta, atque in arterias lymphaticas  
pulſa; quarum per fines neque in ve-  
nas, neque in minima oſcula exha-  
lantia, transmitti, præ multa ſua ſi-

ve crassitie , sive duritie nequeat ; dolores enormes creet , donec affluente liquido dilutior , motu pulsuque attenuatior , per cutis poros evaporare pauxillatim possit : unde Lymphaticis arteriis acutum tribuere sensum cogimur : nisi quis in id inclinet potius , ut a turgentibus pulsantibusque non quidem lymphaticis , sed potius proximis vasis rubris , nervos premi , tundi , vellicarique opinetur . Porro acrem hanc materiem , seu podagricam calcem , in vasis hærere , non extra illa diffundi , Methodus *παλαιό-κηνή* docet admovendi ad Podagræ sedem Hirudines : quam Methodum renovatam pulcro tractatu anno 1769. tradidit , experimentis & in propria , & in multorum aliorum Podagra capitis , confirmavit , venerandæ canitiei Medicus Andegavensis *Franciscus Paulmier*. Sin vero vasa crudeliter erosa

fran-

frangantur, diffundaturque calx podagrica, nodi ac tophi nascuntur, qui vel foras erumpentes, sicciorem, dilutioremque calcem excernunt; vel partem, in qua hærent, vicinasque, rodendo destruunt; quin imo eorum materies aut tenuatior, aut saltem majoribus erosorum vasculorum oris resorpta, vel alios articulos invadit, vel nobiliores malo omine partes.

*Octavo.* Hinc forte *Arætaei Cappadocis* difficiliorem textum capi, quando nostras animadversiones ad illum contulerimus; quod rite ut fiat integer ille transferendus est. „ Est Ar-  
„ thritis omnium simul Nervorum af-  
„ fectus, si auctum malum omnibus  
„ ingruat: initio vero Nervi, arti-  
„ culorum vincula, & quæcumque  
„ ex ossibus exorta sunt, & in ossa  
„ inferuntur, dolere incipiunt. Ast  
„ istorum magnum est miraculum:  
„ non



„ non dolent quidem vel minimum ,  
„ etiamsi quis fecet , aut collida .  
„ At si quis ab ipsis doleat , nihil  
„ aliud est eis ad dolorem excitā-  
„ dum potentius ; non ferramenta  
„ adstringentia , non vincula , non  
„ vulnerans gladius , non exurens  
„ ignis. Nam & hæc assumuntur  
„ tanquam dolorum majorum reme-  
„ dia ; quod si quis ( ita ut si quis )  
„ ipsa dolentia præciderit , sectionis  
„ dolor , ut exiguus , a majore ob-  
„ scuretur : sin autem iste etiam va-  
„ lidus sit , eos voluptas capit , prio-  
„ rum malorum oblivionem afferens.  
„ Id autem patiuntur Dentes & Ossa ;  
„ causam quidem veram soli Dii no-  
„ verunt , verisimilem etiam homi-  
„ nes. Est autem , ut simpliciter di-  
„ cam , hujusmodi : quod est præ-  
„ densum , contactum , vulneratio-  
„ nemque non sentit ; idcirco neque  
„ ex

„ ex tactu, neque ex vulneratione ,  
 „ dolet. Dolor enim est res aspera  
 „ sensui : Densum autem non est  
 „ exasperabile , ideo quoque est in-  
 „ dolens. Quod vero non densum,  
 „ sed rarum est, id bono sensu præ-  
 „ ditum est, & vulnere exasperatur.  
 „ Sed etiam quoniam & densa inna-  
 „ to calore vivunt, per hunc eun-  
 „ dem calorem etiam sentire possunt.  
 „ Si caliditatis innatæ intemperie,  
 „ *δυσχερασίη*, corripitur, sensus fit per-  
 „ mutatio.

Difficilem hunc textum ex *Leidenſi*  
 Editione huc transtuli, hinc inde  
 nonnihil mutans, quando nimia liber-  
 tate Interpres a sensu stricto deviat.  
 Difficultas partim a Jonica Dialecta  
 nascitur, partim a variantibus lectio-  
 nibus, partim forte quoque a vitio  
 Notariorum, qui Exemplaria quæ-  
 dam corrupte verterunt: de quibus  
 om-

omnibus Viri doctissimi *Petit*, *Wig-*  
*gan*, ac præcipue magnus *Trillerus*,  
aliique, consulantur. Verum enim-  
vero, si textum hunc post prægressas  
meas adnotationes legamus, videtur  
simpliciter velle ut notemus, Partes  
primo esse, quas tactus etiam rudior  
vix sensiles esse demonstret: Verbi  
causa dentes, quæ in durorum cor-  
porum percussione, confractione,  
commolitione, sæpe ne minimum  
doleant; attamen ab intemperie hu-  
morum, ardorem, caloremque ma-  
jorem excitantium, dolorem crude-  
lem patiantur. Ita ut una eademque  
res indolens dici, dolensque possit.  
Ossaque ipsa & tendines, & ligamen-  
ta, duriora utique corpora, si quis  
indolentia esse existimaverit, fateri  
nihilominus illum oportere, non esse  
indolentia, ubi ad nervos, qui illa  
aut permeent, aut subjiciantur, au-  
trans-



transadigantur , acrium irritamenta  
 admoveantur. Scite hic, & ad rem  
 nostram, *Parisiensis* elapso abhinc sæ-  
 culo Medicus *Petit*, in eruditis suis  
 ad *Arætæum* Commentariis: „ Si quis  
 „ porro quærat, inquit, quid ipse  
 „ de illa difficultate sentiam; equi-  
 „ dem si cum *Galeno* dentes ipsos sen-  
 „ tire fatendum est, hæreo, nec  
 „ quidquam probabile afferre pos-  
 „ sum: si vero, quod alii censent,  
 „ dentes non sentiunt, sed ipse ner-  
 „ vus, qui eorum radici insertus est,  
 „ ad quem per poros dentium calor  
 „ & frigus transmeant, in promptu  
 „ est solutio: nam ad nervum qualita-  
 „ tes activæ, utpote incorporeæ,  
 „ facile subeunt; duresces vero, &  
 „ aliæ ejusmodi materiales, non ita;  
 „ quia materiæ propriæ, ceu modi  
 „ quidam ita adhærent, ut extra ip-  
 „ sam non possent diffundi. „ Cru-

ita scilicet vitrea dentis integra, frigus, calor, acria, penetrare se per dentis substantiam inepta, nullam possunt in eo perceptionem excitare doloris: adamantino vero hoc involucro fisso, destructove, penetrant hæc ad filamenta nervosa, excitantque dolorem. Et quia a nervulo tantillo dolor atrocissimus sæpe nascitur in Dente, an illi, qui ob nervorum per membranas, tendinesque, utique partes quoque tenfas, durasque, paucitatem, exilitatemque, sensum illis denegant, satis naturam rerum consuluerunt, satisque per analogiam ratiocinantur?

Integrum igitur Cuique est, eam in hac disputatione opinionem fovere, quæ ipsi verisimilior videtur: dummodo tam illi, qui aliquam partem insensilem esse censent, eandem nihilominus caute vitandam ob ner-

vorum proximitatem esse intelligant; quam hi, qui sensibilem hanc ipsam arbitrantur, ejusdem vulnerationem, casu urgente, non vereantur. Hæc a principio hujus quæstionis præcipue urfi, ne qui irreperent in Pathologiam errores: neque calamum arripuissem unquam, si ab initio litis Pathologia facta tecta, ut nunc est, fuisset.

Quæstione igitur e medio solemniter sublata, nonne indignationem potius, quam responsionem, mereatur illorum scribendi κακοήθης, qui eandem terminatam dolentes, excitare denuo, æternamque esse malent? Scriptorum ajo, in quos vertenda esset Jovis ad Martem objurgatio apud Hom. Iliad. V.

Εχθιστὸς δὲ μοι ἔσσι θεῶν, οἱ Ὀλύμπου  
ἔχουσιν.

Ἄϊε! γὰρ τοι ἔρις τε φίλη, πολέμοι  
τε, μάχαι τε.



*Invisissimus utique mihi Deorum es,  
qui Olympum tenent;*

*Semper enim tibi contentio grata, bel-  
laque, pugnaeque.*

Quid, quod, ironice, aut farca-  
stice potius, scribant me homines suæ  
forti committere, necique tradere  
malle, quam vulnerando partem,  
quam falso credam sensibilem esse, in  
vita conservare? Responsum illis da-  
tum est; debuissentque, si sapuissent,  
ex singulis meis Scriptis conclusisse,  
haud aliam in hisce mentem mihi esse  
quam Viro immortalī Boerhaavio; qui  
*Cap. de Vuln. in gen. & Cap. de Vuln.*  
*Cap.* membranas ac tendines sensibiles  
arbitratus, nihilo fecius & hosce di-  
midiatim abscissos integre perscinden-  
dos: fordibus vero sub Dura Matre  
latitantibus, hanc audacter pertun-  
dendam, docuerit. Sed de hisce fa-  
tis,

tis: Libellum non legi: mox enim ut ex paucis, quæ captim legissem, malevolum auctoris animum intellexissem, projecì, ut hujus farinæ quisquilias soleo, nec lectione unquam, nec reponfione dignaturus. Profecto si attento animo, benevoloque, legissent quem in modum *Tomo XII. Cap. VII.* quæstionem amice terminatam exposuissem; neque illustri *Halleri*, neque mihi, sententiam a vero alienam tribuissent: sententiam meam denuo, clare, ni fallor, exposui: ne autem iterato meam mentem, eamve *Halleri*, male referant, ut meam nunc dedi, dabo quoque eam *Halleri*; partem Epistolæ hic inferendo, quam Amplissimus ille *Bernensis Reip.* inclytæ Senator 29 Octobris 1770 ad me scripsit, eamque hoc Tomo publice ut ederem, petivit.

„ Nervi qui nobis imponere ita  
 „ possunt , ac si sensatio ipsis tendini-  
 „ bus inesset , sunt cutanei illi , qui  
 „ per eorundem tendinum superfi-  
 „ ciem , toto fere in corpore , tran-  
 „ seunt : præcipue autem in flexura  
 „ Cubiti , in Femore , in Genu , in  
 „ Manu , inque tendinis Achillis vi-  
 „ cinitate , in dorso quoque Pedis.  
 „ Nervi vicini tendinum Profundo-  
 „ rum nos in Paronychia decipere  
 „ pos-

---

*Les Nerfs, dont le sentiment peut im-  
 poser, pour le sentiment des tendons me-  
 mes, sont des nerfs cutanés, qui passent  
 par la surface de ces tendons, presque  
 par tout le corps, & principalement dans  
 la plie du coude, dans le femur, au  
 genou, à la main, aux environs du  
 tendon d'Achille, au dos du pied. Les  
 nerfs voisins des tendons profonds peu-  
 vent en imposer dans le Panaris, (comme)  
 dans*



„ possunt, ut in Pleuritide ; eo quod  
„ horum sensatio haberi pro ea aut  
„ tendinum Flexorum, aut membra-  
„ næ Pleuræ, possit. Igitur horum  
„ Nervorum sensationem recte de-  
„ ceptricem appello ; quando qui-  
„ dem ne unicum quidem ramulum  
„ sive tendonibus, sive pleuræ, lar-  
„ giantur.

„ Quod autem ad duram Matrem  
„ attinet, siquidem nullus hucusque

H 4 „ de-

---

*dans la Pleuresie ; parce que leur senti-  
ment peut être pris pour celui des ten-  
dons flechisseurs, ou de la Pleure. J'ap-  
pelle le sentiment de ces nerfs imposteur ;  
parceque effectivement ils ne donnent  
aucune branche, ni aux tendons, ni à  
la pleure.*

*Pour la dure mere, comme aucun nerf  
n'y à été decouvert encore, elle ne sau-  
roit avoir du sentiment. Si jamais on*

„ detectus nervus est, sensibilis ea  
 „ esse non potest. At vero si quon-  
 „ dam nervi, in ea detegantur, sen-  
 „ satione gaudebit ea nervorum,  
 „ quos adesse constabit, proportione.  
 „ Eadem mihi de tendinibus opinio,  
 „ in quibus, hætenus nervi detecti  
 „ non sunt. Idem de medulla af-  
 „ firmo.

„ Concedo, cum doctissimo *Whytt*,  
 „ partes nervis quidem, at vero pau-  
 „ cis,

---

*en decouvre, elle sentira dans la propor-  
 tion du nerf, qu'elle aura. Il en est de  
 meme pour les tendons, ou jusqu'ici on  
 n'a point decouvert des nerfs. J'en dis  
 de meme de la mœlle.*

*Je conviens avec Mr. Whytt, que des  
 parties, douées de nerfs, mais en petit  
 nombre, & dont le sentiment par conse-  
 quent est très foible, peuvent devenir  
 plus sensibles dans les inflammations, ou  
 par*

„ cis , donatas , quarumque eam ob  
„ causam paucus sensus est , posse &  
„ in inflammatione , & in violenta  
„ extensione , acutius sentire ; mini-  
„ me vero credo destitutas nervis par-  
„ tes posse sensibiles reddi : testes  
„ hujus & ungues sint , & epidermis.  
„ Omnino opus nervis est , qui de  
„ ea , quod in corpore geritur , ani-  
„ mam instruant.

„ Porro hæc omnia simpliciter re-  
„ sultant ex numerosissimis experimen-

H 5

„ tis ,

---

*par des extensions forcées. Mais je ne vois pas , que de parties , dénuées de nerfs , puissent devenir sensibles. L'Epiderme & les ongles en font foi. Il faut absolument des nerfs , pour instruire l'ame , de ce qui se passe dans le corps. Tout cela fait simplement le resultat d'un nombre extrême d'experiences , sans Systeme , ou Hypothèse.*

*Voici*



„ tis, citra vel minimum aut Syste-  
 „ ma, aut Hypothesin.

„ Hocque id ipsum est, quod cum  
 „ publico communicare velis Tomo  
 „ tuo XIV. rogo: præcisa sic erit  
 „ omnis erroris occasio.

„ Forsitan dicta jam olim repeto;  
 „ abesse tamen nequeo, quin iterum  
 „ moneam: Duo eruditi, dum inter  
 „ se disputant, exponunt se ignaro-  
 „ rum, sciolorumque judicio: jam-

„ que,

---

*Voici, Monsieur, ce que je Vous prie de  
 présenter au Public dans votre XIV.  
 Volume, & tout méprise deviendra désor-  
 mais impossible.*

*Je ne sais, si c'est une répétition, mais  
 je ne puis, que Vous prier, que deux Sa-  
 vants en dispute, s'exposent au jugement  
 des ignorans, & des demisavans, & que  
 c'est déjà une degradation que d'être jugé  
 par de telles gens.*

*Pour le Pathologique, je n'en ai jamais  
 voulu m'en mêler.*

„ que , ejusmodi habere Judices ,  
„ degradatio est.

„ Pathologiæ nunquam immisce-  
„ re me volui.

Si ergo illustri huic Viro volupe sit promovere sua experimenta mille modis, mihiq; Pathologiam mactetueri, excolere, ornareq; nullum unquam inter nos intercedere diffidium posse, clare quisque perspicit: cum & ipse hanc perpetuo excludat, & ego illa, utpote ad hanc non pertinentia, non attingam. Unde magni Viri discipulis, qui contra mentem Præceptoris experimenta urgeant, eaque a Theoria ad Praxin transferre gestiant, non nisi *ad Calendas Græcas* respondendum sit.

§. VI. Quiddam tamen in Historia Membranarum superest, ad quod dubito an unquam aptam adornemus solutionem

tionem. Cur scilicet Membranæ, haud illæ modo, quarum ambigua sensatio est, verum etiam quarum sensum extra omnem dubitationis aleam esse fatentur omnes, sæpe non doleant, licet & certas in se gerant, & demonstratas, & necessarias doloris, ejusque atrocis, causas? Res autem ipsa indubitato repetitoque crebrius experimento certa est. *Tomo VI. hujus operis* publicam demonstrationem retuli juvenis, in quo periodici vomitus causam post mortem quærentes, invenimus „ Venter ore superioris, re suo, initioque Oesophagi, multo „ ampliores solito, sanguine omnibus suis in vasis ita turgentem, ut „ eadem in nonnullis duarum, aliis „ in locis trium linearum, diametrum haberent; ceterum Venter „ lum & fundo toto suo, & in aliis „ pla-



„ plagis duabus, tam interne, quam  
„ externe, purpurei plane fuisse  
„ coloris. Interim nulla signa fe-  
„ bris unquam; nulla Gangræ-  
„ næ in pulsu; nullum unquam in  
„ hoc viscere perceptum dolorem;  
„ nullam cujusquam defectus Ventri-  
„ culi, nisi qui sesqui hora ante  
„ mortem contigisset Vomitus, no-  
„ tam observatam fuisse. Ideo ob-  
„ structio adeo notabilis, Inflamma-  
„ tio adeo sæva, Gangræna adeo  
„ vehemens, ut totam Ventriculi sub-  
„ stantiam penetret, citra dolorem,  
„ citraque febrem, contingunt? bo-  
„ no cum appetitu formantur? cum  
„ integra Visceris perficiuntur fun-  
„ ctione? Qua enim die Juvenis mo-  
„ riebatur, pulsum sanum ac per  
„ omnia naturalem, habuit; opti-  
„ mumque ut meridie, ita vespere,  
„ appetitum. “

*Tomo IX. Cap. 1. & 2.* Anatomen descripsi Juvenculæ, quæ ineunte mox febre acuta septies & vomuerat, & dejecerat alvo; deinde vero per quinque fere dies totius morbi non modo, nec nauseaverat, nec vomuerat, verum, e contrario jus carniū sumferat appetens, siticulosa biberat, medicamentaque absque vel minima Ventriculi molestia assumerat: cujus tamen Ventriculum viderunt Auditores mei per universas tunicas suas rubrum, interius autem ex inflammato ultra pedis spatium jam gangrænescentem.

*Eodem Tomo IX.* publicam Anatomen communicavi Diaphragmatis, adhuc post detractas 70 uncias sanguinis utrinque, & æque in musculosa, quam in tendinea parte, inflammata: quamquam æger in morbo  
suo

fuo fua nutrimenta, fua potulenta, fuaque medicamenta, fic & deglutiiffet, & retinuiiffet, ac fi nihil morbofi inibi latuiiffet; dum interim omnia rejicere Paraphrenitici foleant.

Strenuum Belli Ducem quondam vidi, qui a multo animi corporisque labore, longiore sæpe itinere, & trifti neceffitate excessivis computationibus gratum fe, acceptumque reddendi Genti, ad quam miffus Orator fuerat, Arthritidem ἀκροπὸν sæpe habuit. Annofa & nodofa Arthritis erat, jamque in variis digitorum articulis Ancylofin formabat. Affui ipfi, Arthriticum patienti insultum, cum omnium articulorum valido & tumore, & rigore, citra dolorem, ne ab attactu quidem. Quique a fecretis illi erat, testabatur mihi eam indolentiam in fingulis fe obfervaffe paroxysmis.



mis. In hoc igitur Viro non tendi-  
nes modo, ac capsulæ, quarum sen-  
silitas negatur, verum & nervi nume-  
rosi, accumbentes, succumbentes, in-  
terjectique inter hasce partes, ipsa  
tandem sensilissima cutis, quamvis su-  
bito expansa, sentiebant nihil.

Et, ut hic recens visa, & hoc  
capite recensita observata, ac maxi-  
me verminosi nostri juvenis, quoque  
commemorem; an ab una parte se-  
renum assidue caput, ab altera parte  
Piæ matris universæ, de cujus sensi-  
bilitate nemo hucusque dubitavit,  
inflammatio, qua dirior existere ne-  
quit, non confirmant hanc thesin  
abunde?

Memorabilis Historia est quam *L.*  
*Riverius* non ex aliis, sed ut testis ocu-  
larius, *Cent. III. n. 26.* narrat, homi-  
nis,

nis, qui primo die, duntaxat ventre doluerat, exinde vero usque ad 13. morbi diem, quo interiit, omnino nihil. Febris interim tertio die superveniens, sitis, linguæ ariditas, Vomitus usque in 7 diem vehemens, ut ipsa stercora sequerentur, inflammationem affirmare Medicorum consilio videbantur; quam tamen negabat doloris absentia, alvusque post 7 diem copiosa, & frequens. „ Aper-  
„ to cadavere inventum est Intesti-  
„ num Ileum tribus complicationibus  
„ convolutum, & quasi compactum  
„ in unam massam circa finem illius;  
„ tota autem illa Intestini portio  
„ complicata, gangræna affecta erat,  
„ cum portione Mesenterii sibi ad-  
„ juncta. „ Excrementa per disruptum sphacelo intestinum in cavo ventris erant diffusa.

Si quis forte Sphacelum jam prima morbi die natum arbitraretur, eo quod dolor exinde cessasset, hunc *Ill. Morgagni Ep. An. Med. XXXV.* rogaret. „ Num Sphacelum primo jam „ die factum credes? Duodecim ergo „ dies sic homo vixerit. Deinde quo- „ modo Sphacelo facto, febris, quæ „ antea non erat, accessit cum lin- „ guæ ariditate?

Idem Vir ill. *Morgagni Epist. XXIX.* dum in cadavere Patricii *Bononiensis* inveniebatur omnis Intestinorum substantia a Ventriculo, usque ad Recti finem, dira inflammatione occupata, ut ne minima quidem eorum pars illæsa relinqueretur, tandem ait: „ Si „ forte illud quæras, cur Intestina „ ipsa, tam graviter affecta, dolore „ igitur non cruciarentur, quo con- „ sentiens Ventriculus tentabatur; „ a veri similitudine non abhorrebo, „ si quo



„ si quo in homine tam crebro, tam  
„ facile, tot nervi resolvebantur, in  
„ eodem conjiciam quoque nervos  
„ resolutos fuisse, qui ad Intestina  
„ pertinebant. „

Item *Epist. XXI.* Agricola primum  
a contusione dextri lateris curatus,  
forte ob ingluviem in febrem arden-  
tem lapsus, intra octavum ejus diem  
moritur, citra vel minima signa ob-  
servata Medicis inflammati ventris,  
vel minimum ab ægro perceptum do-  
lorem. „ In cadavere imæ Ilei Inte-  
„ stini partes, ad magnos tractus,  
„ undique ex atro rubebant, sangui-  
„ feris vasis non secus, ac post inje-  
„ ctam coloratam ceram, manife-  
„ stissimis; gravis autem erat odor,  
„ qualis solet Intestinis inflammatis.

Et Senex a Pleuritide curatus, in  
eandemque relapsus, citra vel mini-  
ma inflammationis Intestinorum signa,

licet pulsus vere Pleuriticus ad ultimum vitæ diem observaretur, moritur. „Ventre aperto gravis ille odor „perceptus est, qui ex Intestinis inflammatis. Et sane tenuia ad longos tractus circum circa rubebant.

Ut autem verbo multa contraham, laudatas magni Viri Epistolas pervolventi apparebit, 1<sup>mo</sup> Dari inflammationes notabiles citra febrim magnam. 2<sup>do</sup> Easdem haberi citra vel minimam 3<sup>tio</sup> Adesse inflammationem sine febre quidem, sed non sine dolore. 4<sup>to</sup> Adesse cum febre, sed sine dolore. 5<sup>to</sup> Intestina & inflammata, & inflammatissima, a morte reperta esse, absque vel febre in vita, vel dolore, perceptis.

De Febris absentia in summis inflammationibus, dolore præsentem tamen, post relatas a *Morgagnio* plurimum Medicorum observationes, egregius

nos

nos monuerat *Simson*: cujus occasione Ill. noster Archiatorum Comes in Comm. ad §. 371. *Boerhaav.* „, Inde saluberrimum inquit, in praxi medica monitum posuit *Simson*, ne decipiantur Medici, credentes nullam inflammationem adesse, si febris absit. Cum sæpe fixos dolores Intestinorum, imo Pleuritides spurias epidemicas se vidisse asserit, quæ sine ulla febre pluribus mensibus affligebant ægros, nisi statim Venæ sectione & aliis, inflammationi debellandæ aptis remediis, curarentur.

De summa inflammatione citra doloris perceptionem, de eadem citra vel febrem vel dolorem; cum ill. *Morgagni*, tum mea hætenus prolata, fidem faciunt: unicus modo inter hæc omnia casus est, in quo nervorum



paralyfi tribui forte doloris abientia posset: in ceteris neutiquam.

Egregius idem Autor harum observationum singularitatem minus admirari ceperat, ex quo venerandis suis Præceptoribus *Valsalvæ*, & *Albertino*, historiam Adolescentis sic denati, enarrans, similia, nec semel modo, ipsis occurrisset intellexisset: Posteriores vero addidisse latentium ejusmodi Intestinorum cognoscendorum modum, ex pulsu, abdomine, & facie. „ Pulsus enim humilis & „ debilis potius, & qui, si bene attendas, sibi obscure dissimilis sit, „ abdomen autem tensum, & durum, & cum dolore quodam: facies denique insoliti aliquid, sed „ in aliis aliud, ostendens, ut interdum oculos quasi exterrefactos, „ alias livorem quendam circa labra, „ animadverterim; hæc, inquit, se- „ re;

„ re; nam aliquando linguam etiam  
„ adnotavi haud bene se habentem,  
„ & quandam sitim; mihi accidit,  
„ ut in ejusmodi casibus se observan-  
„ da præbuerint. Sic ille ingenue,  
„ ut solebat, quæ requirebam, si-  
„ gna indicabat. Quorum mihi Ve-  
„ ritas cum in aliorum, tum præfer-  
„ tim in *Thomæ Alliotti* casu perspecta  
„ est, probi æque, ac nobilis civis  
„ mei. Cum enim post dolores quos-  
„ dam Ventris, quibus erat obno-  
„ xius cubaret, nec eadem qua soli-  
„ tus erat celeritate convalesceret,  
„ me autem per eos dies; Autumnus  
„ erat, si recte memini, anni 1711  
„ incommoda valetudo domi retine-  
„ neret, missusque sub vesperam ejus  
„ Medicus, qui me consuleret, non-  
„ nulla ex iis signa narrasset, quæ  
„ modo commemorata sunt, ipse  
„ autem interrogando quædam alia

„ ex iisdem non deesse intellige-  
„ rem; respondi nihil tale opinanti,  
„ ad ægrum rediret, quem si vel  
„ tantillo interea pejorem factum ani-  
„ madverteret, continuo admonen-  
„ dum curaret, posse magnum insta-  
„ re periculum; ut sibi, & posteris,  
„ consueta religione prudentiaque  
„ prospiceret. Quid quæris? Per-  
„ paucis post horis æger manifesto in  
„ pejus ruere cum cepisset, atque  
„ ea, de quibus tunc demum admo-  
„ nebatur, statim perfecisset, intra  
„ ipsam illam noctem Vir optimus  
„ præcipiti casu ereptus est,, Locum  
longiorem reddere absque contra-  
ctiōe volui eorum in gratiam, qui-  
bus præclari hujus Operis copia non  
est, quo tamen carere nemo Medi-  
corum potest.

At vero præter hæc quinque sin-  
gularia capita, suis quæque probata

at-



atque demonstrata observatis, Sextum est, quod in Viro, cujus historiam §. II. memoravi, præ reliquis omnibus *παράδοξον* apparuit; scilicet quod in dirissima inflammatione, eaque universalissima, cum universi fere Peritonæi, tum Ventriculi, Intestinarumque, neque vel minimum abdomen intumuerit, neque defuerit alvus. Hic igitur præcipuum deficiebat signum *Albertini*: alterumque de Alvo variorum Autorum, ad Diagnosin atque Prognosin requisitum, in solo Senatore *Riverii*, cui a 7. a d. 13. diem fluxerat alvus, defuit.

Concludamus tandem ex hisce omnibus Inflammationis Ventriculi, Intestinorum, Mesenterii, Diaphragmatis, Pleuræ, signa tam clara atque evidentialia sæpe esse, ut præsentem illam pronunciemus audacter; febrem acutam, ardentem, sitim ingentem,

vehementem dolorem, Ventris tumorem, alvum clausam, Vomitus deinde ac primo ingestorum, deinde etiam contentorum in dictis partibus; nec raro denique veram earundem gangrænam sphacelumque: contingere tamen non perraro, ut Intestinorum, ac Ventriculi, Mesenterii, Omentique, ac Peritonæi, inflammatio lethalis, vel uno, vel pluribus, vel omnibus hisce signis deficientibus, observetur. Ita quidem ut etiam inde Sententiæ *Hippocratis* veritas confirmetur, statuentis Acutorum morborum prædictiones haud esse per omnia, & semper, tutas certasque, siue sanitatis, siue mortis.

# SECTIONIS I.

## CAPUT QUARTUM.

### DE FEBRE VERMINOSA.

---

§. I. *Signa vermium in corpore humano degentium numerantur ultra sexaginta, quorum alia frequentiora, alia rariora, alia rarissima sunt. In Juvene nostro signa plerumque pauca. Pseudo-pleuritis & a Vermibus, & a dolore, quocumque Intestinorum, explicatur No. 3. Non spuria tamen, sed vera Pleuritis, ea nostri ægræ fuit, quæ quomodo in illo nata fuerit, inquiritur: sic tamen ut eum Lumbrici potius, quam Pleuritis, interemerint. No. 4. De Tussi Verminosorum, eaque occasione de tussi, a quacumque alia causa, quam a Pulmone, nata. No. 12. Ampla Oculorum descriptio cum Verminosorum, tunc nostri*



*nostri ægri. §. II. Vermes sæpe adjunt, ubi deesse illos credimus, viceque versa: perperam autem statuuntur omnium morborum causæ. Refutantur qui hanc verminosam Pathologiam tribuerunt Hippocrati: explicatur proinde Græcorum τὸ Οὔγειον, & Latinorum Ferinum, Belluinum: ex utriusque Sermonis genio. Vermes in corpore humano reperiuntur, non generantes morbos, sed aliunde se in corpus insinuantes. Sæculis quatuor ante Aristotelem, Vermes e putredine vere nasci delirantem, Homerum novisse muscas ovula in Vulnerebus deponere; moxque exclusis illis Vermes prodire; perspicue ex Iliad. XIX. patet. Respondetur iis, qui cunctorum morborum causas animatas esse probaturi, contendunt morbos neque tutius, neque citius, quam antihelminthicis, curari. Prudentia adhibenda in legendis scriptoribus de hac re agentibus.*

§. I. **C**apite primo pag 64 verminosi juvenis inopinam mortem mirabamur, veræ ejusdem causæ necdum

dum gnari. Ea nunc quarenda est. Ut autem tolerabile quid de eadem, nec non de juvenis hujus & morbo, & morte, dicatur, necesse omnino erit primum de Vermium signis, deque ipsius Verminosæ febris natura, breviter differere.

Morbi præmittenda definitio foret; sed deficit hæc. Ut eam autem nobis aptam comparemus, enarranda erunt ea omnia signa, quibus præsentibus vermes obsidere humanum corpus, vel cum Febre, vel sine illa, observentur. Hæc nunc dicuntur sequentia.

Imo Morbi Verminosi aliquando aut pauca febre confociantur, aut nulla, sed potius affectarum viarum primarum symptomatibus; symptomatibus etiam quæ, ut ex *Eustachii*, *Willisii*, *Vieussenii*, *Winslowi*, *Halleri*, atque *Meckelii* Tabulis manifestum fit, com-

mer-

mercium octavi Paris cum Sympathetico magno, horumque cum sensorio communi, omnium Nervorum scaturigine, conjunctio, excitare & promovere debent: Apoplexia scilicet, Lethargo, Paralyfi, Hemiplegia, Palpitatione cordis, & Asthmate, Viriumque dejectione, Pulsibus quoque aut intermittentibus, aut remittentibus, aut inæqualibus, deficientibusve; tum Aphonia, Cophosi, Amaurosi, Convulsione etiam, & Epilepsia; quibus sæpe mors succedit.

2. Lumbrici cujuscumque generis & intermittentes generant, & continuas febres, & non raro malignas.

3. Producent quoque quoddam intermittentium febrium genus, vagarum prorsus, ac pertinacium, symptomata quoque ejusmodi referentium, cujusmodi brevi in hisce explicandis, quæ



quæ continuarum Febrium sunt, enarrabo.

Scilicet *primo* dicitur Cephalalgia in hisce febribus tanquam a principio præsens : ubi vero signa nonnulla Criseos processerunt, caput grave tunc, atque hebes esse, narratur. Juvenis noster excipiendus ab hac regula est; quem triginta atque septem dierum tempore, quibus in Nosocomio fuit, nunquam aut dolentem capite, aut hebetem, sed potius perpetuo serenum, reperiimus : idque vitæ etiam ultimis diebus; licet in iis causam gravissimam cum doloris, tum hebetudinis Capitis, inflammatissima, cunctorumque testimonio sensilissima pia Meninx, ponere debuisset. Duplici itaque modo a generali regula eximere juvenem oportet.

Verminosa nostra femina *Tom. XII.*  
Capitis quidem hebetudinem perpetuam

tuam conquesta est, nunquam autem dolorem. Epidemias verminosas legi, quæ nullius in capite vitii meminerint.

*Secundo.* Lingua Verminosorum fuscam sæpe gerit, subpinguemque crustam, quam halitus foetidus oris comitatur: foetidus autem sic, ut & subputridi, & subacidi quid, referre videatur adstantibus. Juvenem nostrum & ab hac regula excipias, cui & semper tam leviter alba lingua fuit, posterioribus potissimum diebus, ut albam illamne, an naturalem pronuntiarem, animo hæreremus; & oris foetor nunquam perceptus est. Utrumque quoque defuit feminæ nostræ.

*Tertio.* Recensetur in signis lateris ille dolor, qui æmuletur Pleuritidem, qui inconstans vagusque sit, qui vel cum morbo ortus, ad Crisin cesset,  
vel

vel post eandem perseveret. Hujus &  
 veneranda antiquitas meminit. *Aræ-*  
*tæus Cappadox* tribus diversis in locis  
 nos monet ne, dum causa in Ventre  
 hæreat, morbum salutarem Pleuri-  
 tidem: ac primo quidem *Acut. Morb.*  
*Caus. Lib. 2. Cap. 6. de Ileo:* „ Si  
 „ causa in Colo est, dolorque modo  
 „ ad costas superiores adscendit, εὔτε  
 „ φαντασίη ἐγγίγνεται πλευρίτιδος καὶ γὰρ  
 „ καὶ πυρεταίνουσι οἶδε, tunc idea nascitur  
 „ Pleuritidis, etenim hi quoque fe-  
 „ bricitant. „ Secundo *ibid. cap. 3.* „  
 „ Quod si aliquando grandior lapis  
 „ concavo Renis inhæserit, tunc do-  
 „ lores lumborum circa Musculos  
 „ Psoas excitantur, & ad medias us-  
 „ que costas perveniunt: multis fane  
 „ dolor iste, ac si Pleuriticus esset,  
 „ imposuit. „ Et tertio *Lib. 1. Cur.*  
*Acut. cap. 10. de Pleuritide.* „ Sed  
 „ nonnullis & dolor & inflammatio  
 Pars XIV. K er-



„ erupit , quasi horum locorum  
 „ (laterum) affectus esse videretur,  
 „ cum tamen id interiorum vitiorum  
 „ incrementum sit. „ Textuum ho-  
 rum hic memini, non quod vermibus  
 tribuat causam doloris *Aræteus*, ve-  
 rum quod dolorem, Pleuritici æmu-  
 lum, a causis longe aliis, quam a qui-  
 bus Pleuritis, natum & observaverit,  
 & posteritati tradiderit.

Extant autem observationes nu-  
 mero non paucæ, antiquorum recen-  
 tiumque Autorum, *Gabucini*, *Donati*,  
*Etmulleri*, aliorumque, quos in Sepul-  
 creto *Bonetus*, quos in Epistolis *Mor-*  
*gagnus*, memorant; quæ a Vermibus  
 in Ventriculo, Intestinisve latitanti-  
 bus, dolores sæpe ortos esse docent,  
 qui mentiantur Pleuritidem. Et quid  
 in hanc rem evidentius ea; historia,  
 quam clarus ipse *Morgagnus* refert ju-  
 venis in *Nos. Bononiensi*? „ Is enim do-  
 „ lore

„ lore lateris, tussi, ceterisque Pleu-  
 „ ritidis indiciis affectus, & de his  
 „ duntaxat conquestus, nisi quod ta-  
 „ men simul nausea tenebatur, cum  
 „ ab iis, quæ ceteros juvare pleuri-  
 „ ticos solent, vel pejus se haberet;  
 „ denique rejecto inter vomitum san-  
 „ guineum terete Lumbrico, statim  
 „ ab iis, quæ dicta sunt, omnibus  
 „ liber est factus.

Conservavit nobis idem perillu-  
 stris Vir, cui ob id eximias debemus  
 gratias omnes, conscriptam ab egre-  
 gio Medico *Pedratto*, condiscipulo  
 quondam suo, Epistolam de *Febre*  
*Verminosa*, cui *Ferrariæ* anno 1705 in-  
 terfuerat, Pleuritidem vere referente;  
 a qua convaluere omnes, qui Ver-  
 mes sat cito ejicerent: unde postha-  
 bitis ceteris adversus Pleuritidem au-  
 xiliis, in solo Emetico, maturius da-  
 to, sita erat ægrotantium salus.

Quantumvis enim Oleo, Mercurio, Myrrha, Corallina, Vermes anominifce expellerentur, augebatur potius a dejectionibus dolor, inflammatioque superiorum partium. Videntur hic vermes Ventriculi maximam moleftiam creaffe.

Si demum quærat, quo pacto morbi verminofi mentiri Pleuritidem poffint, non uno quidem modo, id exponi poffe cenfeo. Primo enim Coli Inteftini tractus tranfverfus tanta sæpe ventris altitudine collocatur, ut utroque fuo flexu ad 9. 8. 7. 6. Costam adfcendat, feu alterutro in latere, feu in utroque: quam rem a me in fecandis cadaveribus toties notatam, toties demonftratam Auditoribus, hic ut repetam opus non eft. Dum itaque Lumbrici in fublimi adeo Inteftino hærentes, vellicant idem, mordentque; annon, illibata Pleura,  
do-



dolor, Pleuritici æmulus, ab ægro percipiatur necesse est? Ipsi enim Pleuræ accumbit doloris sedes. Annon dolens jam Intestinum a pleniore per inspirationem pectore pressum, dolebit acutius? Læsaque sic respiratione, num abesse diu tussicula possit?

2<sup>do</sup> Ab ipsa verminosa dispositione, five Colum sublimiore loco, five profundiore locatum sit, Pleuritidi similis dolor percipi poterit, quare quidem vera verminosus suo in principio existens, vera tamen Thoracis, Partiumque Thorace contentarum, inflammatione hominem necet. In laudata *Pedratti* Epistola Viri anatomici legitur, quem hujus morbi vis celerior atrociorque fustulerat. „Pulmones tumebant adeo, ut totum Thoracis cavum implerent. Sini-

K 3 „ fu-

„ fuerat , penitus inflammatus , ac  
„ nigricans , conspectus est , præte-  
„ rea inferiora versus albido ichore  
„ infarctus , abscessus instar. Pleura  
„ ubique inflammata , livescens , &  
„ nonnullis quasi punctis sanguinis  
„ distincta. Intercostales muscoli , In-  
„ terni præsertim & sinistri , hæte-  
„ nus inflammationem contraxerunt ,  
„ ut fugillati viderentur. Denique in  
„ Cordis ventriculis , annexisque mag-  
„ nis utriusque generis vasis , grumi  
„ fuerunt atri sanguinis , nec diffi-  
„ miles polyposæ concretioni.

Unius quidem traditur duntaxat  
cadaveris sectio : ne tamen ideo su-  
spicetur quis hominem , cujus anato-  
men hic legit , peculiari modo per id  
tempus obiisse , cæteros vero vermi-  
nosos viscera haud ita comparata  
habuisse , *Morgagnus* compendio mul-  
ta congerens , addidit : „ illud cer-  
„ tum

„ tum cum multorum, quos descrip-  
 „ tus morbus abstulerat, Cadavera,  
 „ tum *Farnesii*, tum in proximis Op-  
 „ pidulis secarentur, viscera quidem  
 „ Ventris in aliis aliter, ut propriæ  
 „ singulorum affectiones ferebant  
 „ constituta apparuisse; Scirrhosa vi-  
 „ delicet, obstructa, aut alia ratione  
 „ male habentia; præ ceteris autem  
 „ valde affectum Ventriculum, &  
 „ tympaniticum in modum inflatum,  
 „ putridaque & grave olente humo-  
 „ rum saburra onustum: sed præ-  
 „ cipuam læsionem in omnibus intra  
 „ Penetralia Thoracis, fere eandem,  
 „ ac quæ propterea ex uno tantum  
 „ subjicitur, deprehensam esse.

Si quis ad hæc roget, qui fieri  
 demum possit, ut causa morbi intra  
 intestinorum tantum latitante cavum,  
 Pleura, Visceraque Thoracis, vehe-  
 menti adeo inflammatione occupen-



tur; illi respondet *Morgagnus*: „ Ut  
 „ igitur appareret, primum quidem  
 „ a Vermibus inferri aliquando Pleu-  
 „ ritidis similitudinem, quæ ejectis  
 „ vermibus continuo evanesceret;  
 „ deinde autem veram ipsam Pleuro-  
 „ peripneumoniam interdum fieri, si  
 „ porro illi irritare pergerent, &  
 „ sic ad Thoracem non vapores ne-  
 „ scio qui, sed constantes spasmo-  
 „ dicæ membranarum crispaturæ tra-  
 „ ducerentur, quæ sanguinem deni-  
 „ que, præsertim lentum, in vascu-  
 „ lorum angustis retinerent, visum  
 „ est, ut hoc licebat, ex recentibus  
 „ *Pedratti* observationibus intelligere,  
 „ sic illud quoque recenti mea ob-  
 „ servatione confirmare.

Profecto in ardua adeo, difficili-  
 que quæstione, conjectura hæc *Mor-  
 gagni* magnam probabilitatem habet,  
 quam in Analogia augere videtur.

Non

Non omnem tamèn difficultatem tollere ex eo patet, quod si a Vermibus Intestinorum spasmodicæ Membranarum Crispaturæ ad Thoracem traderentur, quæ sanguinem denique, præsertim lentum, in vasorum retinerent angustiiis; expulsis Lumbricis mitius debuisset cum ægris agi; dum e contrario, ut in morbi *Ferrariensis* relatione est, dolor & inflammatio pergerent, mortemque inferrent, etsi Lumbricos probe expulissent Antihelmentica; imo dum graviora hæc fierent, quam ante expulsionem fuissent. An Membranarum crispaturæ ejusmodi, quæ illas inflammarent, a Lumbricis Ventriculi nascerentur duntaxat? Sed non omnes, qui Vomitu evaserunt, evomuerunt Lumbricos: juvenisque prior, cujus historiam *Morgagnus* mox ante hujus casum dedit, qui ejecto cum vomitu sangui-

neo Verme, a pleuriticis mox levaretur doloribus; juvenis, inquam, ille prior a Pleuritide liberabatur ejecto, non Verme, sed grumo sanguineo castaneæ magnitudinis, foetidoque. Neque febres Verminosas cum laterum dolore ad solos Ventriculi Lumbricos ab Autoribus determinatas reperiō, verum etiam ad illos Intestinorum. Nec suspicetur quis ab Antihelmentico purgante cieri nimios humorum motus, ideoque auctam inflammationem fuisse; siquidem *Aqua benedicta Rulandi*, quæ in eadem Constitutione passim dabatur ægrotantibus, longe violentius & corpus totum, & pectus potissimum, pleuramque, exagitat, divellitque, quam ejusmodi alvinum purgans. Quo ex hoc Labyrintho extricemur, *Aradæum filum* mihi necdum videtur præsto esse.

Quan-



Quantamcunque vero difficultatem in similibus solvendis reperimus, non minus tamen inde convincimur inflammationes in nostro corpore dari, a causis, quæ sedem procul ab illa inflammationum remotam occupent, inferreque necem possint: modi interim, quo fiant; viæ, quam capeffant; rationisque, qua in stadio puro inflammatorio longe ultra confuetos durationis Inflammationum terminos, sese continent, perpetuentque, penitus ignari.

Juvenis nostri vitam utrum Inflammatio abstulerit, an Lumbricus, supra inquisivimus; postremum probabilius esse rati. Etenim quod in vita dubiosum erat, quia frequenter observatur, an de Coli, a Vermibus dolentis, altiore flexu, dolor dextro, eoque inferiore Thoracis in latere, non nasceretur; hoc falsum esse totius

tius hujus Intestini tractus, longe infimiore sede in cadavere deprehensus, manifesto arguit. Mors nec opinata autem, quæque sociata secum symptomata habuit, ut a Vermibus verius, quam ab inflammatione, acciderint, pag. 68. haud citra magnam verisimilitudinem confecimus. Sed pergamus in Vermium, Verminosæque febris indiciis.

*Quarto.* Lumbricorum indicia, una cum reliquis eorundem signis, a frequenti ac sæpe inani tussi desumuntur: quamquam *Galenus in Comm. Epid. VI.* paulo forte gloriosius, jactet se *millies* absque ulla tussi lumbricos, os ventriculi infestantes, animadvertisse. Hanc tussim aut modicam, vehementemve, crebram, raramve, siccam vero plerumque, in Diathesi verminosa, adsit febris, nec ne, deprehendimus. *Galenus in Libr. VI. Epid.* ad hæc *Hippocratis* verba: *Θησιώδης βήξ.* tussis ferina

na, maligna, scribit quosdam Interpretes hujusmodi tussim intelligere siccam, quæ Lumbricis ad os Ventriculi sursum repentibus excitetur: „ quod „ si revera ita accidere compertum „ fuerit, inquit, nulla prorsus quæ- „ stio esset: sed millies absque ulla „ tussi Lumbricos, os Ventriculi infe- „ stantes, vidimus. „ Quosdam etiam ad Tabidorum tussim accommodare, quoniam his, ut feris, ungues incurventur. Alios etiam pro tussi maligna *non non* in quam sententiam & inclinatur *non* Galenus; ac si Hippocrates hic intellexisset tussim malignam, perniciosam, quæ nec abscessum promittat, nec coctionem. Vide Charterium hic, nec non & Tom. ejus IX. pag. 405 & 406. Hanc tussim non miramur; ab affectis & Intestinis, & aliis remotis a Pectore Partibus, eandem experti. Doctissimus Pfaßius N. A. N. C. Vol. II. Obs. XII. in Inflammatione



inflammatione, atque Gangræna Intestini, ægrum notat adeo violenta tussi exagitatum fuisse, ut sputa cruenta excerneret. *Albinus Acad. Adn. Libr. 2. cap. 8.* Militis a se pluries explorati historiam habet, cui Colon Intestinum sinistro in latere in prælio *Rameliensi* vulneratum sic fuerat, ut XX. postmodum annis adhuc ostenderet *Albino* factitiam suam vulneris in loco Alvum, cum tunicæ villosæ prolapsu æque superioris quam inferioris Intestini portionis, quemadmodum eleganti tabula nobis depictum reliquit. Quod autem notandum in Milite, nulla tussis aderat Intestino latente, ejusque apertura clausa; aderat autem & frequens, & vehemens, quoties Intestini sive alterutra, sive utraque portio, ablato operculo prolaberetur foras. Nosque idem prorsum in femina observavimus anno 1762, cui  
 Inte-

Intestinum, ut videbatur Ileum, sup-  
puratione & gangræna una cum toto  
inguine patefactum; quam feminam  
usque ad incipientem vulneris conso-  
lidationem molesta tussis quatiit.  
Tot igitur exemplis aliunde captis,  
comprehendimus facile, quo pacto &  
Vermes, & Sordes, in tubo intesti-  
nali latentes, excitare tussim queant.  
Ventriculi tussim Practici, & merito  
quidem, notant; eandem experti re-  
staurato Ventriculo exulantem. Inter  
varias oppositasque tussès infantum,  
puerorum, & nonnunquam adultorum,  
convulsivas, species una est, quam  
emetico prudenter repetito, tollas.  
In Utero, in Vesica urinaria, latenti-  
bus, quæ irritent, causis, annon pares  
habemus tussium observationes? Nun-  
quam violentiorem perseverantio-  
remque tussim vidi, quam Puerperæ cujus-  
dam: nunquam etiam vidi tussim ci-  
tius

tius perfectiusque sanatam, quam in illa; corpore oblongo calloso pudendis expulso. *Rat. Med. T. VII. cap. IV.* Juvenis porro noster tussi sicca laboravit prioribus novem diebus morbi; a 10 ad 23 nihil omnino; a 23 ad 30 parum; a 30 ad 37 diem, qui & mortis fuit, ne tussivit quidem.

*Quinto.* Indicia vermium petuntur a Pulsu inconstante, remittente, intermittente, quem cum Vermibus semper observavit *Solanus*; vel etiam a pulsu debili, ac veluti deficiente. Hic pulsus tot modis peccans a Scriptoribus Medicis sæpe notatur. In verminosa febre a supra laudato *Pedratto* descripta „ Pulsus non ut in „ Pleuritide solent, duri, tensive; „ humiles erant, parvi, inæquales. „ In praxi solet nobis talis observari; sic tamen, ut nihilominus aut parum peccantem, aut perfecte sanum, tam  
in



in pueris, quam in adultis, crebro observemus : & e contrario pulsus tam pravos, quam ii dicuntur Verminosorum, in compluribus aliis morbis, Vitalium potissimum partium, nec non & Naturalium, invenerimus. Sed, quemadmodum Auditores meos frequenter monere soleo, jamque in XVII. annum illis repeto, ne ex descriptis pulsibus concludant Vitalium Viscerum aut inflammationem, aut hydropem, aut aneurisma, aut deuteropathicam a Viscerum abdominalium vitio affectionem; neque etiam ob pravorum horum pulsuum absentiam, negent recensitos Vitalitatis morbos adesse: ita quoque eosdem moneo, ratione vermium; quos cum pulsu enarrato adesse, quos iteratissima experientia abesse, sic mecum norunt, ut subdubitare de hujus Observationis veritate non possint.

*Pars XIV.*

L

Unde

Unde alia signa vocari in opem oportet, quæ vel cum pulsu collata, vel absque eodem, quandam constituent morbi verisimilitudinem. Nostri utique Ægri verminosam foeturam nunquam quis ex pulsu conjecturasset, cum inflammationis triplicis temporibus durus ille, celer, plenus, æqualis, & aliquoties minus liber, esset; intermedio autem tempore ut plurimum vel naturalis esset per omnia, aut modicam cum æqualitate celeritatem haberet; postremisque tantummodo morbi diebus leviolem aut temporis, aut rhytmi, aut utriusque, inæqualitatem, ad motum corporis potissimum, & ad loquelam, referret. In verminosa præterea febre, quam longe, lateque, *Tomo XII. cap. II. & III.* conscripsi, paucò modo tempore Auditores mei pulsum, quem

ver-

verminosorum ajunt esse, deprehenderunt.

*Sexto.* Sudor Verminantium symptomaticus describitur subfrigidus esse, & copiosus, prævioque rigore passim carens; ita tamen, ut nonnunquam incompositi rigores intermisceantur; subacidus denique, & una subputridus. In Constitutione Epidemica *Ferrariensi* ille sudor observatus non est. Neque in Juvene nostro, neque in aliis, quos vidimus, non paucis, visus unquam: unde constat firmum morbi criterium non posse ex sudoribus peti.

*Septimo.* Et cum sudore exanthemata notantur, generis petechialis præcipue, erysipelatosique. Exanthemata aut hæc, aut miliaria, neque noster æger habuit, neque *Pedratti Ferrarienses*, neque quicumque

L 2      febre



febre verminosa in nostro Nosocomio decubuit.

*Octavo.* Mucidam in hoc morbo alvum describunt, frustillatim missam, ramentosam, eamque *levantem*: quæ vero naturalis, vereque cocta prodeat, eam calamitatum afferre augmentum, Metastasin versus caput, Recidivas ingentes. Dyfentericam alii, & sanguineam, adstrictam quoque scribunt, & tenesmodeam. Verum ut in prioribus, ita & variant observata hic. Meretur *Liber VI. Petri Foresti* in hanc materiem legi, cum ob epidemiam verminosam, tum ob symptomatum varietatem, quibus alii aliis affligebantur, diversumque omnino experiebantur eventum. Juvenis noster & *levantem* dictam hujusmodi alvum diuturniore tempore habuit, & periit. Ab alvo quacumque, cum Vermium copia emissâ, notabatur

tur inflammationis incrementum in *Ferrariensi* Epidemia.

*Nono.* Urinas limosas memorant, & jumentosas, & inconstantes, & hypostasim habentes vel præmaturam, vel protractiorem, albidas plerumque, vel ex albo flavescentes. Ut sæpe verum hoc, ita non raro fallit. Neque accurate semper Auctores urinæ notarunt naturam, sive ejusdem non recordati, quemadmodum in *Pedratti* relatione; sive obiter modo, raroque, ut *Petrus Forestus*. Quam parum vero certi hic statuere possimus, & in Juvene nostro, & in casu mox ex *Tomo XII.* relato, liquet abunde. Ita quidem ut, quod unus alterve Medicus seu privatis in ægris, seu in integra etiam epidemia, notavit, id non semper in consimilibus morbis obtineat.

*Decimo.* Dolor describitur vagus nunc lateris, nunc imi ventris, non raro acerbus atque spasticus. Hæc observatio frequentis exempli est. Quidam & Coxarium notarunt dolorem, plures minime, nos nunquam.

*Undecimo.* Faciei livorem notant, eumque potissimum in ea cellulositate laxiore, quæ oculis subsidet: hanc multoties experti in verminosis sumus, sæpe tamen desideravimus.

*Duodecimo.* In oculis splendorum scriptores notant, deinde squallorem, collapsumque, una cum eorundem veluti demersione; Albi oculorum livorem, visus Hebetudinem, Amblyopiam, Amaurosin, minorem, majoremque Pupillæ amplificationem. Licet haud raro hæc signa fallant, ea tamen adesse frequenter, non est quod diffiteamur. Si magni *Winslowi* descriptionem Nervi paris sexti admitta-



mittamus, ad quam comparandam, confirmandamque, plus viginti annorum impendit : si clarissimi *Parisiensis Medici Petit* lucubrationes, factaque in hanc rem experimenta laudemus, concinnam quandam, elegantemque adipiscimur hæc phænomena explicandi rationem. Vid. de hac re *Rat. Med. Tom. III. Cap. II. & Tom. X. Cap. I.* Ex omnibus, quæ ibidem recensentur, cum experimentis, tum argumentis, constat Intercostralem Nervum non a communi Nervorum in Encephalo origine, ut vulgo creditur, tabulisque exprimitur, nasci; sed a Gangliis potius, quæ a summa spina Vertebrarum, ad imam usque, numerosa locantur, totitemque veluti cerebra constituunt, ex quibus omnibus totidem habentur Nervi Intercostralis, seu Sympathetici magni, origines.

Ex quibus demum, quemadmodum olim mirandorum, *Colicæ Pictorum* phænomenon plausibiliorem priore caperemus rationem; ita quoque nunc, ab affectione verminosa Abdominis, intelligimus effectum eundem sequi posse, qui spasmodicas gignat & in Thorace, & in nervorum in Encephalo cum origine, tum decursu, affectiones; mirabilesque, atque inter se mutuo oppositas, calamitates. Unde simul constrictio Colli, Aphonia, Linguae aut spasmus, aut Paralysis, stridor Dentium, Narium pruritus, efflorescentiæ Labiorum, in jejuno ventriculo Ptyalismus, Pupillæ arctitudo, frequentiorque ejusdem amplificatio; splendor, collapsusque cum squallore Oculorum, Amblyopia, Amaurosis, & quidquid malorum in capite, sensuumque organis, observatum fuerit, extricantur,

tur, faciliusque explicantur. Signa profecto hæc in aliis alia, communissima in Verminosis sunt. Sæpe Oculus lumbricos nuntiat, os, nares, dentesque. Juvenis noster in prima recidiva, propeque mortem, pupillas horrendum in modum amplificatas ostendit; majorque Verminosorum numerus, ut egregius *Monro* advertit quoque, lumbricos hoc signo loquitur. Estque in signis frequentissimis albi Oculorum livor.

*Decimo tertio.* Recensentur, ut Vermium symptomata, Convulsiones, Epilepsiæ, Apoplexiæ, Paralyfes, Coma utrumque, Stupor, Catalepsis, Leipothymia, Stridor dentium, Hæmorrhagia narium, Aurium bombi ac Susurrus: quorum expositionem, secundum *Winslowianam*, *Petitianamque* sententiam, mox dedi. At diffitendum tamen non est deesse horum

L 5      omnium



omnium, aut omnia, aut pleraque, idque sæpius, licet nihil sit existenti-  
bus in corpore lumbricis evidentius.

*Decimo quarto.* Numerantur varii præterea affectus aliarum partium: Ventriculi Nausea, Ptyalismus, Rofio, Vellicatio, Ruſtus, Flatus, Pondus, Vomitus, Inappetentia, Canina fames; ſummus sæpe, mox vero fatiatus, Appetitus: Venter inflatus, durus, torminofus, cum aut adſtri-cta Alvo, aut Diarrhœica, aut Dyſenterica, aut Mucofa, aut Sanguinolenta, aut Ramentofa. Stranguria præterea, Dyſuria, Iſchuria: quorum omnium plerumque nonnulla, aliis alia, alio atque alio modo, adefſe ſolent, facileque explicantur.

*Decimo & quinto.* Notant Medici articulorum in Verminofis tumorem pollicis præcipue, digitorumque. Pluries hanc in illis vidi, haud vero in  
illis

illis solis. Obscurus textus *Hippocratis* spectat huc forte, Coac. n. 467.

Εν Λειντερικοῖσι μετὰ Θηρίων ὀδύναι σφόδρα λυόμεναι , τὰ περὶ ἄρθρα μετεωρίζουσιν· εκ τοιούτων λέπια ἐξέρχθαι φλυκταίνεμενα. ἐφιδρώσαντες οὗτοι διαφορῶνίσσονται ὅσα μάστιξιν.

Θηρίον, Θηριῶδες, incertum omnino utrum ad Vermes, an ad morbi, ulcerisve, malignitatem, pravitatemque, referre oporteat: cum multis videatur utrumque non paucis in locis *Hippocrates* intellexisse. Videatur hic in *Oeconomia sua Foësius*. Si in priore sensu textum interpretari velimus, eum sic reddere cum *Charterio* debemus: „ In Lientericis cum ani- „ malculis dolores, tormine soluti, „ partes circa articulos tumefaciunt. „ Etiam *Foësius* & hic & ad n. 285. & 2 *Epid.* σφόδρα intelligit Intestinatorum ea non inepte tormina esse, quæ excitentur aliquando a Lumbricis.

Si

Si proinde hoc textu *Hippocratem* de Lumbricis agentem opinamur, duo ab eo notata advertimus, quæ in Verminosis aliquando apparent: Articulorum digitorum sive vagos, sive diuturnos, sive perennes dolores, & efflorescentias: quam observationem quoque se fecisse testatur *Ill. B. van Swieten Comm. ad §. 1364.*

Si addideris denique Autumni ad Vermes dispositionem, febrisque verminosæ exacerbationem vespertinam, ac peculiaris naturæ sive characteris foetorem oris, sudoris, excrementi; tandem Abdominis tumorem aut durum, aut nonnunquam tympaniticum; habebis in hisce XV. notis signa Vermium humano in corpore latentium Sexaginta & ultra.

§. II. Ut porro nostram de his omnibus sententiam proferamus, primo cum omnibus exercitatis in Pra-



xi Medicis ingenui fatemur ,quemadmodum ex observatis pluribus , interque sese collatis cum Vermium, tum febrium Verminosarum signis, in Diagnosi minime fallimur; ita non rarius contingere, ut horum aut paucaduntaxat adsint, aut omnino nulla indicia, eaque sæpe cum insignioribus ægritudinum aliarum symptomatis intermixta sic, atque confusa, ut lumbricorum notities nos plane lateat. Tandemque non perraro accidere, ut ex paucioribus numerosioribusve signis, quorum operosa data enumeratio fuit, lumbricorum præsentiam, morbique ab iisdem originem, statuentes, toto coelo erremus.

2<sup>do</sup> Vermium in humano corpore frequentiores esse morborum cum acutorum, tum lentorum, causam, quam vulgo credatur: ita ut persæpe

con-

contingat in cura morborum Medicum tamdiu inutilem, damnosumque ægrotantibus esse, donec vel ipse, vel qui ipsi suffectus fuerit, infortunioque prioris sapiens, antihelminthicam curam admoveat, ægrumque sanet.

3<sup>tio</sup> Causam morborum justo frequentiore ab Insectis petere plures. Pathologiam verminosam volo, cujus Patroni, *Lancisio* referente, *Varro*, *Columella*, & *Palladius*, primis christianæ Æræ sæculis erant; cujusque labentis, imo oblivioni traditæ, Restauratores valentissimi fuere *R. P. Athanasius Kircherus*, Jesuita doctissimus, acutissimus Philosophus *Nicolaus Hartsoecker*: inter Medicos autem *Christianus Langius*, Professor Lipsiensis, in *Op. omn.* anno 1688. editis; tam in sua Thesi de Morbillis, quam in sua Pathologia, quam *animatam* appellavit. *C. F. Paullini* de morte verminosa,

1703. Annisi hi omnes sunt universalem hanc doctrinam reddere : Ver-  
mibus vel complurium, vel cuncto-  
rum morborum tribuere originem:  
Venerandam Antiquitatem vix aliam  
morborum genetricem agnovisse, vix  
aliam sequentes ætates, audacter sta-  
tuentes.

An non qui nimis probat, probat  
nihil? Rationes eorum primo perpen-  
damus ordine : integrum deinde fit  
cuique, qualem præferat, sententiam  
amplecti.

Ut ergo ab *Hippocrate* incipiamus,  
quem in Pathologia ab Insectis for-  
manda celebrem esse velint, num ve-  
re scripserint, inquiramus. Quod  
enim quotiescumque *Hippocrates* περὶ  
τῆς Θηρίου verba fecit, animalcula passim  
intellexerit, ex textuum complurium  
collatione non apparet. Θηρίον, Θη-  
ρίων, Θηρίωνος, Θηρίωνος, Θηρίωνος πα-  
ρα-



ρακιδέσιες, Θηριώδες υασέοντες, Θηριώδης διαί-  
 τή, Θηριώδες Φθινόπωρον, τὰ ἐμέμενα ἐπὶ τέ-  
 τοισι, καὶ Θηριώδεα, Θηριώδης παραΦροσύνη,  
 ἕλκος Θηριώδες, &c. frequenter scripsit  
*Hippocrates*; at vero plerisque in lo-  
 cis vermes indigitare non videtur.  
 Primo enim si fidum illius interpre-  
 tem *Galenum* consulamus, vix unus  
 alterve textus est, in quo illum ver-  
 mes per τὸ Θηρίον intellexisse censet.  
 Nolo longiore recensione tædiosus  
 benevolis esse Lectoribus: qui vero  
 mecum *Galenum* ad omnes hos textus  
 presse sequitur, potissimum vero in  
*Comm. ad Sect. 2. Libr. 2. Epid. & ad*  
*Coacar. No. 467.* illa vera esse, quæ  
 assero, capiet.

Deinde *Galenus* ad plerosque ho-  
 rum textuum opiniones variorum  
 Medicorum, hasque inter & illam  
 de Vermibus, refert: quam postero-  
 rem aut simpliciter narrat, aut rarius  
 ad-

admittit , aut passim rejicit , confutatque.

Præterea dubitare licebit num *Hippocrates* de Lumbricis vel cogitaverit , dum tot Operum suorum in locis τὸ θηρίον &c. scriberet. Mecum procul dubio dubitabunt ii , qui animadverterint illum de Vermibus proprie differentem , non hanc θηρίς vocem , sed vermium proprium nomen adhibere , & appellare ἔλμιντας , easque dividere in τρογγίλας , πλατείας , seu ταινίας , & ἄσκαριδας. Videatur *Libr. IV de Morbis. Libr. III. Aphor. No. 26. Libr. Prognost. Coac. Prænot. &c.* Hisce enim in locis de Vermibus expresse acturus , non adhibet vocem θηρίς , sed lumbricorum , quos sua singulos describit specie : ubi vero scribit θηρίον &c. Lumbricorum neque generale nomen , neque speciem memorat , neque etiam propria , com-

muniaque , vermium symptomata : quamobrem *Galenus* , quique Autores illum , Interpretesque , sequuntur , fatentur de longe aliis morbis agentem posse credi *Hippocratem* , quam de iis , quos Lumbrici generent : volentem vero , ut revera de lumbricis illum agere intelligamus , distincte loqui , & ipsa symptomata , in morbo apparentia , singulis singula suis tribuere vermium speciebus.

Argumentum hoc ita stringere convincereque videtur , ut nisi refutetur illud , nobisque eripiatur , haud facile videamur admissuri eorum assertionem , qui illum voce τὸ ἄνθρωπος animatam potentiam intellexisse autument. Itaque ἄνθρωπος potest quidem latiore sensu humani corporis infecta significare , at vero determinato *Hippocratis* sensu , de vermibus de industria agentis , eos minime significat:



Ἐνείων *Hippocrates* proinde communi  
 priscorum more intellexit, quo Latini  
*ferinum*, *belluinum*; quod quidem dum  
 de Feris, sive de Belluis sermo fit, ad  
 Belluas referendum est, minime vero  
 quando metaphorice millies rebus lon-  
 ge aliis adplicatur. Sic quando *A.*  
*Gellius* 19. 2. de iis scripsit, qui bel-  
 luinis voluptatibus sese dederunt; quando  
 ibidem loquitur de ferinis voluptatibus;  
 quando *Ovidius* *L. Trist. V. eleg. 12.* ait:

*Omnia barbariæ loca sunt, vocisque  
 ferinæ:*

*Omnia sunt Getici plena timore soni.*

Quando *Seneca* *Tract. de Clementia*  
 scripsit de ferina hominum rabie, sangui-  
 ne & vulneribus aliorum gaudentium:  
 non proprio sed metaphorico sensu  
 hæc intelligimus. Imo ipsos Græcos  
 sic rem intellexisse ex *Aristotele* liquet,  
 toto suo primo *Ethicorum* septimi libri  
 capite ostendente, τὴν ἀνθρώπων, esse

veluti oppositum τῇ ἡρώϊκῃ, καὶ δέλω: & quater hoc ipso capite resumit hanc vocem, hoc sensu, & tandem „At-  
 „ que eos homines, inquit, qui vi-  
 „ tio ceteris antecellunt, turpi atque  
 „ infami nomine feros & immanes  
 „ appellamus. vid. *Libr. V.* similia. Annon ipse *Tullius* sic est interpretatus græci Auctoris verba: τῷ ἀνωδύνῳ θηρίσ-  
 θαι τὸ σῶμα, καὶ τὴν ψύχην: immanita-  
 tem in animo; in corpore stuporem contingere? *Arætaeus Cappadox*, qui phrasēs multas, jonicamque dictio-  
 nem *Hippocratis* complexus & imita-  
 tus est, semel modo reperitur in to-  
 tis operibus usus τῷ θηρίῳ voce; non profecto in sensu verminoso, cum nullibi ipsi unquam de Vermibus sermō sit, sed eo, quo Græci Scriptores, quo ipse *Hippocrates*, quo Latini Autores, suum *ferinum* intellexerunt: ὡρῶν τὸ θηριώδες μετόπισθον. Videatur ad  
 finem

finem *Cap. XIV. Lib. I. Diut morb. de Liene*: ubi certe de Vermibus loqui in animo habere non potuit, sed de Autumno, Tabi Lienari pernicioso, calamitoso, ferino.

Itaque Hermintologiam *Hippocrates* reliquit nobis, sed moderatam, sed longe, quam Scriptores Hermintophili contendunt, parciorem. *Galenus* licet Verminosorum plures, quam *Hippocrates*, vidisse videatur, ut ex textu ejus prius laudato confici fors posset, pluribus tamen in locis contradixit his, ut constitit, qui nomine τῶν ἰσχυρῶν Lumbricos ab *Hippocrate* intellectos fuisse contenderent. *Aræteus* unica modo vice hanc vocem, utique haud verminosa intentione, adhibuit; Vermes forte omnium Medicorum, quorum lucubrationes ad nos devenerunt, rarissimos contemplatus; siquidem in recensendo



dis morborum quorumcumque causis, nullibi eorundem meminit: id quod eo vehementius miramur, quia non modo & *Joniæ*, & aliarum græcarum Nationum morbos tradidit, sed *Ægyptiorum* etiam, & *Syrorum*, *Syriæ* potissimum *Cavæ*, quæ ob id *Cælosyria* appellatur: nisi forsan ea sui præclari Operis, quæ plura edacissima ætas invisit nobis, nonnullam *Hermintologiam* comprehendissent. Quantum vero ex iis, quæ operum ejus nobis conservata lætatur, colligere datur, neque *Lumbricos* tanta in praxi vidit, neque vix morbos, quorum natales ipsis deferret.

Atque hæc de *Hippocrate*, *Galeno*, *Aræteo*, Antiquitatis venerandæ principibus scriptoribus, suffecerint, ni fallor, ut ii, qui universam *Pathologiam*, priscæ Medicinæ Patrum auctoritate *helminticam* tradere gestiunt, abun-

abunde refutentur. Incumbit porro illis experimentorum vi, crebritate, evidentiaque, probare assertum. Equidem, in multis seu acutis, seu chronicis in morbis, animalem potentiam probarunt, eique faventem non infrequenter deprehenderunt popularitatem. Cutanei, subcutanei que morbi, ulcera varii cum generis, tum loci, fordibusque squalentes ad nonnulla humani corporis loca plagæ, multigenes Vermes, multigena conspectui ipsorum exhibuere Insecta: an vero ideo morbos quoscunque generant Insecta, Vermesque? Vidimus morbos, vere inde genitos a Medicinæ descriptos curatosque Parentibus; non autem eo, quo hi, sensu modoque, velint. Si in scabie, si in ulcere, repererunt insecta, hæc non causas mali, sed mali habuerunt effectus. Noverat *Achilles* Vermes in

vulneribus gigni, qui inibi ovula de-  
ponerent: quare & occisi *Patrocli* cor-  
pus pallio suo contegebat, donec de-  
ferri inde cadaver, honorificeque hu-  
mari posset, ut pulcre notavit *Home-  
rus*, *Iliad. XIX.*

Μῆτερ ἐμή,

ἀλλὰ μάλ' αἰνῶς

Δείδω, μή μοι τύφρα Μενoitis "αλκιμον  
υἱόν

Μυῖαι, καθδύται κατὰ χαλκοτύπῃς  
ᾠτειλὰς

Ἐυλὰς ἐγγείνωνται, αἰκίσσῳσι δὲ νεκρὸν

Ἐκ δ' αἰὼν πέφεται, κατὰ δὲ χροῶς πάντα  
σαπείη.

Mater mea,

perquam graviter

Timeo, ne mihi interea Menoe-  
tii fortem filium

Muscæ ingressæ, per ære-inflicta  
vulnera

Ver-



Vermes intus generent , detur-  
pentque cadaver ,

Vita nempe adempta est ; inque  
corpore omnia putrescant.

M 5

Ne-

---

*Historia naturalis videtur longe perfectior*

*Homeri , quam Aristotelis , fuisse tempo-  
ribus ; cum hic ex putredine vermes gigni ,*

*ille ab ovulis insectorum illos nasci  
censuerit. Non semper scientias auget*

*ornatque sæculorum lapsus. Homerus qua-  
tuor sæculis forte anterior Aristoteli , re-*

*ctius illo hac in re sapuit. Quod eo magis  
miramur , quia Homeri fama , veneratio ,*

*Et autoritas , apud Græcos tanta erat , ut  
Urbes septem loci ejus natalis honorem sibi*

*aliæ præ aliis vindicarent ; Et ut clari iis  
sæculis scriptores , ipseque Aristoteles , Home-*

*ri versibus opera sua confirmare ornareque  
se crederent. Obstupescimus Et hunc Aristo-*

*telicum in Galeno errorem ; qui tamen ,  
innumeris vicibus , suis cum Commenta-*

*riis , tum Dissertationibus , sententias in-  
terposuerit Homeri. An Achillis sive Ho-*

*meri ,*

Neque in mortuorum tantummodo , sed etiam in vivorum ulceribus, natos inde vermes intelligimus. An igitur ideo demonstrata sententiæ veritas est, ulcus per se vermibus scaterre asserentis? Constitit sæpe ut oculis sive nudis, sive microscopio illustratis, insecta patuerint, morborum cutaneorum origines: ast vero quotiesne vel Lynceis oculis, quantumvis vividæ imaginationis vi animatis, horum videas prorsum nihil? Igiturne quod detexeris in nonnullis, quod in pluribus detegere nequiveris, id bono animo, sapientique consilio, de tota rerum universitate affirmabis?

---

*meri, de oriu vermium sententia, quam Dea Thetis confirmabat postea Achilli, non elucidabat magis naturalem historiam, quam illa vermium genitrix putredo, ficta Aristoteli?*

Sed

Sed omnes morbi, ut ajunt saltem, æque interni, quam externi, æque acuti, quam lenti, neque certius curantur, neque maturius, neque etiam tutius, quam eo genere rerum, quas infecta fugere, necare, pellereque, usu novimus. Sane si hoc ipsis largiremur, nihil inde roboris ipsorum consequeretur opinio: si enim succi saponacearum herbarum, fructuumque, & lentissimam Melancholiam, & rapidissimam inflammationem, ex æquo curent, an ibi acrem rodentemque humorem, & piceum, & amurcosum, frigidumque, ac tranquillum; hic humorem æstu motuque validissimis compactum, ac consolidatum, causas proinde oppositissimas, quia tamen eodem præsidiorum genere tolluntur, unas dicam, easdemque? An quod Ferrum, Fontesque ferrati, nimios menses mulierum alteri sistant, par-



parciores provocent alteri, causa utriusque oppositissimi morbi unam eandemque vocem, quod idem remedium curet utrumque? Profecto non differret ultra a vasorum strictura eorundem laxitas, non ab humorum tenuitate spissitas, non a laudabili cruore ejus mucositas & acritudo. Numquid quod *Peruviae Cortex* torpidos augeat humorum motus, impetuosioresque moderetur, ideo hoc utrumque distinctissimum humorum vitium, unum tamen idemque habebo?

Imo, inquiunt, varii generis, variæque prorsum indolis, Insecta, vel eorum seminia, in humani corporis internis atque reconditis latitant penetralibus, quæ varias oppositasque ingenerent corporibus calamitates: sic, ut sint, quæ attenuent liquida; ut sint, quæ condensent: ut reperiantur quæ solida & laxent,

&

& firment: ut hæc motum humorum rapidiorem concitent, illa rursus sufflaminent: ut alia tale corporis viscus infestent, alia aliud, & sic porro. Si etiam hoc, faciles per omnia, ipsis concederemus, utique Sulphure, Mercurio, Marte, Jove, Tabaco, Amaris, Cæterisque, quæ vermes aut pellere dicuntur, aut perimere, non credent, opinor, morbum discrimine gravem, quem genuissent infecta, una cessaturum, cessante, quæ generasset illum, causa. Id inde tamen consequeretur necesse esset si, ut antihelminthica proprie dicta in morbis vere verminosis agunt, ita quoque hæc in ceteris ægritudinibus operarentur.

Verum & Aquam antihelminthicam esse inquit, & Nitrum, & Mel, Sapasque omnes Horæorum fructuum, Radicisque Graminis, Taraxaci,

ci, &c. verbo quidquid unquam vel in Chronicis præscribitur, vel in Acutis morbis, hoc omne fere & antihelmenticum appellant, & ad vermium corrigendos effectus, idoneum habent. Hac tamen assertione nihil aut a veritate alienius est, aut experientia dissidentius. Quotiesne enim incolumes persistunt in corpore Vermes, dum interea & febres, & obstructions, & inflammationes, tollimus fortunate? Et cur Inoculatores ita lamentantur eorum puerorum interitum, qui inoculati vermibus infestantur, licet tota illorum sive præparans, sive concomitans, sive absolvens Methodus, & communia vermifuga Acutorum, & specifica, abunde largiatur?

Igitur quod hujus Paradoxæ opinionis Fautoribus primum concesseramus, ut eos audiendi, eorumque  
ar-



argumenta expendendi præsto facultas esset; adeo parum hanc stabilitatis fulcivitque Opinionem, ut ab ipsis fundamentis diruta videatur: repetitis vero quæ ad tempus concessa fuerant, plausibile nihil ultra in illa manet.

Ast vero monui præstantes Medicos existere, qui Pathologiam animalem arctiores intra limites coercentes, sic quidem ut fateantur classem morborum haud contemnendam esse, quibus formandis Insecta symbolum non conferrent; Verminosorum morborum classem tamen propter unam, alteramve ejusmodi Epidemiam, extendant ita, amplificentque, ut demum maximam morborum partem Vermibus, ceu eorundem genitoribus, adscribant; suarumque partium Sapientissimam Antiquitatem fuisse immerito, ut jam patuit, arbitrentur.

tur. His autem dudum absoluta, repetitaque, responsio fuit. Prisci longe parcius de potentia animata scripserunt, quam hujus sectæ clari Patroni rentur; ut multo gravis argumenti genere constituisse putem. Confertque maxime ut notent hi ipsi, minus celebrem, minusque amplificatam hanc Pathologiam futuram fuisse, si multi nobis Vermes imaginarios, fictos, falsoque pro talibus habitos, non tradidissent. Ne longus hic sim, mitto Lectores ad *Cl. Morgagni Epistolam XXIV*, cujus pars potior ad id, quod hic profero, probandum impenditur. Et *Cl. Göttingensis Professor Murray*, in Dissertatione æque docte, quam nitide, conscripta de *Vermibus in Elephantiacorum ulceribus*, ubi retulisset se deceptum a Matre fuisse, quæ sibi pro Vermibus filix suæ intestinalibus, eos monstrasset, qui a spurcitie pa-

vimenti, ad lectum collecta, nati in Matulam, Exeipulumve, sub lecto irrepsissent, ut postmodum constitit, candide subjunxit: „ Quibus ea de „ causa paulo diutius immoror, ut „ inexercitati in ejusmodi observa- „ tionibus cavere sibi a fallaciis di- „ scant, quibus maximam partem „ narrationum, quæ in *Actis Nat. Cu- „ riosorum*, & aliis in locis, de ver- „ mibus extant, adscribendam cen- „ seo. „ Digna hæc dissertatio est, quæ tota legatur, hanc materiem mirifice illustrans. Sic me ipsum deceptum opinor a Medico fuisse, qui mihi vivos vermiculos in sanguine humano se contuitum esse retulerit; cum postea resciverim, & postera modo luce hos Vermes tandem sub conspectum venisse, & locum in quo cruor asservatus esset, frumentaceis scatuisse infectis. Citissi-



me enim, posse exclusa ovula in Vermes abire, paucasque intra horas incredibiliter grandescere, Swammerdamiana, Rhediana, & Reaumuriana, fidem faciunt. Legendus hic Steeneveld de ulcere verminoso, quod opusculum, belgice conscriptum, Bidlous latio donavit. Invenitur inter ejus XXVIII. Opuscula, quæ Bidloi Opera omnia Anatomico-medica componunt.

Cautione certe opus est in legendis Autoribus, qui aut decipi se passi sunt, aut ipsi sæpe plus æquo scripserunt. Dum Verbi causa in Boneti Sepulcreto Tomo III. pag. 227. legimus anno 1663. in Rep. Veneta plus sex hominum millibus maligna febre correptos fuisse, Cadaverumque apertura incredibilem vermiculorum minimorum copiam inventam esse; non ideo cum Velschio, hujus & sequen-

quentis historiæ Autore, concludam, quæ *Venetos* tenuerit, verminantem Epidemiam fuisse: ex ipso namque Autore patet vix ultra unum alterumve apertum fuisse Cadaver:,, Horum ,, nonnulli cito interibant, inquit, Ceteri ,, breviter evadebant.,, Si ergo inter 6000 ægros nonnulli perierint modo, nonnullorum tantum inspicere cadavera potuerunt; ex iis autem nonnullis ad numerum 6000. hominum id referre velle, nec tutum, nec sincerum est.

Video ibidem in *Sepulcreto* notatam apud *Seguisianos* anno 1675. Epidemiam, qua *Burgi* uno mense homines ultra sexcentos perirent, & in qua cuncti, nemine excepto, vivos Lumbricos egererent: mortalitatem autem actutum cessasse, dato ægrotantibus ea de causa vino, quod Lumbricos vivos, vino irroratos, citissime mori, casu detectum esset. Fides Autoris non

parum suspecta fit, cum illis ultra sexcentis, qui post ejectos lumbricos vivos perierint, Medici antihelminthica aut dederint, aut non dederint, necesse sit. Non dedisse illos, ubi singuli ægri vermes ejicerent, credibile non est. Si dederint, adhuc incredibilius est antihelminthica nemini profuisse, quæ alias Epidemias verminosas egregie curasse legimus. Num adeo peculiare id Vermium genus fuit, ut Vinum solum ipsi specificum esset? An vero ipsius Epidemiæ genius is erat, ut sub finem collapsas nimium vires, & ni refocillarentur, omnino defecturas, vinum restauraret, sicque a morte præservaret hominem? Quid plura? Multa eorum, quæ Sepulchro perhibentur, fidem superare utcumque videntur. Quis credat cum *Hercule a Saxonia* anno 1540 in *Pannoniæ* quodam loco, in dies mille hominum



num periisse, Viperis Lacertisque, corpora eorum obsidentibus? Quis credat ibi alio tempore & a Viperis Lacertisque, & a Cerebro vermibus scatente copiosis, idque in febre pestilentiali, innumeros periisse? Quam rara est in peste Anatome? An etiam fidem non superat febris pestilentis historia, quæ anno 1637 *Burgundiam* affixit, Cadaveribus & hominum & equorum nullam exhibentibus morbi causam, quam jecora scatentia Bufonibus?

Sed de hisce fatis: qui plura amat, adeat Fontes ipsos. Merentur legi præter laudatos Viros, de Vermibus, Febribusque Verminosis, *Prosper Alpinus de Med. Ægypt.* *Joannes Maria Lancisius*, qui eruditissime hanc quæstionem tractavit *Libr. I. de nox. Palud. effl.* *H.D. Gaubius*, in *Pathol.* *Marcus Antonius Plenciz Medicus Viennensis*, haud minus eruditus, quam

expertus, de Contagio morborum idea nova.  
Exp. Vir. Van den Bosch Medicus Hag-  
ga-batavus de Epid. Vermin. Posterio-  
rum duorum hic Pathologiæ animatæ  
impense favet, ille impensissime.

## SECTIONIS I.

### CAPUT QUINTUM.

DE DETERMINANDO TEMPORE  
QUO PERDURARE INFLAMMATIO  
NON MODO SOLEAT, SED ET  
POSSIT.

---

§. I. *Dies quartus sæpe terminus Inflamma-  
tionis est, secundum consuetam Naturæ  
Legem, at vero tot exceptiones hæc Lex  
habet, ut hac in re fere duplex statuenda  
sit. Et nostra id docuere observata, &  
plena inde sunt Opera Veterum. Exem-  
pla*

*pla. afferuntur ex Hippocrate multa. Objectionibus occurritur, quæ contra hanc ex Hippocrate desumptam observationem formare possent. §. II. Non mode notarunt Veteres hanc Naturæ deviationem, sed & suas indicationes ad eam mutarunt. Ita & Boerhaavii sententiam de die quarto explicandam esse, jubent ejusdem Institutiones.*

§. I. **I**nflammatiō in verminoso Juvene post diem 37 morbi fere universalis reperta, occasionem huic Quæstioni dedit. Inflammationis externæ tempus passim trium, quatuorve dierum est, quorum ad finem aut in resolutionem tendit, aut in evacuationem Criticam; sin minus, abscessum, aliumve perniciosum exitum minatur. Estque etiam in internarum partium inflammatione communiter vera: sic ut tam apud Veteres, quam apud Recentiores Medicinæ



Scriptores, ea Artis præsidia, quæ mitigandis auferendisque Inflammationibus admoveri solent, haud ultra quartum diem admoveantur; ne vel turbetur morbi seu benigna, seu critica resolutio, vel suppuratio impediatur, neve insequuturus alioqui præcipitetur interitus.

Laudabilis lex ista, necessariaque est, antiquum obtinente Natura; at vero hac suum invertente modum, damnosa ægrotis atque exitialis fit. Non raro autem ordinem invertit Natura morborum. Morbi acuti inflammatorii crescunt aliquando ultra quartum diem in septimum, in undecimum, in quartum decimum, & ultra: ita quidem, ut vera humorum, solidorumque cruditas, continuantis tam per symptomata sua, quam per Sanguinis, Excretorumque phænomena, Inflammationis testis, aut in longio-

longiorem diem crescat, aut perſe-  
ret ſaltem; & ut demum intra pau-  
ciores pluresve dies alios perfectā  
Criſi; & criſi quidem eadem, quæ  
alias communi lege morbum die  
quarto, ſeptimove judicare ſolet;  
Criſi tandem, quam integra ſanitas  
excipit, judicetur. Hoc porro non  
perraro contingere ſupra monui: tan-  
ta quippe datur ab obſervatione ge-  
nerali diſcrepantiæ frequentia, ut  
Auditores mei admodum crebro ob-  
ſervaverint, in ſeros admodum acu-  
tæ ægri tudinis dies, diſpoſitionem  
miſſi de vena cruoris *φλογιſτικοτάτην*,  
inſignesque ſummæ per omnes fun-  
ctiones Cruditatis effectus.

Neque hæc priſcos latuiſſe video.  
Principio enim Morbos acutos, po-  
tiſſimumque inflammatorios, accura-  
tiſſimo fideliffimoque calamo exaran-  
tes, hanc inflammationis prolatio-

nem & diligenter adnotarunt, & scrupulose medicam monuerunt posteritatem. Obviam ubique testimonia veniunt, *Hippocratis*, *Galen*i, *Aræ-tæi*, monumenta diligenter pervolventi. Jamque in ipso *primi Epidemiorum* exordio occurrit nobis epidemicæ febris ardentis graphica, dignaque *Hippocrati*, descriptio, quam non nisi aut 20. aut 40. aut 80. die bona crisis solvebat. Si attenti textum hunc, *Galenique* in eundem commentarium, consulamus, percipimus diathesin inflammatoriam solito longe diutius extendi. Neque de inflammatione Phrenitica, quæ per id tempus observata, ad diem 11. aut 20. judicabatur, aliam formare nobis ideam possumus. Quemadmodum quoque idem censere necesse est de insequentis Hyemis cum Ardente febre, tum Phrenitide; qui morbus  
uterque



uterque die 11. imperfecto, 20. vel & serius, perfecto absolvebatur iudicio. *Epicratis* uxori, si non ad 40. diem, saltem ad non multo maturiorem, inflammatio protracta apparet; *Cleonastidi* vix intra spatium temporis angustius; *Clazomenio* usque ad 16. aut 17. diem. Videturque is, qui *incalescens* cœnauerat, inflammationem in 11. diem, qui idem & mortis fuit, protractam habuisse. Qui in *Dealcis horto*, ad 24. diem usque. *Charion* ad 17. diem saltem; quæque in *foro mendacium* mulier cubabat, ad 14. diem inflammatione laborarunt. Sed & *Libr. III. Epid.* prolixior datur febris ardentis perniciofa historia, cujus stadii inflammatorii admodum producti indicia observes. Quidam in *Thaso*, natione *Parius*, die acuti morbi 120. moriens, notatur ab *Hippocrate* „ habuisse ab initio, ad „ finem, Alvum continenter lubri-

„ cam,

„ cam, biliosam, multum humidam,  
 „ & cum subsisteret, fervidam, cru-  
 „ damque: Urinas perpetuo malas,  
 „ Coma frequens, Insomnia cum do-  
 „ loribus, atque a cibis horrorem. „  
 Si a dierum numero tanto quosdam  
 ἀπυρέτες detrahi oportere quis censet,  
 concedere nihilominus debet potio-  
 re morbi tempore adfuisse, persti-  
 tisseque, inflammationis, summæ-  
 que cruditatis, signa non pauca;  
 meritoque *Hippocratem* hæc verba ad  
 calcem adjecisse: *continenter, συνε-  
 χέως, adfuit ardens febris.* In *Historia*  
*Mulieris in Thaso*, vix illum refutare  
 possem, qui illi perennantem in 80.  
 diem inflammationem contenderet;  
 neque *Galen* Commentarius, sum-  
 mam morbi in 80 diem cruditatem  
 notantis, aptum mihi suppeditaret  
 refellendi argumentum. *Pythioni* pro-  
 fecto Inflammationis stadium in 10  
 diem,

diem, ipsi fatalem, extensum fuit. Nihil autem historia *Anaxionis* convincentius: propter inflammationem pleuriticam *Hippocrates* die octavo Venam illi tutudit; postquam dolor quidem minuebatur, συνέδωκαν μὲν οἱ πόνοι, in Pleura vero ac Pulmone summa cruditas perseveravit, minimum ad 17. si non ad 27. diem, nec perfecto sudoris judicio, nisi die 34. judicatus fuit. *Herophyto* in 40. diem; *Apollonio* certe ultra 24. diem, perstitit inflammatio. *Mulier* in *Cyzico* in diem 17. quo periit, manifesta jugis Inflammationis signa gessit, obiitque phrenitica. *Uxor Dealcis* inflammationis signa habebat, in 21. diem fatalem constantis: ita ut *Hippocrates* orationem claudat dicendo: διὰ τέλεος φρενίτις. Idemque de *Melibæi* Adolescente verum. Et in *Epid. 4. Libro* de *Thersandri* Coniuge, deque *Servo* in extrema caupona, judicium



dicium aliud ferre non possumus. *Puerperæ maritus* quoque, ad quem *Hippocrates* die 7 morbi primum accessit, die octavo ex summa, crudissimaque, Jecinoris inflammatione periit. Epid. 7. *Conjux Hermoptolomi* atque 23 diem inflammatione laborasse videtur.

Nonnullis forsitan dies intercalarii dubium movebunt; dies, inquam, quibus aut conticescente, aut multum se moderante, febre, inflammatio quoque cessasse videretur: sed hos ipsos ajo primi, omnibus scilicet admissi, inflammatoriorum morborum stadii quaternarii, non reminisci, in quo cum inflammationis aut constantia, aut incremento, medius intercurrat, integerque sæpe dies, quo morbus quidem longe mitior adparet, & nihilo secius vel 4<sup>to</sup> die, vel ferius, ex stadio inflammatorio vel  
in

in Crisin abeat, vel in Mortem, vel in alium Morbum. Neque objiciant mihi tot incipientis Coctionis signa in *Hippocraticis* apparuisse ægrotis, ut inflammationis indicia desiderarentur: nam inane argumentum esse ostendunt signa, quæ prioribus diebus morbi & notavit conscripsitque suis in ægris *Hippocrates*, &, post omnes Practicos, in nostris nos ægris quotidie observavimus, cum subsequente tamen inflammationis deinceps augmento, ejusque in consuetas suas transmutationes progressu. Qui hæc animo bene perpendunt, hi inflammationis Membranarum in Cadaveribus Nosocomii cum crebræ, tum amplæ, observatam demonstratamque perseverantiam neutiquam mirabuntur.

§. II. Videmus itaque hæc nota fuisse Antiquis: an vero secundum hanc

hanc observationem admoverint, mutaverintque, methodum medendi, quæritur? Nihil evidentius est. Qui enim alias in mentem Coö venisset, ut octavo die sanguinem mitteret *Anaxioni*? Eumque rite misisse continuantis diu postmodum cruditatis pertinacia evicisset? Quod in eo fecit, id eum in numerosis ægris, quorum pertinacem Cruditatem supra memoravi, fecisse, tam certo novimus, quam ex ungue Leonem. Opportunum erit ex *Galen*i in hanc historiam *Commentario* nonnulla transferre:

„ In hoc unc cunctorum ægrorum,  
„ quorum morbum I. & III. *Epid.*  
„ *Libro* conscripsit, Phlebotomiæ a  
„ se institutæ meminit: non quasi  
„ unicus ille esset, cui Venam secas-  
„ set, sed quod primus esset, cui  
„ octavo die. Idque notavit ideo,  
„ quod Medici existerent, qui veluti  
„ certa



„ certa quadam lege Venam post  
 „ diem quartum non secarent. Quan-  
 „ do igitur huic octavo die missus  
 „ sanguis fuit, multo profecto plu-  
 „ res censeas Venæ sectionis auxi-  
 „ lio, præter diem alterum, aut ter-  
 „ tium, aut quartum, usos fuisse.  
 „ Reticuit autem hoc *Hippocrates*, si-  
 „ cuti reliqua auxilia omnia . . . .  
 „ cum non therapeuticas suas Lucu-  
 „ brationes hic tradere, Observatio-  
 „ nes practicas tantum in animo ha-  
 „ beret.

Igitur antiquorum monitis præ-  
 ceptisque eruditi Viri, qui Medici-  
 nam scriptis illustrarunt, & diem  
 quartum, ut stadii inflammatorii ter-  
 minum, frequenter agnoscunt, &  
 Naturæ ingentem notant ab hac le-  
 ge recessum. Unde si etiam aliquibus  
 videatur Vir immortalis *Hermannus*  
*Boerhaave* in *Aphorismis suis* diem quar-  
 Pars XIV. O tum

tum in acutis cum diathesi inflammatoria morbis multum suspicere; videant quoque illi magnum hunc Virum in iis *Institutionum suarum* locis, quæ de acrisiis, dyscrisiisque morborum tractant, has exceptiones etiam notasse, discipulorumque animis inculcasse. Hæc monere expediebat, quod famosi hujus quarti diei consideratio plurimum in animis altiores, quam aut par esset, aut ægris conducere, radices egisset; tum etiam quod Inflammationis pertinacioris, durabiliorisque indicia, in tot Cadaveribus reperta, hæc eadem expositio plurimum illustraret.

Rat. Medendi

Tomi XIV.

Sectio altera,

DE

PESTE.







## SECTIONIS II.

### CAPUT PRIMUM.

DE PESTE, ET CUR DE ILLA  
SCRIBENDUM SIT.

---

§. I. *Ratio exponitur cur de Morbo, centies  
descripto, scribendum de integro fuerit.  
Præcipuorum Autorum qui de ea scripse-  
re, catalogus adjungitur.*

§. I. **Q**uamquam finistre ferre, ve-  
hementerque in me multi,  
de Peste, cui interfuerim nunquam,

O 3 scri-

scribentem , ejusdemque tractandæ  
præcepta tradentem, invehi possent;  
quandoquidem cum Priscorum |auto-  
rum , tum Juniorum , tot tantique  
extiterint , graves Viri, conscripti in  
Arte Patres, qui Luem hanc tetram  
ocu-

---

Hippocrates *Lib. III. Epid. Sect. III.*  
*Pestis accuratam dedit longamque Hi-*  
*storiā. Et alibi Pestem, licet minus*  
*aperte, descripsisse, ut in Historia Cri-*  
*tonis &c. commentatores voluerunt.*  
*Vide Mindererum, Botallum, aliosque.*

Galenus *in Libr. III. Epid. pariter, ut*  
*& Libr. de diff. Febr. I. cap. VI &*  
*VII. libr. IX de simpl. Med. virt. cap.*  
*I. libr. de Meth. med. V. cap. XII. &*  
*XIV. cap. X. libr. de comp. Med. sec.*  
*loc. III. cap. II.*

Paulus Ægineta *Lib. II. cap. XXXVI.*

Hieronymus Fracastorius , *de Contag.*  
*Libri tres. Venetiis 1546.*

Am-



oculis contuiti suis, manuque tractantes, dumque illam pellere ab aliis noctu diuque satagerent, eadem afflati ipsi correptique, mascule de ea scripserint, aptaque curandi præcepta tradiderint; ut in tanta luce nedum in-

O 4 ex-

---

Ambrosius Paræus *Libr. XXII.*

Hieronymus Capivaccius *in Med. Pract. Libr. VI cap. 29. 30. 31.*

Ludovicus Mercatus *trium Regum Hispaniarum Archiater Tom. II. Libr. VII.*

Cornelius Gemma, *celeberrimus Medicus Lovaniensis, qui Peste obiit eo ipso anno 1575. quo Plantinus Antverpiensis ejus de Peste opus typis elegantibus suis excudit.*

Petrus Forestus *Lib. VI. Edit. Rotomag. 1653.*

Jodocus Lommius *obiter Tom. I. p. 31. 32. 33.*

Joan-

expertorum, verum etiam ne expertissimorum quidem virorum, nova illustratione indigere minime videamur: nihilominus ut historiam, curamque, Pestilentiae incudi redderem, me urgentes compulerunt gravissimæque  
ra-

---

Joannes Fernelius *de abditis rerum causis Libr. II. cap. 10. 11. 12.*

Joannes Heurnius *de Peste liber. Ultrajectinus erat, & in Academia Lugduno-Batava primus, ac primarius Medicinæ Professor.*

Rembertus Dodonæus *Medicus cæsareus in Med. observ. Plantinus excudit anno 1585.*

Julius Palmarius *Constantinus, septem de Peste Libros conscripsit, editos Lutetiæ 1577 & 1578.*

Hieronymus Mercurialis *patavina in schola celeberr. professor, dedit lectiones de Peste anno 1577. quæ anno eodem Venetiis typo excussa.*

Joan-

rationes. Ac primum quidem fallacia, incertitudoque hujus morbi; ita ut plerumque Disputatio acerba diuturnaue habeatur utrum, qui affligere morbus occeperit, Pestis appellandus sit, nec ne? Cum nunc inte-

O 5 rea,

---

Joannes Crato a Craſtheim *Nobilis, Imp. Maximiliani Archiater* in Cons. Med. Libris VII. 1591. 92. 93.

Schenckius a Grafenberg *Tomo VI.*

Proſper Alpinus *Med. Ægypt. Edit. Venet. anni 1591.*

Fabricius Hildanus *ſparſim in Centuriis.*

Daniel Sennertus *in Tom. VI. Libr. IV.*

Raimundus Mindererus *de Peſte liber unus.*

*Aug. Vind. 1608.*

Felix Platerus *edit. op. omn. Baſiliæ 1656.*

*ipſe dederat jam partem operis anno 1602.*

Ludovicus Septalius, *de Peſte & peſtiferis affectibus Libri V. Mediolani 1622.*

*1630. &c.*

Joan-



rea, ut *Homerus* notat, quando,  
 Deus Νῆστον ἀνὰ στρατὸν ὦρσε κακὴν, ἐλέ-  
 κοντο δὲ λαοί, milleque Mortalium, an-  
 tequam lis sit decisa sternat morbus;  
 tentandum erat, an ex ipsorum liti-  
 gantium observationibus lex confici  
 nulla

---

Joannes Castellus 1608. *Aug. Vind.*  
 Lazarus Riverius *Prax. Med. lib. XVII.*  
*cap. I. legi decies meretur.*

Liddelius, Scotus, *de Peste Neomag. 1624.*  
 Isebrandus Diemberbroeck *libr. de Peste*  
*Neomag. in op. omn. in Fol. 1685.*

Franciscus de le Boe sylvius *Prof. Leyd.*  
*de Peste Opus confectum ex Auditorum*  
*suorum adnotatis.*

Thomas Willis, *Edit. in Fol. venet.*  
*1720. Tom. I. Cap. XIII. pag. 65. & seq.*

Vopiscus Fortunatus Plempius *Amstelo-*  
*damensis, Doctor Lovaniensis de Funda-*  
*mentis Med. Libri VI. Lovan. 1638.*

Athanasius Kircherus, *Jesuita, scrutinium*  
*Physico medicum contagiosæ luis, quæ di-*  
*citur Pestis. Romæ 1658. in 4to.*

Hie-

nulla posset, quæ vel tolleret a principio dissidium omne, vel mali propagationem præpediret. Deinde si unquam, in peste profecto, dum jam præsentem illam omnes fatentur, tractanda, curandaque, tanta est vacillatio

---

Hieronymus Montuus, *Allobrox. Practica Medica Venet.* 1626.

Eustachius Rudius, *Utinensis de Morb. occult. & Venen. Libri V. Venet.* 1610.

Joannes Morellus, *Cabilonensis. De Febre purpurata epid. pest. in Burgundia &c. Lugd.* 1641.

Balthasar Timæus a Guldenklee, *Archiatr Brandenburgicus in Libr. III. Epist. & Consil. Lips.* 1665.

Paulus Barbette *in* 8. *Lugd. Batav.* 1672.

Nathanael Hodges *de Peste Liber. floruit post medium XVII. Sæc.*

Paulus Sorbait, *Vienn. Archiatr ac Professor Op. theor. pract. in Fol.* 1672.

Tho-

latio in consiliis, tanta in observando diversitas, tanta demum in præsidiiis admovendis discrepantia, ut Pestem plane novum morbum esse colligeres, cujus, utpote ignotieousque Medentibus, quærenda primum ex  
De-

Thomas Sydenham *tota sectione secunda.*

Jacobus Walschmid *Archiatr Hassicus Profess. Marpurg. in Tomo II. Disp. XIII. de scrutinio Pestis.*

Laurentius Bellini *Florentinus Professor Pisanus. De urin. puls. febr. &c. Lips. & Francof. 1698. Editio Bononiensis est anni 1683. in 4.*

I. C. Langius *oper omn. Tomo II. cap. XIV. Rivinus de peste Lips. anni 1680.*

C. F. Paullini *de Febr. Verm. 1703.*

Ludovicus Antonius Muratori, *de tractanda evitandaque peste tractatus politicus, medicus, & ecclesiasticus: Opus incomparabile, Medicis pernecessarium, italice conscriptum, Mutini 1710.*

Ber-



*Democriti puteo medela foret. Terti-  
tio cum ex mea Schola exsurgant,  
qui publica autoritate mittantur ad  
confinia, quæ Austriaca Regna deter-  
minant a Thraciis, seu Turcis, ut  
coortam ibi pestem, quod crebro fit,*  
cu-

---

Bernardini Ramazzini, *Mutinensis Pro-  
fessoris Oratio publice habita in Liceo  
Patavino 1713.*

Francisc. Xav. Benza, *Relatio Austriacæ  
Pestis ann. 1712. 1713. 1714. Sunt ob-  
servata propria Autoris, facta Viennæ,  
ac Posoniæ, in Nosocomiis, seu Lazare-  
tis dictis.*

Massiliensis Pestis relatio, a Medicis, qui  
illi interfuere, edita, Marsil. 1720. &  
cum Animadv. L. A. Muratorii aucta  
1743.

Josephi Fornès, *Tractatus de peste in  
Fol. Barcinonæ 1725. Operi opuscula  
præmittuntur, variorumque Epistolæ de  
Peste, & Relatio Pestis Massiliensis mox  
lau-*

curent, suffocentque; mearum esse partium ratus sum non in Lectione duntaxat iisdem meis Auditoribus cognoscendi curandique luem consilia præceptaque tradere, sed quod memoriam fulciret vacillantem, quod  
ubi-

*laudata. Multa continet opus lectu scitu-  
que digna; stylo duntaxat barbaro dif-  
forme adeo, horridumque, ut nesciam  
an toto hoc sæculo Medicina quid vide-  
rit magis barbarum.*

*De Peste Massiliensi scripta numerosa pro-  
stant, partim Medicorum gallicorum, qui  
aut ipsi pestilentiosis auxilio ibidem fue-  
re, aut urbium vicinarum incolæ, aut  
autoritate sive Regis Galliæ, sive Regis  
Hispaniæ, sive aliorum, Massiliam mis-  
si: unde prodiit laudatum Cl. Viri For-  
nès justii voluminis Opus; Medicorumque  
Nationum diversarum opuscula, qui cir-  
ca idem tempus vel proprio moru, vel  
Principum jussu, ideo de peste scripse-  
runt,*

ubique gerere fecum possent, & in dubiis consulere, libellum conscribere compendiosum. Tandem quia ea dierum nostrorum calamitas est, ut ad Imperii Austriaci margines, occasione Russici Thraciique belli, se manifestaverit

*runt, ut de finibus quisque suis eam propulsarent. Hinc natus* discursus brevis de Cont. Pest. & methodo præcavendi, autore R. Mead. Lond. 1720. Tractatus practicus de peste, autore Jos. Browne Lond. 1720. Consideratio Pestis Massiliensis, autore Richardo Bradley, Lond. 1721. Tentamen J. Quiney, ann. 1720. Lond. *junctum novæ editioni operis* Nathanaelis Hodges *de peste 1665.* Collectio variorum Edictorum &c. Lond. 1721.

Consilium sanitatis Viennensis, *edidit anno 1738. Methodum pestem cognoscendi & curandi, cum eo tempore hæc lues Thraces ad confinia nostra invasisset.*

Phi-



rit dira lues; ob idque omnis Medicorum cura, sollertia, sollicitudo, aptitudoque requirantur; festinare hoc opusculum debui, in quo minus me, potissimum vero præcipuos Auctores, eosque numerosos, qui unquam & Pestilentibus florere temporibus, & Pestis cognoscendæ curandæque præcepta tradiderunt, vestigio temporis consulere possint. Ordine infra hi recensentur.

---

Philippus Hecquet *in Append. de Peste, & in Tractatu de Peste, ubi & de periculo coactor. Nosoc. Paris. 1722.*

Adami Chenot *Medicus & rei Sanitatis Transylvanæ Physicus regius, dedit Tractatum de Peste. Viennæ 1766. Egregium Opus.*

*Autor anonymus de Peste Algerina anni 1752. 1753.*

## SECTIONIS II.

### CAPUT SECUNDUM.

DE DIFFICULTATE PESTEM  
INTERSTINGUENDI AB ALIIS CON-  
SIMILIBUS ILLI MORBIS.

---

§. I. *Non haberi Pestis ejusmodi Diagnosin, ut Pestis & omnis, & maxime inchoantis, clara notities adsit, ex numerosissimis ostenditur Scriptoribus: quomobrem ad omnem fere incipientem Pestem, imo nonnunquam ad eandem jam grassantem, utrum Pestis sit, nec ne, disceptari solet.* §. II. *Quum interim hujus disceptationis causa, Pestis saepe ita vagari visa sit, ut ultra domanda non fuerit, quid, incipiente Pestem referente morbo, provido Magistratui curandum sit? Plures Historiae dicta confirmantes.*

Pars. XIV.

P

§. I.

§. I. **P**estem determinatu difficilem, arduamque esse, ex eo colligimus, quod, ut ex singularum Pestium historia patet, fere perpetuo hæsitatum fuerit, utrum qui apparuisset, quique peteretur definiendus Morbus, Pestis appellandus esset, nec ne? Paradoxon hoc videri multis debet, qui hinc deplorandam ejus per orbem universum, singulaque sæcula, frequentiam, atque diuturnitatem, ex Historia tenent; illinc ingentem conspiciunt delectorum Autorum manum, qui tetram Luem, quemadmodum eam oculis contuiti erant suis, inque semet ipsis experti, posteritati tradiderunt. Quo tamen videant rem, quo dixi modo, se habere, ex innumeris exemplis me pauca contrahere necesse est.

Dum *Paræus*, & quæ ipse viderat, & quæ in longo cum Rege itinere



nere ab omnibus Medicis , Chirurgisque , expiscando didicerat , animo volveret , conclusit tandem *Lib. 22. de Peste cap. 14.* Decipi turpiter homines „ pestilentiarum principio , „ eo quod plures inde moriantur , „ tam quia sæpe & Bubones , & Anthraces , & Exanthemata , indicia „ ceterum pestis , sese cum illa non „ confocient , quam quia non eadem „ omnibus , sed aliis hæc , aliis illa , „ eaque tantummodo pauciora , levioraque , signa morbi , adesse videantur.

Unde *Liddellius* : „ Nullus morbus , „ inquit , magis ex se perniciosus „ est , aut in quo signa omnia magis „ infida sunt , & motus magis incerti , inconstantesque. „ Similia *Mindererus*.

*Hieron. Montuus* : „ Nos Pestilentiam , ait , grassari vidimus *Lugdun.*

„ ni & Viennæ anno 1525. Febris  
„ parva videbatur, & Febre se libe-  
„ ros ægrotantes opinabantur, pul-  
„ sus erant moderatis similes, & Uri-  
„ næ colore, consistentia, & con-  
„ tentis, non illaudabiles, qui ta-  
„ men omnes occubuerunt.

Imo *Morellus*: „ Fit, inquit sci-  
„ te, ut in Peste fallat nos sensus,  
„ fallat ratio, fallant Hippocratis  
„ Aphorismi; & ipse, ut puto, in  
„ his falleretur *Hippocrates*.

*Riccobonus* & *Muratorius*, referunt  
nobis, Venetiis anno 1576. gravi  
oborta suspectaque ægritudine, sum-  
mas orfas esse illorum Medicorum di-  
scordias, quibus in mandatis dederat  
Senatus examinare morbum propius;  
pestisque an esset, nec ne, enuclea-  
te determinare: amplissimum Sena-  
tum, quo certior redderetur, duos  
celeberrimos inclytæ Patavinæ Scholæ

An-

Antistites *H. Capivaccium*, & *H. Mercenrialem*, præstantes viros, editisque claros inclytosque laboribus, convocasse; qui, instituto examine rerum accuratissimo, pendentem solverent litem: tandem eximios hos Scrutatores Senatum certiore fecisse, qui populari morbus cepisset, non esse Pestem: Pestem tamen esse cum brevi etiam Lippis ac Tonsoribus innotesceret, hoc ceterum nobile *Hieronymorum* par male oluisse universis, honestaque dimissione impetrata *Pataziam* repetiisse. Errorem autem se publice fassos postmodum esse, eorum Scripta testantur.

*L. Septalius*, ad pestem *Lombar-diæ* anni 1629. simile dissidium Medicos tenuisse; se autem Pestem esse proclamantem lapidibus ab insolente, desperabundaque plebe, fere obrutum fuisse, memoria prodidit.



In Peste *Viennensi* anni 1712. 1713. 1714. eadem quæstio fluitantes Medentium tenuit incertasque mentes, donec sævior lues tot popularetur cives, ut omnes pestem diram esse faterentur coacti: ita *Ramazzini* in Oratione, & *Muratori* de Peste Libr. I. pag. 51. referant.

§. II. In calamitoso ejusmodi inopportunoque diffidio, Publica potestas quid actura, omiffurave fit, inquit anxie? Confiniane sua sic tuta præstabit, quemadmodum, de Peste certior, & soleat, & debeat? Frustra forte commercium turbabit, jacturamque ingentem Vectigalibus inferet, & Mercatoribus sæpe irreparabilem. Econtrario vero si in absolutam certitudinem cautelas procrastinaverit, seræ postmodum curæ hæ erunt, ineptæque omnes. Novam que hæc difficultas quæstionem parit  
fitne

fitne hoc, an illud, Reipublicæ utilius? Solvere quæstionem potest seria maturaque ponderatio damni, quod alterum in opes, hominumque & commoditates, & utilitates, illaturum sit; alterum & in easdem res, & in irreparabilem illorum vitam.

Æqua hæc lance serenissimum *Venetorum* Senatum rem ponderasse testabatur egregius *Ramazzini*, in oratione habita *Patavii* die 20. Nov. anno 1713. Laude enim summa ferebat Senatum, quod, Medicis *Austriacis* inter sese turpiter dissentientibus, decreta saluberrima sanxisset, ut ad confinia, terra marique, sua, locosque suspectos mitterentur, qui, & prudentia, & experientia sua Labem, si qua forsan adesset, in ortu præfocarent: prætereaque ut in singulis seu Urbibus, seu Oppidis, vel Cives præstantiores, vel Viri nobilio-

res, ad Portas invigilarent, ne citra datos sanitatis illibatæ vades intraret quisquam: cum autem ne sic quidem saluti publicæ cautum esse sibi videretur, Senatum haud multo post & cum externis, & cum proximioribus potissimum Civitatibus, interdixisse commercium omne, minoris utique liberæ Mercaturæ commoda beneficiaque facientem, quam populi salutem.

Decretum Consilii sanitatis *Vien-*  
*nensis* anni 1738. memorabile ob suum  
est exordium. „ Quotiescunque Pe-  
„ stis utut subita violentaque orie-  
„ batur, contigit tamen, ut æque  
„ Eruditorum atque Plebejorum ani-  
„ mi hæsitarent Pestemne appella-  
„ rent, an alium morborum: inte-  
„ rea vero dum de nomine ægritu-  
„ dini imponendo disceptaretur,  
„ solebat tantas edere strages, ut  
„ neque



„ neque Magistratum, neque Me-  
„ dicorum decreta, sistendis essent  
„ iisdem.

Exemplum æterna memoria dignum dedit Pestis, quæ anno 1630. *Parmam, Veronam, Mediolanum &c.* mille mortibus implebat; eoquod hinc Medicorum de morbi nomine lis, illinc prævisum commercii damnum, omnem aut impedivisset, aut procrastinasset cautionem; *Ferrariæ* vero, in qua urbe furere in aliquos jam ceperat, parcebat; quod Magistratus, & Medicorum altercante Collegio, & reclamante Mercatorum Societate, progressui mali prudentissima saluberimæque obniteretur cautione. *Muratori Lib. I. pag. 150. & seq.*

Nulla unquam Regio, quam *Gallo-provincialis* (Provincia) aut *Braccata Gallia* dicta, nulla unquam urbs, quam *Massinia*, tantas hujus contentionis

poenas luit, peste in ea annis hujus sæculi 20. 21. 22. grassante. Neque inceptæ modo, verum & progressæ, immo & adultæ pestis, nomen in discepcionem vocabatur, haud a Medicis, Chirurgisque, & Regionis, & Urbis, duntaxat, verum etiam a summis Medicinæ Antistitibus: & tandem, incredibile dictu! collatis utriusque disceptantium partis relationibus, Archiattrorum regionum Comes *Chiconeau* ab omni pestis absolvit infamia morbum. Unde & stupendo atque calamitoso hoc errore sexaginta milia civium *Massilitanorum* ignoti morbi victima fuerunt. Locupletissimam monumentorum huc spectantium Collectionem reliquit nobis *Cl. Jos. Fornès Barcinonensis* in Medicina Professor primarius, qui Regis Hispaniarum jussu *Massiliam*, Provinciamque, expiscandi causa petens, ibidemque diutius

tius moratus, testis oculatus miseria-  
rum fuit, commercium epistolicum  
cum variis Provinciæ Medicis habuit,  
hocque utili suo, atque voluminoso,  
de Peste libro, adjecit.

Notabilis Historia, quam in *Obs.  
Med. Cap. 54. Dodonæus* refert „ *Phl-*  
„ *lippus Stroza*, & nobilitate generis,  
„ & opum affluentia insignis, lenta  
„ quadam febricula laborabat, & ex  
„ Medicis, qui ægrum viderant, alii  
„ quotidianam. sed levem, alii, ob  
„ algorem, contractam febrem pu-  
„ tabant: nec defuit qui crederet  
„ a capite destillasse materiem, quæ  
„ putrescentem febriculam gigneret.  
„ At nos, cum eam ipsam diligen-  
„ tiore examine perpenderemus, pe-  
„ stilentem judicavimus. Quam sen-  
„ tentiam deridentes Medici, cum  
„ levatam jam febrem examinarent,  
„ latebat enim anguis in herba, fa-  
„ miliari



„ miliari tantum Medico curam di-  
 „ mittunt. At æger, qui jam con-  
 „ valuisse videbatur, adventante die  
 „ VII. in Nervorum subito resolutio-  
 „ nem & febrem incidit ardentem:  
 „ qua exhausta voce & corporis vi-  
 „ ribus convulsis, paucis etiam die-  
 „ bus mors subsequuta est.

*Dodonæum*, cum hæc scriberet, & senem, & Pestis, ejus temporibus frequentioris, probe conscium rati, pestem, quam plures Medicorum negassent, occupasse hominem, affirmantem intelligimus; e contrario affirmatam pestem, qua nihil dissimilius adesset, enarratio sequens dabit.

*Joannes Galego de la Serna*, Archiater duorum Hispaniarum Regum, nec non *Annæ Austriacæ*, Lud. XIII. Galliarum Regis conjugis, in sua *Methodo Medendi* anno 1639 edita, meminit malignæ Febris, quæ Regi-

nam

nam teneret , neglectæ , nihilique existimatæ a Medicis suis ; adeo autem postmodum invalescentis , ut de extrema Unctione adhibenda Medici deliberarent. Die XI. facta hypostatica urina , febre remissa , delirioque, Crisin ait apparuisse ; superstitite tamen tanta functionis animalis debilitate , ut plurium Medicorum consilium convocaret Rex , in eoque consideret cum Regni Primoribus. De morbi natura multam Medicorum discordiam intercessisse , nec minorem de Cura : „ sed , inquit Autor , inter „ omnes , mirabile dictu ! doctissimus „ antiquissimusque Magister , & qui „ in tota *Gallia* primum obtinebat „ nomen , Doctor *Duretus* , postquam „ Pestilentem esse morbum per omnia „ signa , & potissimum ex urinæ „ pravitate probavit , sine hæsitatione , & facie ad faciem , præsentaneam

„ neam Reginae mortem Regi ipsi de-  
 „ nunciavit, ac tandem, tanquam ad  
 „ corpus semimortuum, sanguinis mis-  
 „ onem praescipit : idemque aliqui  
 „ ex iis, qui sequebantur, dixerunt.

Consideratis porro omnibus, Regi placuit auscultare Archiatri de la Serna consilio, collapsas Reginae vires alimentis restaurandas esse censentis; lætusque hinc redditam vidit Reginae salutem.

*Non fuit hic ille æterni nominis Ludovicus Duretus qui nobis suos immortales in Coacas, aliaque Hippocratis, commentarios dedit, sed ejus, magni quoque nominis, filius. Obiit enim Ludovicus anno 1586. adeoque 33. annis ante hanc Historiam. Galego de la Serna gratiam Regis Reginaeque magnam ob hanc curam inivit, bis mille aureis nummis ab utroque donatus, nec non annua similitum aureorum nummorum octingentorum gratificatione; qua adhuc fruebatur 17. postmodum anno, quo librum edidit. Regina autem post hanc curam annis 47. vixit.*

SE-



## SECTIONIS II.

### CAPUT TERTIUM.

#### DE PESTIS DEFINITIONE.

---

§. I. *Quæritur num, quemadmodum plurimorum morborum, ita & Pestis, definitio non detur, quæ a quocumque alio morbo internoscatur? Ad id ut respondeatur, recensentur primò omnes seu Definitiones, seu Descriptiones, quæ ab antiquissimis Medicinæ temporibus, in nostros dies usque, datæ fuerunt. Responsio ad quæstionem in sequens caput differtur.*

§. I. **E**x iis quæ de difficultate Pestis item ab omnibus aliis morbis internoscendi, mox vidimus, quæstio non minus inevitabilis, quam  
gravis,

gravis, exsurgit, an scilicet Pestis non admittat, quemadmodum alii morbi, definitionem, quæ a ceteris consimilibus morbis eandem discriminet? Ne præmatura videatur, aut temeraria responsio, erit omnium, quæ huc spectent, rerum, non minus tædiofa, quam laboriofa, præmittenda recensio, ab *Hippocrate* inchoanda.

Hic enim *Epid. III. Sect. III.* Pestilentem morbum graphice descripsit, symptomatibus & numero admodum variis, & nec omnibus cunctos, neque uno omnes modo, neque uno universos tempore, neque eodem singulos aut numero, aut vehementia, aut duratione, affligentibus, conjunctum. Contentus *Hippocrates* operosa hujus sui temporis febris pestiferæ descriptione, veram, & proprie dictam, pestis definitionem non dedit. De Peste eum egisse in  
Histo-

Historia Critonis in Thaso, & Libr. II. de Morbis ad hæc Verba: „ Alia febris. Foris ad contactum febris debilis est „ &c. censet cum aliis *Mindererus*. Et in vita *Hippocratis* meminit *Soranus* Pests, in *Illyrios*, *Pæonas*, *Barbaramque* regionem, ingruentis, quam ille sua Discipulorumque opera, ab *Attica* regione propulsasset. Verum de ejusdem definitione ibidem ne hilum quidem.

*Aristoteles* Tomo II. pag. 521. Sect. I. De iis, quæ ab Medicinam pertinent. Quæst. 7. sic pestem definit: Μόνη τῶν νόσων κοινὴ ἔστιν ἀπασιν „ Morbus, qui „ ex morbis cunctis ille solus est, qui „ est singulis hominibus communis.

Apud *Arætæum Cappadocem* frustra hic aliquid quærimus certioris. Præter defunctoriam quandam Pests apud *Atticos* tempore *Peloponiaci* belli mentionem, nihil de illa perhibuit.



Galenus Comm. in Libr. III. Ep. d.  
 Hipp. Sect. III. ad Text. XX. pag. 263.  
 Edit. Charter. „ Quicumque morbus  
 „ uno in loco multos simul invase-  
 „ rit, epidemicus ille; sin vero &  
 „ multos perimat, Pestis fit. Et in  
 Text. XXI. Hippocratis, qui dicit:  
 „ ex præscriptorum generum unoquoque  
 „ (morbo) multi laborabant, ac morieban-  
 „ tur: „ Galenus cum dicit, inquit, &  
 „ multi moriebantur, Pestilentes esse  
 „ morbos qui vulgarentur, (qui epi-  
 „ demici, seu populares essent) de-  
 „ monstrat. Qui quandoquidem di-  
 „ versi fuerint, de singulis separatim  
 „ acturum se infra promittit. In Text.  
 LVII. qui sic habet: „ Ut autem in  
 „ summa dicam, omnes tum qui morbis  
 „ longis, tum qui acutis ægrotabant, ex  
 „ his maxime, qui per alvum secedebant,  
 „ interierunt. Omnes enim alvus sustulit: „  
 Galenus: „ Et Pestis quoque illa lon-  
 „ gissi-

„ gissima, quæ nostra ætate contin-  
 „ gebat, ex iis, quæ per alvum eva-  
 „ cuantur, omnes prope peremit:  
 „ quod quidem esse symptoma per-  
 „ petuum febris ejus videtur, quam  
 „ peculiariter pestilentem vocant;  
 „ cum homines καὶ χωρὶς λοιμῆς, etiam  
 „ citra pestem, corripiat. „ In Text.  
 LVIII. „ *Cibos equidem aversabantur* &c.  
 Galenus: „ Etiam hoc symptoma om-  
 „ nes cepit, qui in Peste diuturna,  
 „ quæ modo viguit, laborabant: qua-  
 „ re & multos mori contigit. For-  
 „ tiores ergo, qui vim sibi inferentes  
 „ cibum oblatum assumerunt, om-  
 „ nes fere evaserunt superstites. Plu-  
 „ rimi vero mori, quam comedere  
 „ quidquam, prius duxerunt.

*Libro I. de different. febr. Cap. VI. &  
 VII. de Pestis causis, deque eadem  
 præcavenda disseruit, morbum vero*

non definivit, ac si notum cunctis supponeret.

*Libro IX. de simpl. Med. virt. Cap. I.*  
„ Porro in magna hac Peste, cujus  
„ eadem facies fuit, atque ejus, quæ  
„ *Thucydidis* memoria grassabatur,  
„ quotquot hoc Medicamentum (Bo-  
„ li armeniae cum vino albo sincero,  
„ vel cum aqua diluto,) biberunt,  
„ celeriter curati sunt... Non ta-  
„ men calore vehementes sunt Fe-  
„ bres pestilenciales.

*Libro de Meth. med. V. Cap. XII. de*  
peste loquitur, tunc grassante: non  
definiens illam, narrat modo quibus  
in peste totum corpus ulceribus scate-  
ret, hos servari omnes, idque juve-  
nis exemplo confirmat. Ibidem *Libr.*  
*XIV. Cap. X.* sine definitione pestis  
laudat venæ sectionem, ad animi de-  
liquium usque, in Anthrace. *Libro de*  
*comp. Med. secundum locos III. cap. II.*

Ad



ad Parotides venæ sectionem laudat; incertum tamen an ibi de parotide pestilentiali scribat, ut quidem vult *Riverius*.

*Cælius Aurelianus* nihil nobis de Peste tradidit; verbulo tantummodo innuens ab *Asclepiade* emetica laudari in Pestilentibus. *Libr. I. cap. XIV.*

*Paulus Ægineta Libr. II. Cap. XXXVI.* enarrat nobis fere omnia, quæ unquam quacunque in Peste observata fuerunt, adjungitque hæc, eorumque singula, posse in Peste observari.

Autores, *Arabes*, simias *Galen*i, non memorabor, ne abutar lectorum patientia; *Galen*i simias, inquam, in multis; *Rhasin*, forte, exceperis; quantum saltem ex eorundem scriptis colligere nobis hucusque licuerit: quæ scripta genuinane sint, ipsorumque aut nomina juste præ sese ferant, aut mentem exponant veram, ratio-

nes utique graves nos jubent dubitare. In Catalogo Bibliothecæ Arabico-Hispanæ Escorialensis, cujus Tomum I. in fol. anno 1760. Madriti editum, dono Ill. Baronis Henrici de Senckenberg præstantissimi, dum viveret, Consilarii Cons. Imp. Aul. possideo, Rev. & eruditiss. Vir Michaël Casirus, Syro-Mar-

---

\* Jure proinde expectamus a laudatissima Regis Hispan. Caroli III, tanti Litterarum Scientiarumque Mecænatis, munificentia, atque a notissima Rev. Caliri, ceterorumque Escorialiensium Eruditorum, cura & labore, uti demum & Rafis, & reliquorum Arahum Medicorum principum, aut ipsa opera Arabica typis fidelibus prodeant, quas apti ad id Viri vite postmodum interpretentur, aut eorundem non ultra Persiones, sed justissimæ Versiones, lucem videant, Arsque illorum daretur accessu.

Dudum est, quod per varias vias, modosque, ab iisdem eruditissimis Viris petitive-

Maronita, Presbyter, S. Theologiæ Doctor,  
Regis a Bibliotheca, linguarumque orientalium  
interpretatione, passim de latinis Arabum  
Versionibus conquerens, in vita,  
scriptisque Rasis, Ceterum, inquit,  
,, latinæ quæ vulgo circumferuntur,  
,, Rasis operum Interpretationes,  
,, adeo barbaræ ac insulsæ sunt, ut

Q 4

,, nec

---

tiverim ut, vel Codicem Arabicum no-  
bis ad tempus commodo darent, vel  
eundem, sive arabice solum, sive per  
ipsum latine versum, Typo evulgarent;  
Codicem, inquam, illum, quo utave-  
mur Galeni in Libr. II. Epidem. Hipp.  
Commentariis II. III. IV. & V. quo-  
rum primum tantum possidemus; nec  
non ejusdem Galeni commentariis in  
VI. Epid. Libr. VII. & VIII. quorum sex  
tantummodo novimus. Animus fuerat  
horum Commentariorum ignotorum D.  
W. Trillero, viro longe eruditissimo,  
indefatigabili, in Arte nostra præstan-  
tissimo, maximo, copiam facere, ut  
frui



„ nec *Rasis* dictionem, nec stylum,  
 „ sapiant, nec sententiam quidem  
 „ exprimere aliquando videantur.  
 „ Illas enim ego, quoties cum ara-  
 „ bibus Archetypis conferre libuit,  
 „ non ex *Rasi*, sed ex alio prorsus  
 „ Autore, factas omnino censui.  
 „ Idem de antiquis latinis translatio-  
 „ nibus

*frui iisdem in pulcerrima sua Hippocra-  
 tis universi Editione posset. Vorum  
 meum & iteratum, & ab Excell. Sen-  
 ckenbergio, magno me alio Litterarum  
 Patrono, Hispani Regis in Aula quadam  
 Oratore, obsecundatum, inane hucusque  
 fuit.*

*Idemque optandum est de laudatissimis Bei-  
 tharis operibus, Galeni ac Dioscoridis  
 Historiam simplicium tam egregie illu-  
 strantis, ac bismille Plantarum accessio-  
 ne adornantis. Nec urgere rem effica-  
 cius possum, quam ipsiusmet Reverendi  
 Catalogi huius Fabri voto, qui ipse sic  
 loquitur: „ Præter amplam eruditionem,  
 „ flori-*

„ nibus ex Arabum Philosophorum  
„ ac Medicorum scriptis confectis,  
„ eodem jure pronunciandum: quas  
„ *Perversiones* potius quam *Versio-*  
„ *nes* merito dixeris. Atque hoc  
„ loco temperare mihi non pos-  
„ sum, quin acerbius invehar in il-  
„ los, qui ex hujusmodi versionum  
„ colluvie, non aditis Arabum fon-  
Q 5 „ tibus

---

„ *floridum juxta ac limatum dicendi*  
„ *genus in eodem mireris. Operæ pre-*  
„ *tium igitur quam maximum foret,*  
„ *eximium hocce opus in latinum sermo-*  
„ *nem transferri ab aliquo, Arabicæ*  
„ *linguæ peritissimo; ope tamen alio-*  
„ *rum, qui in Arte Medica & Bota-*  
„ *nica essent apprime callidi, atque ex-*  
„ *ercitari: quantum enim rei herbariæ*  
„ *cultoribus, maxime hispanis, ex illa*  
„ *translatione lumen! Quippe Beithar*  
„ *multa simplicium nomina vario regio-*  
„ *num nationumque sermone, præcipue*  
„ *hispano, obiter exprimit, ac recenset.*  
„ Si

„ tibus, de ipsorum Autorum pretio  
 „ ferre sententiam audent. Sed qui  
 „ nec suo, nec alieno jecore sapiunt,  
 „ eos despici, quam refutare fatius:  
 „ quippe qui de re sibi minime per-  
 „ specta, & temere sentiant, & in-  
 „ epte scriptitent. Vide notam a pag.  
 246. ad 250.

De

„ Si Tournefortio fides, id Beitharis vo-  
 „ lumen latine transtulit Gallandus. At  
 „ in Catalogo Reg. Bibl. Paris. ubi va-  
 „ riæ memorantur ejusdem Gallandi ex  
 „ Arabico versiones, de latina Beitha-  
 „ ris versione ne verbum quidem. Certe  
 „ hæc typis, quod sciam, necdum tradita.  
 Tandem pag. 280. enumerat Regias, Pu-  
 blicas, Eruditorumque Bibliothecas,  
 quæ exemplaria Arabica variorum Bei-  
 tharis operum possident; quarum & Pa-  
 risiensem Regiam, & Cæsaream Vin-  
 dobonensem præprimis memorat: Vin-  
 dobonensis Codex adest, ut ille Autor  
 vult, sed non est, nisi Beitharis operum  
 Compendium.



De Arabibus Medicis id notatum velim , quod nulli eorum , quos centenario numerosiores hic catalogus recenset , de Peste peculiariter scrip-  
sisse legantur ; quamvis & de morbis omnibus scripserint plerique , & Pestem in *Africa* & *Asia* , ubi adeo frequens , malignaque est , viderint multoties : an forsân , quod plerique *Mahommedani* fuerint , adeoque de eadem curanda aut frustra agi , aut nefas esse , opinati ?

Ex quo a lugubri EPOCHÆ *Byzantii* a Thracibus capti , deletique Imperii Græcorum , ex Australi Europa in septentrioni propiorem Græci cum Viri eruditi , tum Libri præstantes , convolarent ; & recens inventa arte Typographica , curante inter cæteros præprimis *Aldo Pio Manucio* , excellentissimo *Venetorum* Typographo , cujus nitidissimam totius *Hippocratis*  
græ-

græcam editionem possideo, Antiquorum Græcorum Medicorum Codices typo excuderentur; mox sæculi XV. finis, totumque XVI. sæculum, dederunt nobis Scriptores Medicos innumeros, græcarum Litterarum cultores eximios, & studio Hippocratico præclaros, eruditione admirandos, facundia insignes, multiplici Artis saluberrimæ usu exercitissimos, Philosophos ἀσυστημάτους, qui excusso Arabum jugo, sinceram, nudamque rerum naturam a Græcis Medicinæ Patribus edocti, nudam eandem posteritati tradiderunt. Spectatorum horum Virorum & tantus est, & selectus adeo numerus, ut quem priorem excitem, quem posteriore laudem, hæream anceps. Horum itaque nonnullos consulere de Peste necesse est.

*Jacobus Houillier*, dictus *Hollerius*,  
 origine *Stempanus*, inter viros erudi-  
 tos sui ævi, teste *Thuano*, spectatissi-  
 mus, gravis vir, unaque facetus, de-  
 dit nobis *Tom. II. oper. omn.* Tracta-  
 tum de Peste, quem sic orditur: „  
 „ Epidemia morbus est aliquo anni  
 „ tempore, certisque locis invale-  
 „ scens; qui si multos rapit λοιμώδης,  
 „ id est Pestilens appellatur, & λοιμός  
 „ Pestis est: qui morbus populariter  
 „ grassans, multos interimit.. nulla  
 „ interdum febris sensibilis; Diastole  
 „ minor quam Systole: signa pecu-  
 „ liarium humorum corporis sequi-  
 „ tur color. Diaria febris pestilen-  
 „ tialis intra triginta horas interficit,  
 „ sentiuntque vires paulatim exhala-  
 „ re; sæpeque neque Bubo, neque  
 „ Carbunculus apparet: sed totum  
 „ venenum in corde hæret. Alia  
 „ febris in quartum diem protrahi-  
 „ tur



„ tur. Omnia bona signa suspecta  
 „ sunt.

*Joannes Goræus*, Medicus celeberrimus *Parisiensis*, pluribus præclaris operibus, maxime Libris XXIV. de *defin. med.* posteritati gratissimus, qui medio XVI. sæculo floruit, pestem definiit exacte, ut brevi eam definiisse *B. Castellum* in *Lexico* videbimus, pestem quoque cum eo eandem cum febre pestilente ratus.

*Ludovicus Duretus*, Gallicus Archiater insignis, commentator incomparabilis cum *Hippocratis*, tum laudati mox *Hollerii*, in Caput 42. *Hollerii* praxeos Lib. II. adnot. in *Enarrationem in Hollerium suam*: Febres colliquantes sunt *pestilenciales*, non *pestiferæ*,  
 „ ut quæ fieri possint a Diætæ vitio.  
 „ *Pestifera febris* est, quæ contagione  
 „ sævit in eos, qui præsto sunt tali  
 „ febre afflictis: *Pestilens*, quæ ei  
 „ tan-

„ tantum , qui laborat infesta est.  
 „ Galenus Libr. III. Epid. *Alvi pro-*  
 „ *fluvium omnes de medio sustulit.* Sunt  
 „ autem colliquationes quæ sunt  
 „ ἁχώριστα symptomata , τῇ πυρετῇ , κα-  
 „ ταλαμβάνοντος τῆς ἀνθρώπου , καὶ ἀνευ-  
 „ λοιμῆ. Symptomata sunt inseparabi-  
 „ lia febris , quæ homines invadit  
 „ etiam sine Peste. Omnis Pestis  
 „ morbus est epidemicus , qui a tem-  
 „ pestate pestifera in hominum vitam  
 „ invadit , & multos de medio tollit,  
 „ & est contagiosus. In Peste , &  
 „ Veneni & Contagionis summa sunt  
 „ omnia : Morbi simpliciter venenati,  
 „ non sunt contagiosi : itaque in fe-  
 „ bre , quæ nascitur a tempestate pe-  
 „ stifera , veneni , & contagionis ,  
 „ summa sunt omnia : sed existit ta-  
 „ men quædam , quæ non est & pe-  
 „ stifera. Illius qua est colliquans ca-  
 „ lamitas , dignoscitur in excremen-

„ tis

„ tis colliquantibus, & nigris, Hæc  
 „ quidem est *pestilens* non *pestifera*.  
 „ Sed febris a tempestate orta, cu-  
 „ jusmodi descripta est *Seçt. 3. Lib. 3.*  
 „ *Epid.* contagionis & veneni summa  
 „ habet omnia: Symptomata com-  
 „ memorantur illius tempestatis pesti-  
 „ feræ quotquot apparuerunt, Ery-  
 „ sipelata, Ora aphthosa, Causi,  
 „ Phrenitides, Alvi & Urina pertur-  
 „ bata, Hydropes, Phthises.

„ Sed duo observanda *Galenus*  
 „ proponit Theoremata: Unum, quod  
 „ meminisse quis debet, Putredinem  
 „ a tempestate pestifera nullam esse  
 „ Pepasmi capacem: aliud Theore-  
 „ ma: quod Pests non est nomen  
 „ definitum alicujus morbi, sed qui  
 „ sub morborum disperforum (forte  
 „ diverforum) nomine multos ho-  
 „ mines invadit, sive sit Leienteria,  
 „ sive Dysenteria, sive Carbunculus,  
 „ sive



„ five Erysipelas : qui sunt morbi  
 „ sporadici. Sed tamen multum in-  
 „ terest inter carbunculum *pestilentem*  
 „ & *pestiferum*. Omnis Carbunculus  
 „ fit a putredine sanguinis : sed hoc  
 „ interest, quia *pestilens* neque vene-  
 „ no, neque contagione calamitosus  
 „ est : at *pestifer* inexplicabili qua-  
 „ dam ratione est pestifer, tum quod  
 „ pestilentes sunt sporadici, qui pro-  
 „ veniunt pro cujusvis particulari na-  
 „ tura. „ Redeunt huc, quæ in Coa-  
 cas hinc inde adnotavit.

*Ludovicus Mercado, sive Mercatus,*  
*Philippi II. & III. Hispaniæ Regum*  
*Archiater, Tomo II. Libr. VII. cap. I.*  
 gnarus ejus, quæ Pestis principium  
 determinet, difficultatis, spem nobis  
 dederat cognoscendi inchoantem : ve-  
 rum tot requirit tantaque symptoma-  
 ta, ut iis præsentibus nemo, ultra,  
 etiam non Medicus, sit, qui non ag-

noscat esse pestem. Definit eam vario modo pag. 443. „ Morbus is cen-  
„ feri debet Pestis , qui cum vulga-  
„ ris sit , perniciosus etiam est , atque  
„ letalis. Itaque erit Pestis Epide-  
„ mia perniciofa , aut si mavis vene-  
„ nosus quidam vapor in aëre con-  
„ ceptus , qui vitali spiritui omnino  
„ adversatur , aut aëreum venenum  
„ ex putrium vaporum admiftione ,  
„ vel infelici Planetarum-concurfu ,  
„ in perniciosiffimam animantium ge-  
„ neris conditionem dira converfio-  
„ ne mutatum , si Astrologorum fen-  
„ tentiam fequi voluerimus. Sed po-  
„ test clarius adhuc definiri , nimi-  
„ rum quod nihil aliud Pestis fit ,  
„ quam morbus communis , vulga-  
„ ris , peffimus , atque perniciosiffi-  
„ mus , qui perinde ac totum mor-  
„ borum vulgarium genus , ex Cœli  
„ ftatu proficifcitur. Clarius tamen  
„ &

„ & verius, atque specialius, Febris  
 „ pestilens definitur, cum dicimus  
 „ febrem pestilentem revera esse mor-  
 „ bum, sordidæ & profundæ putre-  
 „ factionis, includentem seminaria  
 „ acutissimæ contagionis per se, ex  
 „ quo letalis & contagiosa efficitur.

*Hieronymus Capiuaccius, Patavinæ  
 Scholæ lumen & ornamentum, Med.  
 Pract. Libr. VI. Cap. 29. 30. 31. pag.  
 1034. & seq. Edit. Francof. 1594.* „  
 „ Per febrim pestilentem intelligimus  
 „ Febrem, quæ cito potest interfice-  
 „ re; & intelligimus febrem conta-  
 „ giosam, sive fiat ex aere, sive ex  
 „ aliis causis quomodocumque. Sic  
 „ ergo accepta nihil aliud est, quam  
 „ Febris producta a veneno calido  
 „ putrefactivo. Cum dicimus quod  
 „ fit febris, febrim pestilentem a pe-  
 „ ste distinguimus, quæ interdum esse  
 „ potest sine febre, dum vitium par-



„ tes exteriores afficit , nec cordi  
 „ communicatur , ut colligitur ex  
 „ Galeno *Aph.* 25. & 57. *sect.* 3. *Libr.*  
 „ 3. *Epid.* & *Libr.* 9. *simpl. Cap. de*  
 „ *Bolo arm.* Dicimus producta a vene-  
 „ no , ad differentiam reliquarum fe-  
 „ brium , quæ non sunt pestilentes.  
 „ Addimus a *veneno calido* , ad discri-  
 „ men morbi venefici frigidi. Tan-  
 „ dem adjungimus *putrefactivo* , ad dif-  
 „ ferentiam morbi venefici calidi ,  
 „ non putrefactivi , ut contingere  
 „ solet vi Arsenici.

*Desiderius Jacotius* , Vandoperanus,  
 Coacarum *Hippocratis* excellentissimus  
 Libris XIII. Commentator, in *Comm.*  
*I. Libr. III. Sect. II.* „ Pestem , dici-  
 „ mus , inquit, non morbum aliquem  
 „ particularem , sed omnem affe-  
 „ ctum , ex continentis deleteria qua-  
 „ litate profectum.

*Julius Palmarius Constantinus*, Libros de Morbis contagiosis septem conscripsit, editos *Lutetiæ* anno 1578. Dat hanc Pests definitionem. Λοιμὸς seu Λοιμᾶδης πυρετὸς græcis Pestilentia, seu Pests latinis, Febris est peracuta, contagiosa, venenata, populariter grassans, multos perimens, Bubone & Carbunculo, aut Exanthematis comitata.

*Jodocus Lommius* natu *Buranus*, Medicus Bruxellanus, vir totus quantus *Hippocraticus*, Obs. Med. Libros III. latinitate vere Celsica confecit, quorum in primo pag. 31. Edit. *Amstel.* Proximum est Febris pestilentialis observationes proponere. Ubi autem ea nondum quidem est, verum ut ne incumbat, metuitur, talia contingunt. Ver atque æstas calida, humidaque austros sine ventis exhibent, cœlum frequenter eodem

„ etiam die mutatur, fitque modo  
 „ calidum id, modo frigidum, mo-  
 „ do nubilum, modo serenum: sæ-  
 „ pius tamen nubilum, pluvioque  
 „ proximum, at nihil pluens tamen.  
 „ Accedit multa insectorum anima-  
 „ lium copia, multusque quadrupe-  
 „ dum interitus. Infueti etiam ignes  
 „ per noctem in aere cernuntur, or-  
 „ tique subinde Cometæ calamitosam  
 „ hanc portendunt luem.

„ *Ubi raptus aliquis jam morbo est*  
 „ *hæc incidunt*: Bubones sine causa  
 „ manifesta, vel pone aures, vel sub  
 „ alis, vel frequentius in inguinibus;  
 „ aut certe Carbunculi variis Corporis  
 „ locis, purpureave Exanthemata,  
 „ subito exoriuntur. Inter hæc fe-  
 „bris invadit continua, atque acuta,  
 „ sub qua extimum corpus vix inca-  
 „ lescit, & sensu interdum frigoris  
 „ afficitur, interiora autem gravi in-  
 „ cen-



„ cendio uruntur , ipse homo cum  
 „ animo moesto , ac pleno malæ spei  
 „ lassus segnisque fit , & ineluctabili  
 „ dormiendi urgetur necessitate. Ejus  
 „ ferox vultus , & qualis temulentorum  
 „ esse solet , incertus , atque  
 „ turbidus est , spiritus male olet , ac  
 „ difficulter trahitur , dejicitur cibi  
 „ cupiditas , os amarescit , ingens  
 „ oritur fitis : fitque frequens & nau-  
 „ sea , & vomitus , quo optimi etiam  
 „ alimenti speratus fructus corrumpi-  
 „ tur : Pulsus exiguus , languidus ,  
 „ celer , frequens , & inæqualis est.  
 „ Alvus foetida , atque grave olens.  
 „ Urina alias sicut jumentorum tur-  
 „ bida , cruda , crassa , foetidaque  
 „ est , alias qualis in homine sano ,  
 „ sine vitii nota mejitur. Siquidem  
 „ ubi simplex hæc febris e sublimi  
 „ mundo mortalibus immissa est , ne-  
 „ que putridæ implicatur , fere ob-

„ scuris innititur signis, sic ut neque  
„ vehemens vel incendium, vel sitis,  
„ vel inappetentia afficiat, sed &  
„ urina incocta, omnibus absoluta  
„ numeris sit. *Etenim homo ad speciem*  
„ *non admodum æger, crebra animi de-*  
„ *fectione, vomituque labefactatur, ac*  
„ *tandem subita raptus syncope, inopinan-*  
„ *ter extinguitur.*

„ Porro omnis pestilens febris,  
„ ut per se semper tota perniciofa est,  
„ sic tum demum & celerem, &  
„ certam mortem affert, cum oppres-  
„ so intus corde, *nihil foris vel bubo-*  
„ *nis, vel carbunculi, summo corpore ef-*  
„ *florescit: aut si quid efflorescit, in-*  
„ *de tamen neque morbus, neque*  
„ *æger levatur. Quin etiam æque*  
„ *mortiferum est semel natum bubo-*  
„ *nem, vel carbunculum, rursus*  
„ *intro delatum, repente delituisse,*  
„ *itemque foetente spiritu, ac fri-*  
„ gen-

„ gentibus extremis, creberrimum  
 „ vomitum atque ipsam syncopen in-  
 „ cidisse.

„ Illud quoque novisse non inu-  
 „ tile est, satis incerta sub hoc mor-  
 „ bo salutis esse præfagia; adeo ut  
 „ propter bonas notas plenum spei,  
 „ atque promissi medicum, mors sæpe  
 „ inopinata dejiciat.

De industria *Lommii* textum & prolixum, & totum, transtuli; quod stylo simplici, brevi, elegantique, omnia ea, & singula referat, quæ eorum plerique, quos aut laudavi huc usque, aut postmodum laudaturus sum, Autores, longe cum protractione, tum confusiore sermone, traderunt. Porro hæc, quæ in prodromis pestis signis determinandis pene cuncti afferunt, sapiunt partim observationes & veridicas, & perpetuas tempestatum anni, & cœli, & tellu-



ris, alimentorumque naturæ; quas ab omnibus retro sæculis post *Hippocratem* quicumque de Peste commentati sunt, adnotarunt: partim vero redolent sæculi genium, in spectra, in terrifica, in Armentorum pestes, in Astrologiæ judiciariæ terrores, studiosum ita intentumque, ut non Medicorum duntaxat, verum etiam & Historiographorum insignium, & sapientium Theologorum, præclara ceterum opera illis scateant. Laudatus jam *H. Mercurialis*, in *Lect. de Peste*, Veram Pestem credit extare nunquam, nisi & plurimos inficiat, & infectorum potiozem demetat partem.

*Guillelmus Baillion*, dictus *Ballonius*, vir non minus Religione, atque morum integritate, quam eruditione, facundia, experientiaque insignis; vir, inquam, quem celeb. *Renatus Mo-*

reau in ejus vita laudavit, veluti priscam Hippocratis & Galeni doctrinam adversus Novatorum calumnias tuentem, non multa quidem de peste tradidit, attamen *Epid. & Ephemerid. Libr. II.* ad constit. anni 1575. ideam Pestis haud contemnendam suggessit nobis, occasione quæstionis cur in pestilenti morbo tam fædi sint vomitus, tam graveolentes dejectiones? Silicet & Pestem, & Luem veneream, corrumpere, inque putredinem corpora vertere, ea tamen ingenti discrimine, ut venereum malum id longiore mora efficiat; pestiferum, exiguo temporis articulo.

Ludovicus Septalius Mediolanensis, unus de octo Medicis, quibus in Peste, quæ annis 1575. & 1576. Mediolanum invaserat, rerum demandata cura fuit, *Libro V. de Febris* Pestem distinxit in eam, quæ ab ipso  
in-

inquinato aere , pestifero universæ Regioni reddito , originem habet , & in illam , quæ in saluberrima Coeli Aerisque conditione a mera contagione , quod cum non infectis infecti communicent , nasci solet. Huic fundamento præcipua superstruxit , quæ postmodum in cura Pestis ex hoc Autore excitabuntur.

*Joannes Fernelius* , natus *Ambianus* , Galliarum Archiater , Libr. II. de abditis rerum causis cap. XII. multa de Pestis disputavit causas , quas a plerisque assertas Autoribus , in dubium , audito *Fernelio* , forsitan vocabis. Morbi autem Definitionem non dat , verum longam adeo descriptionem , ut videatur nihil omisisse eorum , quæ cæteri Medicinæ Scriptores unquam in Peste observasse se testantur , utque signis tot conspicuis , de morbi præsen-



fentia nemo, ne plebejus quidem, ulatenus dubitet.

*Petrus Forestus, Alcmarianus, practicus* majore vitæ parte *Delphensis, Libro VI. Tom. I. ab Obs. X. ad XLII.* Eodem prorsus modo, iisdemque pene verbis, Pestem cum futuram descripsit, tum præsentem, quibus *Lommius*, quocum eodem tempore floruit. Hoc autem aut plus, aut distinctius, eo notavit *Forestus*, quod Pestilens febris & *comitata* detur cum Bubonibus, Anthracibus, Exanthematibus, & *incomitata*, carens externis hisce signis, & febris malignæ signa præ se ferens: *comitatæ* porro pestilentis febris signa clara evidentiaque esse animadvertit; „ at febris pestilens incomitata, inquit, neque ita sui veni characterem, aut malignitatis „ ostendens, *difficillime cognoscitur, non solum*

„ *solum a Vulgaribus , verum hæc ipsa*  
 „ *peritos aliquando Medicos latet.*

*Felix Platerus*, Archiater, ac Professor *Basiliensis*, in saluberrima tempestate, citra ulla, quæ pestis prodroma habentur, signa observata Mortalibus, coortas vidit Pestilentias; signis vero ipsis confertim existentibus, aliquando nullam: quæ cum adnotasset *Fernelius* quoque, hæc eadem cum illo, veluti prodroma Pestis, ejusque remotiores causas, exhibilavit. Cæterum definitionem non dedit Pestis, sed more aliorum divisionem in Pestem sine eruptione externa, & cum illa; in Pestem febre sociatam, eave carentem. Venæ sectionis in Peste fuit hostis. Notabile quod hisce subjunxit:  
 „ Quæ omnia diligenti, inquit, &  
 „ longa observatione perscrutatus,  
 „ qui jam *sexies* pestilentiae apud nos  
 „ regnanti, interfui, & ad singulo-  
 „ rum

„ rum finem usque perseveravi , pe-  
 „ steque correptis fideliter adstiti ,  
 „ manumque adhibui , in medium,  
 „ sicut hæc vidi & cognovi , profer-  
 „ re , Veritati potius quam ulli addi-  
 „ ctus magistro , non dubitavi „ Li-  
 cet obierit ferme octuagenarius , pra-  
 ximque prope sexagenariam coluerit ,  
 frequentiam tamen Pestis sæculo XVI.  
 demonstrat sextus ejusdem eo tempo-  
 ris spatio reditus.

*Prosper Alpinus*, ortu *Marosticensis*,  
 in *Gymnasio Patavino* Prof. ordin. pe-  
 stilentiam in *Ægypto*, quam hujus mi-  
 ferandi morbi *Scatebram* plures ha-  
 bent, longiore mora edoctus, sic de  
 illa *Med. Ægypt. Edit. Venet. 1591. pag.*  
*29.* „ Neminem nostrum arbitror,  
 „ qui ignoret Pestem, sive Pestilen-  
 „ tiam, esse corporum ingentem, ac  
 „ summam putredinem, perniciosissi-  
 „ mi veneni qualitate præditam, quæ  
 „ sæ-



„ fæviffimam ftragem in loca ab ipfa  
 „ infecta inducit.

*Raimundus Mindererus*, Reip. *Augu-  
 stanæ* Phyficus, videtur id omne di-  
 ligenter legiffe, quod ab ipfa Medi-  
 cinæ origine, in ejus usque tempo-  
 ra, fcilicet in sæculi XVII. princi-  
 pium, de Peste traditum est. Defi-  
 nitiones cum Veterum tum Recen-  
 tiorum, imperfectas effe censens,  
 unius vero *Julii Palmarii* ceteris existi-  
 mans perfectiorem, fuam dedit: „  
 „ Pestis (inquiendo) est lues venena-  
 „ ta, fummeque letalis, & conta-  
 „ giofa, cor primario afficiens, Febre,  
 „ Bubone, Anthrace, aut Exanthe-  
 „ matis, ut plurimum comitata. „  
 In definitione non effe addendum  
 quod plurimos afficiat occidatque opi-  
 natur, cum ignis v. g. natura æque  
 intelligatur, multane an pauca eo  
 conflagent.

*La-*

*Lazarus Riverius* Professor *Montpelienſis* in ſuo egregio opere *Praxeos Med. Libr. XVII.* multa de peſte habet, inter quæ egregia non pauca. Febris cum malignæ, tum peſtilentis, eandem definitionem habet, ita ut utraque prævis ſymptomatibus ſtipata, viriumque collapſu, humorum corruptionem ſubeat: interſtingui autem alteram ab altera ſic, ut 1<sup>mo</sup> in maligna periculum ſit minus eo, quod in peſtilenti: 2<sup>do</sup> ut humorum utriusque corruptioni putredo ſuperveniens, eam reddat peſilentem; non ſuperveniente putredine, etiam maligna in peſilentem non mutetur. 3<sup>tio</sup> ut potior ægrorum pars in febre maligna vitam conſervet; in peſtilenti amittat.

*Daniel Sennertus* *Wratſlavienſis*,  
Profeſſor *Wittenbergenſis*, Germaniæ  
*Galenus* quondam dictus, Op. omn.  
Pars XIV. S Tom.

Tom. V. Libr. IV. De Peste, Pestilenti-  
 busque, ac Malignis febribus, Tria hæc  
 distinguens, quia statuit de pestis  
 natura non esse, ut febrim sociam  
 habeat; sic proprie Pestem, seu Pesti-  
 lentiam, definit: „ Morbus cordis ve-  
 „ nenosus, a materie venenata, cor-  
 „ dique tota substantia peculiariter  
 „ adversa, contagiosaque, genitus,  
 „ & proinde ipse contagiosus, om-  
 „ nesque cordis actiones subito &  
 „ ἀδρόος lædens, maxime acutus, le-  
 „ talis, omnisque generis pernicio-  
 „ symptomata inducens. Ita Cap. I.  
 At Cap. VII. Febrem malignam ap-  
 pellat eam, quæ dictis malignitatis  
 indiciis conjuncta, neque multos pe-  
 rimat, neque contagione afficiat quem-  
 quam; Febrem pestilentem illam esse  
 retur, a qua & plures moriantur, &  
 multi convalescant, & non admodum  
 gravis contagii sit; tandem „ si plu-  
 „ ri-



„ rimi, qui ægrotare incipiunt, mori-  
„ riantur, ac obvii quique inficiantur,  
„ imo contagium in loca etiam  
„ remota disseminetur, Pestis est.

*Joannes Castellus*, Augustanus Medicus, circa idem tempus edidit de Peste tractatum, in quo primum statuens non omnem Pestem aëris vitio nasci, idque exemplo pestis *Augustanæ* anni proxime elapsi 1607. suam denique definitionem sic scribit: „  
„ Pestis est Epidemia, ex prava halitus qualitate orta, diversimode  
„ afficiens, & plurimos perimere  
„ apta.

*Paulus Barbette*, Medicus *Amstelodamus* celeberrimus, pluribus operibus clarus, conscripsit de Peste ex longa multaque experientia libellum, editum *Lugd. Batav.* 1672. „ Pestis, ait,  
„ Morbus est incomprehensibilis,  
„ cujus causa vapor videtur spirituo-

„ fus, atque contagiosus, sanguinis  
 „ consistentiam subito solvere valens,  
 „ quo sic & viribus & vita cor pri-  
 „ vetur . . . quædam sine febre est.  
 „ Non paucis adfui, quibus, alias  
 „ fanis, bene & comedentibus, &  
 „ dormientibus, Bubones in inguine  
 „ erant, in collo, sub axillis, & post  
 „ aures, malignitatem suam in cura-  
 „ tione certius manifestantes, bubo-  
 „ nibus illis, qui, aliis in Subjectis,  
 „ febrem intensissimam comitem ha-  
 „ bebant - - - Quædam Pests cum  
 „ febre est; & rursus, Febris quæ-  
 „ dam Pestilens sine Peste.

„ Joannes Jacobus Waldschmidt,  
 „ Archiater Hassiacus, Marpurgensis Aca-  
 „ demię Prof. primarius, Tom. II. pag.  
 „ 92. in *Scrutinio Pests*: „ Pests est Mor-  
 „ bus epidemicus, contagiosus, con-  
 „ sistens in summa sanguinis turba-  
 „ tione, per materiem aliquam sub-

„ ti-

„ tilem, malignam, inducta, cum  
„ apparentia exanthematum, anthra-  
„ cum, bubonum, aliorumque symp-  
„ tomatum horrendo apparatu.

Paulus Sorbait, Belga, Archiater  
*Viennensis*, dignusque meus in hac ca-  
thedra Antecessor, in *Op. theoretico-*  
*pract.* 1672. *Viennæ editis pag. 534.* „

„ Signa quæ Pestem indicant præ-  
„ sentem, sunt, quod sit febris con-  
„ tinua sine typo, vel humoralis, vel  
„ hectica, vel ephemera, spontanea  
„ lassitudo, & virium repentina pro-  
„ stratio, capitis dolor, vigiliæ, de-  
„ lirium, carus, syncope, pulsus  
„ obscuritas, cardialgia, vomitus,  
„ diarrhoea a summa humorum ma-  
„ lignitate proveniens, fitis, urinæ  
„ variæ, maculæ purpureæ, bubo-  
„ nes & anthraces, glandulæ retro  
„ aures, sub axillis. Notandum hic  
„ non ex urina tantum, sed ex fig-



„ norum plurium syndrome esse ju-  
 „ dicandum. Si nempe plures eodem  
 „ tempore moriantur, & prædicta acce-  
 „ dunt signa, de Pestis præsentia con-  
 „ jecturandum est.

*Balthasar Timæus a Guldenklee*, Ar-  
 chiater Brandenburgicus, in *Libr. IV. Epist. & consil. pag. 323.* „ Pestis per-  
 „ acutus, periculosus, ac celer mor-  
 „ bus, Cor pervalide afficiens, spi-  
 „ ritus vitales turbans, totiusque cor-  
 „ poris vires admodum debilitans,  
 „ subitoque projiciens - - - si autem  
 „ Bubonum, Carbunculorumve nihil  
 „ foras prodit, non est quod de Pe-  
 „ ste quis multum sollicitus sit.

*Laurentius Bellini* origine *Florentinus*,  
 celeberrimus *Pisæ* Med. Professor,  
 Libro præstantissimo de *Urin. Puls. V. S. Febr. &c. pag. 264. & seqq.* „ Febris  
 „ pestilens dici solet, cum nempe fe-  
 „ bris maligna privata sit popularis,  
 „ eo-

„ eorum , quos invadit , plerosque  
 „ necans , & contagiosa. Differunt  
 „ Pestis & Febris pestilens ; neque  
 „ enim semper pestis cum febre , sed  
 „ dantur pestes sine febre , ut apud  
 „ rei medicæ Scriptores. Cum autem  
 „ pestis est cum febre , antecedunt ,  
 „ conjunguntur , & succedunt pesti  
 „ eadem , ac febrī , ut patet. Diffe-  
 „ ret autem pestis a febre pestilente ,  
 „ ut genus a specie ; cum enim pe-  
 „ stis in genere sit morbus commu-  
 „ nis , seu popularis , plerosque ne-  
 „ cans , & contagiosus ; quoties fe-  
 „ bris popularis est , plerosque ne-  
 „ cans , & contagiosa , pestilens di-  
 „ citur - - - Exanthemata , Bubones ,  
 „ Carbunculi , seorsim spectata , non  
 „ erunt argumenta pestis , nisi cum  
 „ aderunt antecedentia , & conjun-  
 „ cta reliqua cum Peste : neque enim  
 „ omnis Carbunculus &c. est pesti-

„ lens , sed solum qui conjungitur ,  
 „ ac pendet a causis pestis.

*Christianus Joannes Langius* ( *trium Langiorum* , qui artem scriptis orna-  
 runt , junior ) in *Tomo II. Parte II. Cap. XIV. §. II.* Pestem a febre ma-  
 ligna nulla re discrepare censet , nisi  
 „ syndrome symptomatum , quasi  
 „ cunctorum , & quidem in exquisi-  
 „ tissimo gradu , cum eruptionibus  
 „ singularissimis , quas Bubones , Car-  
 „ bunculos , & Vibices , appellant.

„ Signa diagnostica Pestis unice  
 „ ex his eruptionibus desumi debent.  
 „ Potest tamen Medicus , populari-  
 „ ter grassante hoc malo , ex aliis  
 „ malignitatis symptomatibus suspi-  
 „ cionem haurire de imminente Peste:  
 „ circumspectione summa tamen id  
 „ fiat necesse est , ne alio morbo ,  
 „ per symptomata cum Peste quo-  
 „ dammodo conveniente laboran-  
 „ tes,



tes, ad Nosocomia statim, & ad  
confortia aliorum infectorum, re-  
leget.

*Bartholomæus Castellus*, Messanen-  
sis, qui ante bina abhinc sæcula flo-  
ruit, in suo *Lexico Medico græco-  
latino ex Hipp. Gal. Avicenna*, præ-  
cipuisque Medicis, nobis hanc dedit  
Pestis definitionem: „ Pestilentia, fe-  
bris pestilens, morbus pestilens,  
λοιμός, est morbus non quidem pa-  
trius, sed Epidemius, contagiosus,  
perniciosissimus, communis, e com-  
muni causa natus, adventitius, præ-  
sentissimi periculi, quippe qui ma-  
ligna & venenata putredine hu-  
mores, vitales spiritus, & subsisten-  
tiam cordis labefactat. Hoc *Castelli*  
*Lexicon* auxit *Emanuel Stupanus* Basile-  
ensis Medicus, anno 1628. Repurga-  
vit, tertiaque parte auxit *Adrianus*  
*Ravenstein* Roterodami 1644. iterum-

que 1657. Tandem Jac. Pancratius Bruno idem lexicon auctum pluries correctumque, postquam nova editione ornasset, denuo locupletiolem ejus, emendatiolemque editionem *Lipsiæ* edidit anno 1713. Porro ex cunctis hisce hanc demum confecit Pestis definitionem: „ Λοιμὸς pestem, pestilentiam significat, morbum epidemicum, malignissimum, & omnium perniciosissimum, cujus descriptionem generalem vix dare licet, propter summam varietatem symptomatum, & latentem causarum indolem, & dispositionem. Quatenus a febre pestilente distinguitur, ita & memoriæ & doctrinæ gratia describi poterit. Pestis est intemperies universalis, toto genere maligna, contagiosissima, epidemica, cum omnis generis gravissimorum symptomatum congerie, „ præ-

„ præsentissimoque vitæ discrimine;  
 „ proveniens a massæ sanguineæ, &  
 „ liquoris animalis, per contagiosum  
 „ quoddam & deleterium miasma,  
 „ subita corruptione, congelatione,  
 „ coagulatione, fixatione, putrefac-  
 „ tione, & interdum totali mortifi-  
 „ catione.

*Thomas Willis*, Professor Med.  
*Oxonienſis*, postea celebratissimus Me-  
 dicus *Londinenſis*, qui circa medium  
 XVII. sæculum potissimum floruit;  
 opera enim ejus omnia jam *Genevæ*  
 edebantur anno 1646. dedit hanc no-  
 bis definitionem *Tomo I, cap. XIII. de*  
*Febr.* „ Pēstis in hunc modum descri-  
 „ bi potest, quod sit morbus epide-  
 „ mius, contagiosus, humano gene-  
 „ ri summe infestus, ex miasmate  
 „ venenato, ab aëre primum suscep-  
 „ to, dein per contagium propaga-  
 „ to, ortum ducens: qui occulte &  
 „ la-



„ latenter homines aggressus , spiri-  
„ tuum extinctiones , cruoris coagu-  
„ lationes , ipsius & partium solida-  
„ rum syderationes & νεκρώσεις infert,  
„ cumque apparentia Exanthematum,  
„ Bubonum, aut Anthracum, nec non  
„ aliorum symptomatum horrendo  
„ apparatu, ægros in vitæ periculum  
„ adducit. „ Pestem dividit deinde in  
*universaliorem*, & *circumscriptiorem*; ra-  
tione locorum ; deinde in *simplicem*,  
quæ fere citra febrim, citraque vehe-  
mentia symptomata , hominem ve-  
luti ex insidiis necat , & in *composi-*  
*tam* , quæ cum symptomatum ali-  
orum morborum iliade fociata inva-  
dit; tandem in maligniorem & be-  
nigniore ; „ est enim pestis quibus-  
„ dam locis , & temporibus , *longe*  
„ *mitior* , ut decumbentium plurimi  
„ evadant, quandoque *summe exitialis*  
„ est, ut plurimi correpti intereant,  
„ &

„ & ex centum ægris vix unus con-  
„ valescat.

*Vopiscus Fortunatus Plempius*, ex patricia apud Amstelodamenses familia, Professor *Lovaniensis*, bona parte mediæ sæculi elapsi florens, in *Med. Fund. Lib. VI.* „ Pestis est morbus contagiosus, inquit, ac malignus, natura sua epidemice in animalia grassans, „ & plurima morti dans: comitatus „ plerumque febre pessima, bubone, „ vel carbunculo, papulisve, & aliis „ perniciosis symptomatibus.

*Ysebrandus Diemerbroeck*, Medicus *Neomagiensis*, qui in Peste annorum 1635. & 1636, deinde in ea anni 1667. numerosos pestiferos invisit, eademque affectus ipse fuit, Libro *de Peste* sic habet: „ Est pestis morbus communissimus, peracutissimus, perniciosissimus, & maxime contagiosus, „ & maligno & occulto spiritibus, „ calo-

„ calorique nativo, tota substantia  
 „ infestissimo inquinamento ortus;  
 „ a quo omnium viscerum, & in-  
 „ primis cordis, functiones lædun-  
 „ tur.

*Thomas Sydenham Med. Londinensis*,  
 quem nominasse, laudasse est, de-  
 scripsit nobis Pestem *Londinensem* an-  
 norum 1665. & 1666, quam incho-  
 antem fugit; *Nathanaële Hodges*, de  
 quo mox, cum alio Medico, fideli-  
 ter assistente pestiferis; promotam  
 vero, ac mitescientem vidit, tracta-  
 vit, cum, deficientibus Medicis, ur-  
 bem repetivisset. Pestem igitur sic de-  
 scripsit: „ Primus insultus rigorem  
 „ ac horrorem, quemadmodum fe-  
 „ brium intermittentium accessiones,  
 „ fere perpetuum habet comitem.  
 „ Mox vomitus enormes, dolor cir-  
 „ ca cordis regionem, ac si torcula-  
 „ ri premerentur, febris ardens,  
 „ usitata



„ usitata symptomatum syndrome  
„ stipata, indefinenter ægros dive-  
„ xans, donec aut mors ipsa, aut be-  
„ nigna Bubonis vel Parotidis eru-  
„ ptio, quæ materiem morbificam  
„ foras ablegat, eos a luctuosissimo  
„ discrimine liberet. Rarius quidem  
„ accidit, ut ultra ullam febris præ-  
„ sentionem ingruat, ac homines  
„ de improvviso e medio tollat, ma-  
„ culis purpureis, præsentanei inte-  
„ ritus nunciis, etiam dum in foro  
„ versantur, erumpentibus.

*Nathanaël Hodges*, ejusdem *Pestis Londinensis* testis oculatus, ac fidelis, in ejusdem descriptione, pag. 39.  
„ Pestis est morbus, ab Aura vene-  
„ nata, subtilissima, maxime exitio-  
„ sa, simul ac contagiosa, complu-  
„ res eodem tempore diversarum Re-  
„ gionum corripuens; a peculiari po-  
„ tissimum spiritus nitro-aërei alte-  
„ ratio-

, ratione , veluti corruptiva ortus ,  
 ,, cum febre, ut plurimum, & alio-  
 ,, rum symptomatum perquam gra-  
 ,, vissimorum, satellitio stipatus.

*Joannes Bernardus Sthaar* , *Cracoviensis* Medicus, pestilentem febrim descripsit , quæ in *Cracoviam*, anno 1707. *Leopolo* ab errantibus *Hebræis* illata, hominum circiter 18000. peremit. In hac febre symptomatum funestorum omnium, quæ malignis in morbis quibuscunque, in quocumque functionum genere, observari solent, syndrome apparuit. Bubones aderant, anthraces autem nulli; & petechiæ multis, non omnibus, nigræ. Contagium velox. Extat *Stheari* Epistola tantum in *Actis Lipsiens.* anni 1710.

*Richardus Morton* *Londinensis* Medicus celeberrimus, in *Append. ad Tract. de Febr. cont. de Peste* notatvi  
 quid

quid peculiare, cujus postmodum  
 usus nobis magnus erit in curatione  
 pertractanda, quodque tunc ex illo  
 Autore præclaro integrum referam,  
 scilicet Febrim Pestilentialem ludere  
 quandoque febris συνεχέος, seu conti-  
 nuæ remittentis personam; hanc in  
 illam mutari, ac vice versa, & ἐπιδη-  
 μικοτάτον reddi sua vice utramque, al-  
 teramque alteri cedentem.

*Onuphrius Bonfiglius*, Medicus quon-  
 dam apud Polonos celeberrimus dis-  
 sertatione *Cracoviæ* edita anno 1720.  
*de Plica Polonica, de Peste, &c.* pestem  
 quam viderat definit esse „ *Morbum*  
 „ *endemicum*, vehementissime acutum,  
 „ *malignissimum*, & *contagiosum*,  
 „ *præcipitanter* ex uno populo plu-  
 „ *rimos* afficientem, quorum ple-  
 „ *rosque* interficit, & sæpius intra  
 „ *quatriduum*.



In Peste *Massiliensi* definitiones dabantur, unde pestis esse negabatur morbus ille, qui, ut capite proxime præcedente patuit, horrida Pestis fuit.

Autor anonymus *del saggio anastro-*  
*nemico* descripsit Pestem *Algerinam*,  
 quam ipse anno 1752. & 1753. *Alge-*  
*riæ* vidit, interque plura notabilia  
 hæc habet. „ Pestis ex occidentali-  
 „ bus Regni *Algerini* provinciis, in  
 „ quibus a plurimis mensibus vehe-  
 „ menter debacchata fuerat, tandem  
 „ a nonnullis Itineratoribus, quibus  
 „ liber introitus pro more patebat,  
 „ *Algeriam* inuenta, manifestabat se in  
 „ hac urbe, Junii principio, anni  
 „ 1752. Abscondebat autem hæc Pe-  
 „ stis se, *ut assolet*, per aliquod tempus  
 „ titulo cæterorum communium Mor-  
 „ borum, donec occultus hic ignis a  
 „ ventis humidis, suffocantibus scili-

„ cet

„ cet Auftris , qui ejusdem menſis  
 „ initio flabant, fatus, tandem gene-  
 „ rale per urbem excitavit incendium.

Exp. Medicus *Adam Chenot*, qui  
 Peſti in *Dacia Transylvanica* quibus-  
 dam in locis ab initio Octobris 1755.  
 ad finem Januarii 1757. ſedecim igitur  
 prope menſibus, non mediocriter  
 graſſanti interfuit, dedit, ut an-  
 tea monui, *de Peſte tractatum*, nitide,  
 eruditeque conſcriptum, magnique  
 ob id faciendum, quod longo rerum  
 uſu, quod exprimentis cum propriis,  
 tum aliorum; quod etiam non in aliis  
 duntaxat, ſed in ſe ipſo, & initium  
 peſtis, & progreſſum, & ſævitiem,  
 ejusque exitum in ſanitatem, probe  
 expertus, animum demum admovit  
 ad ſcribendum.

Porro Peſtis latam ille deſcriptio-  
 nem dare maluit, quam definitionem,  
 annumerareque in eadem quæcumque

symptomata in hac Pestilentia, cum eadem omnibus, tum alia aliis, & ordine vario, & variis incertisque temporibus, & diversa tam celeritate, quam vehementia, hominem adorirentur.

Secundum hanc Descriptionem, si quem morbus occupet, qui a miasmate aliunde petatur, qui cæteros acutos morbos ea superet vincatque acutie, ut jam inde a principio ea se jungant symptomata, quæ in aliis gravioribus acutis non, nisi seriora appareant, hominesque ea violentia adorianur, ut morientium pars bona quartum diem vix superet, multaque eorundem pars diem septimum vix attingat: Si *secundo* morientes, ibi potissimum, ubi manus medicatrix bona deest, numero aut superent reconvalescentes, aut æquent; aut saltem multo inferiores non sint eo reconvalescentium: si *tertio* non nisi ab

Infe-



Infecti cujusque confortio, rerumve inquinatarum ( fomitem appellant ) attrectatione, usuve, natus fuerit morbus: si *quarto* compertum sit luem in vicinitate grassari: si *quinto* æger idem, qui aut cum suspectis conversatus sit, aut res suspectas sibi applicuerit, horrorem nunc experiatur, subitam virium demissionem, stuporemque capitis, & anxietatem, & animi dejectionem spontaneam, dum interea eidem Pulsus, Calor, Respiratio, Urina, ab initio vix mutantur; ubi Petechiis latis, discretis, vel ante, vel post mortem conspicuis, intra 1. 2. 3. &c. diem obierit „ tanta, ait Autor, se jam prodit in uno „ hoc casu Morbi causas vulgares excedentis verisimilitudo, ut Medicus, si non omnino pestem, saltem morbum suspectissimum, renunciare Magistratui, Magistratus

„ vero subditorum saluti prospicere,  
 „ nihilque non ordinare teneatur,  
 „ quod extinguendo imminenti in-  
 „ cendio conducatur.

„ Si *Sexto* æger sub ipsa jam in-  
 „ vasionem, aut post eandem, sub in-  
 „ guinum commissuris, pone aures  
 „ (aut axillas) quæstus fuerit; si du-  
 „ rities ibidem aut tumor sese ex-  
 „ ruerit, firmior omnino evadit Dia-  
 „ gnosis. Vix enim credo notum esse  
 „ morbum, qui symptomata iis, quæ  
 „ attuli, similia, cum tali dolore,  
 „ duritie, tumore, ex loco, & adeo  
 „ cito, conjungit, qui non sit ipsa  
 „ Pestis.

„ Si *Septimo* & ipse morbus in  
 „ quibusdam ægris mitior, tumores  
 „ illos protrudit, auget, & sub re-  
 „ convalescentia in abscessum ducit,  
 „ subinde & dissipat, tanto minor  
 „ jam superest de vera peste dubita-  
 „ tio,

„ tio ; quum & una aliorum & præ-  
 „ ceps mors intercedat, enarratique  
 „ supra typi sese in ægris magis ma-  
 „ gisque declarant, & prodant.

Si tandem Octavo *vel in uno ægro*  
 „ reliquis indiciis accesserit insignitus  
 „ suis Phænomenis Carbunculus, per-  
 „ tinacior sit oportet, qui pestem esse  
 „ negaverit.

F. X. Bensa, in tractatu suo de  
 Peste *Viennensi* anni 1712. 1713. 1714.  
 nostram attentionem meretur; tum  
 quod non modo totis hisce annis  
*Viennæ*, & *Posoniæ*, sed etiam in va-  
 riis *Hungariæ* locis, jam ab anno 1708  
 pestem & vidisset, & tractasset; tum  
 quod ipse & peste affectus fuerit, &  
 Medicos decem, curam cum illo Pesti-  
 ferorum gerentes, mori viderit. Hic  
 autor *Cap. IV. de Diagnosi*: „ Quem-  
 „ admodum *Diagnosis* hujus mali,  
 „ inquit, dum in progressu foris per  
 T 4 „ tumo-



„ tumores ac maculas manifestatur,  
„ difficilis non est, ita dum veluti fa-  
„ villa sub doloſo cinere glifcit, pro-  
„ pter ſignorum æquivocationem non  
„ ita prompte cognofcitur; eaque de  
„ cauſa plurimis neglecto, vel inſu-  
„ per habito morbi principio, ſero  
„ medicina paratur.

*Conſilii ſanitatis Vienneniſis* amaras,  
audivimus, præcedenti Capite quæ-  
relas, de litibus inter ſeſe Medico-  
rum; quibus efficitur, ut cohibenda  
forſan principio Peſtilentia, jam lon-  
ge lateque divagetur. Sed repara-  
runtne graves illi, ſapientesque viri,  
hujus cauſam infortunii? Descriptio-  
nem Peſtis dedere, exemplo aliorum,  
ut quando tot diebus ingruerit, tan-  
ta ordine ſymptomata excitaverit,  
tantumque depopulata ſit hominum  
numerum, ne ſimpliciſſimus quidem  
mortalium de ejusdem dubitare præ-  
ſentia

sentia possit : adduntque demum  
 „ tandem contagiosum hoc malum  
 „ larvam principio aut Catarrhi ge-  
 „ rere, aut Anginæ, aut Peripneumo-  
 „ niæ, aut Pleuritidis, Diarrhœæ,  
 „ Febrisve ardentis , donec tandem  
 „ Bubonibus, Anthracibus , Pete-  
 „ chiisve, malignitatis præbeat indi-  
 „ cia suæ.

Confirmarunt sic & *Bensa*, & *Conf. San. Viennense* id, quod *Cl. Sorbait* conquestus pag. 20. *Conf. Med.* fuerat, de Peste anni 1679. quæ primum personata, abjecta tandem larva sic sæviit in *Viennenses*, ut illorum plus quam 76000., tertiam forte Civium partem, interemerit.

Sufficiet, ni fallor, hæc operosa Autorum Collectio, ut quid ratione motæ quæstionis oporteat concludere, caput sequens perspicue doceat.

SEC-

## SECTIONIS II.

### CAPUT QUARTUM.

DE IIS, QUA EX CAP. II. ET III.  
CONCLUDI OPORTEAT.

---

§. I. *Respondetur tandem ad prioris capitis quæstionem, quæsitam Definitionem Pestis hucusque desiderari; eoquod omnes notæ hucusque definitiones, commemorando ea signa omnia, quibus præsentibus nemo unquam de Pestis præsentia dubitare possit, minime nobis ejusdem incipientis tantummodo, notabilioribusque signis adhuc carentis, ideam comparant. Quare incipientibus Pestibus Medici & perplexi sæpe animo sint, & responsa perplexa Magistratui reddant? §. II. Canones numero XI. quorum observatio certiores illos, in respondendoque veriores, redderet. Pestis*  
con-



*contrahi potest, licet in vicinis Regionibus ignoretur. Casus Pests falso denuntiati rarissimi sunt; negati autem veræ Pests, tum frequentes, tum calamitosi. Quid hinc discendum sit? Animadversiones in Nosocomia publica, barbære Lazaretta. Medium quoddam quærendum est inter Thracum negligentiorẽ curam, nostramque sollicitiorẽ.*

§. I. **T**ædere me cepit productioris hujus Autorum, Sententiarumque, catenæ; neve Lectores meos dudum tæduerit vereor: sed erat semel hic exantlandus labor, uti ii, qui e Scholamea ad Pestem sive averruncandam, sive curandam, quondam admovendi sunt, Librorumque, quos consulant, nullam gerere secum suppellectilem possunt, unico oculi intuitu Bibliothecam Medicam inspicere, quidque aut supremæ Potestati referant de natura morbi,

bi, aut cum ægrotantibus agant, intelligere possint.

Intelligent quippe 1<sup>mo</sup> Pestis auguria illa, quæ vani Astrologi, quæ muliebris gens garrula, quæ molesta Atrabiliorum turba, de Cometis, certoque adspectu Planetarum, de Lusu puerorum ferali, de Spectris, de Avibus, de variarum Bestiarum peste, de inclementia cæli, de annonæ caritate, deque horum consimilibus, somniaverint, falsa partim, partim ridicula esse: eo quod ex adductis testimoniis constiterit, & cunctis hisce præsentibus, peste immunes mansisse mortales; & absentibus iisdem, peste occubuisse.

2<sup>do</sup> Pestis extare nullam ejusmodi definitionem hucusque, quæ datum Morbum pestilentem aut esse, aut non esse, determinet; quamdiu idem neque tumores & exanthemata generet,

ret, neque a reliquis morbis non pestilentibus, verum unice malignis, signo quodam pathognomico discriminetur.

3<sup>to</sup> Medicorum haud paucos notasse non semper Bubonum, Anthracum, Petechiarum apparitione, ipsam Pestem denotari; siquidem eadem & cum febre, & sine febre, ab aliis causis gigni, inque externam corporis superficiem erumpere possint. Addam ad hæc, ex meis propriis observatis, in Nosocomio nostro contigisse, ut famulus Nosocomii, omni certe Veneris suspicione vacuus, Febre continua, Dysenteria, pluribusque Inguinum laboraret Bubonibus; cui tamen omnem Pestis defuisse suspicionem tam comitantia signa, quam subsequuta, manifesto evicerunt.

4<sup>to</sup> Veras Pestis cum definitiones tum descriptiones, quæ dubitationem omnem,



omnem, omnem sustulerint ambiguitatem, eas passim continere apparitiones, quæ in ejusdem principio ab ea ut plurimum absint; quæque dum adsint, Pestem & manifestam, & longe lateque vagantem, ostendunt.

5<sup>to</sup> Neque Viros illustres in Arte, qui ob nominis celebritatem præprimis consulti, morbum, qui occipisset grassari, pestem esse in Populorum negassent perniciem, quique postmodum errorem fassi, ore, scriptoque, essent, definitionem cæteris certiore, explanatioremque, suppeditasse nobis; id quod, si res possibilis esset, ab ipsorum noto in aliis candore expectandum fuisset.

6<sup>to</sup> Casum oppido rarum non esse, in quo Malignas febres pro Peste, hancque pro illis, tamdiu habere Medici possint. quamdiu signa, quibus postmo-

postmodum a sese internoscant utrasque, sublitescant.

7<sup>mo</sup> Medicos Pestilentiae, quæ modo inceperit, signis autem pathognomicis adhuc careat, multa debere anxietate premi; cum in dubiis rebus, non monentes Magistratum, in causa ruinæ regnorum hominumque esse possint, si vera tandem Pestis sit: sin vero monuerint, nec Pestis fuerit, Principum Magistratuumque pondus iræ indignationisque omne in se congerant; eo quod & cunctorum mortalium animos panico terrore permoverint, & commercium, necessarium Commeatum, Reditusque regios, omnino suspenderint.

8<sup>vo</sup> Varias omnino cum Medicorum, tum Magistratuum rationes esse, cur morbum, qui apparere inceperit, cujusque natura in dubium contagii possit vocari, communem malint,

lint, quam pestilentem, appellare. Medicos scilicet metuere, ancipiti, ut putent, in casu, eum declarare pestilentem, quod in re dubia, ne ipsi quidem inter sese consentiant; alii in affirmantem, in negantem alii, sententiam proni. Ea de causa, qui affirmaverint, æque Plebis, quam Procerum, sibi odium conciliant, periculumque incurrunt, quod & *Septalio* contigisse vidimus, & aliis in *Peste Massiliensi*, ne violentas experiantur Plebis desperabundæ manus, neve indignationem incurrant optimatum.

9<sup>no</sup> Neque sæpe multos Medicos deesse, qui sive ipsi, sive eorum Confanguinei, Necessarii, Patroni, ab interdicto commercio damnum incurrerent: unde donec spes lucris ipsis intuito sit, silentium altum tenent.



10<sup>mo</sup> Magistratuum plerorumque damnandam consuetudinem esse, ut, dissentientibus inter se mutuo Medicis, in negantium facilius abeant, quam in affirmantium sententiam; & quod pejus, in paucorum negantia vota potius, quam in ea multorum affirmantium; quodque demum pessimum, ut obturato Medicis ore, unius alteriusve Chirurghi effatum sequantur; ut apud *Fornès*, aliosque, videre est.

§. II. Ex his omnibus, quæ sole clariora Historia Pestis demonstrantur, boni Medici in nascente Peste ancipites hærent de agendis. Ex cunctis tamen, quæ eadem Historia perhibet, Regulæ nonnullæ, Canonessve, videntur formari posse, quas tuto illi sequi non possint modo, sed debeant.

*Canon primus.* Si Magnatum, Plebisque furorem metuant, monendo Pestem aut certam adesse, aut verisimilem; multo graviolem metuendum illum esse, si, ipsis tacentibus, Pestis post hæc & nota sit, & longe lateque debacchetur.

*Canon alter.* Cum monentes, conscientiae dictamen sequuti essent, tacentesque suffocassent, consequitur ut priore casu publicum odium immeriti, atque ut probi Viri, qui DEUM, conscientiamque, omnibus mundi bonis commodisque intrepidi prætulert, incurrerent: sin vero vel ex metu humano, vel ex lucri sive proprii, sive Amicorum, amore, ac studio, tacuerint, ingruatque interea Pestililas, odium cunctorum sibi contrahent, metuendam Vindictam divinam habebunt, nec quo vertant sese, quove solamen capiant, alleventur-

turque in ærurnis suis, ullibi reperient, adversum Coelum sibi, Terramque experti.

*Canon tertius.* Si æqua lance ponderemus Reipublicæ damnum, ab intercepto commercio natum, Peste forte non existente, quæ credita talis fuerat, cum eo damno, quod Respublica ab eadem non averrunctata, sed jam vagante, patitur, nulla profecto datur comparatio. Priore in casu commercii interceptio paucorum modo dierum est, moxque refloret; in posteriore annum & ultra ociatur. Nemo mortalium in priore perit; interit in posteriore incolarum sæpe potior pars. In priore commercio interdicto, Agricultura tamen, ceteraque negotia pergunt; in altero præ incolarum raritate manet inculta tellus, ita ut nullum reditum habeat a cessatis Respublica arvis, & λοιπὸν λιμὸς



sequatur. In priore iterum casu exiguo modo tempore telonii Jure Princeps frustratur, tam advectarum, quam emissarum mercium; in altero per annum forsitan, annosve. Iterumque priore in statu sua cuique manent, Regi, populoque; in posteriore egestas crebro tanta, ut complurium annorum ferie vacuum & inane ærarium publicum maneat. Tandem in primo cives fere nihil ab interdicto exigui temporis patiuntur, rerum abundantia fruentes; in secundo vel deest commeatus, vel desunt qui nobis inde necessaria parent, constititque toties plus Incolarum interire inedia, quam peste.

*Quartus Canon.* Tempestivo morbi relatu dum Medicus rem curat publicam, una privatam curat; suæ quippe propriæ salutis, & familiæ, & consanguineorum: sic ut opportunæ

re-

relationis defectu tam propriæ suæ, quam suorum, necis possit artifex esse.

*Quintus Canon.* Homo unus alterve, quem invaserit maligna admodum febris, pravisque symptomatis, ipsis etiam spectabilibus in Peste efflorescentiis, subito sustulerit, non urget ita Medicum, ut ejus certiores ilico reddat Magistratum; sed ut expertissimis collegis casum narret eo fine, ut attendant illi an similem forsan observent & illi; utque, si observent, mox inter sese conferant de agendis. Ex præmissis quippe constitit & Malignos existere morbos, qui Pesti quidem simillimi, pestilentes tamen minime sint; & ipsam forte Pestem a causa interna in singulari homine nasci, absque vel ullo, vel notabili, aliorum contagio. Quod si illi spatio dierum complurium nihil simile

detegant, totum alto suppressendum silentio est. Sin vero aliorum Medicorum unus alterque quid simile observet, res indicanda Magistratui videtur, uti in sinistrum eventum præparet se, si ejusmodi observata contingat ingeminari.

*Sextus Canon.* Bubones & Anthraces hominis unici, febricitantis, nec ne, non obligant Medicum ad renunciationem: quamvis enim vera forsitan peste laboret, quia tamen primus modo est, in quo hæc appareant, & quia observatio haud oppido rara est ejusmodi morbi, citra vel minima Pestis signa, consequentiasque invadentis, suppressenda res silentio est, agendumque ut in Canone V. dictum.

*Septimus Canon.* Si vero horum aut ultimo aut penultimo observato, seu iisdem in ædibus, seu in illis, qui  
cum



cum hoc homine conversati essent, quisquam eodem modo, eive simili, laborare inciperet, prudentis Medici foret habere de eo maturam cum Collegis deliberationem, cum iisdemque invisere ægrotantem; & si brevi tertius illi similis daretur ægrotus, unanimi consensu renunciationem facere Magistratui tenentur; ut ad *Can. V.* Si autem intra complures dies nihil prorsum simile contingat ultra, indicetur hoc Magistratui, ut metum ille deponat, curamque omnem.

*Octavus Canon.* Si vero & 3<sup>tium</sup> & 4<sup>tum</sup> ejusmodi morbus invaderet, perimeretque, monendum celsum Regimen foret, ut leges aptas disponere, ac præparare in futurum posset.

*Nonus Canon.* Si tandem brevi plures ejusmodi morbo impeterentur, horumque mortem evaderent pauciores, serio Regimen de Pestis verisimilitu-

dine majore monendum, ut promulgatis edictis sistat illam.

Quæritur num ea adesse Verisimilitudo posset, Regione quacumque confini ab ea labe immuni?

Resp. 1<sup>mo</sup> Posset omnino: neque enim hucusque adhuc demonstrata Pestis aut natura est, aut origo; sponteque sua eandem nasci posse, gravissimorum sententia Virorum est.

Resp. 2<sup>do</sup> Et vicina Regna ab hac labe immunia esse possunt, & nihilominus res pestiferæ nobis inde adferri. Miasma quippe, in Sarcinis probe compactis, obfirmatisque, occlusum, a longe remotiore, sed clam infecta Regione, deferri ad nos per viciniora regna, urbesque sinceras potest, nostramque Regionem solutis & apertis mercimoniis, pestilentia inficere.

Resp.

Resp. 3<sup>tio</sup> Pests quandoque in vicina Provincia adest, sed vel suo in ortu ignoratur adhuc, vel politicis occultatur causis,

*Decimus Canon.* Cum longe crebrius contingat, ut Pests in regiones immaniter sæviat, eo quod, dissidentibus de Natura Morbi Medicis, suprema Potestas eam suo in ortu prudenti cautione sistere neglexerit, quam ut Respublica præmaturiore Medicorum metu quid incommodi tulerit, videtur a Supremæ Potestatis sapientia & prudentia id expectandum esse, ut ad Casum *Octavi* & *Noni Canonis* Ediētis suis curet ne, si qua Pests sit, dilatetur.

*Undecimus Canon.* Ut sistatur Pests, eave reddatur minus populatrix, conferunt Nosocomia libera, coacta obfunt. Conferunt libera, ut plebs egena civitatis, fame alias miseriaque



magis, quam peste conficiunda, intra eadem, dum ægrotare incipit, recipi & ali, tractarique possit: *coacta* vero Nosocomia, vel *Lazaretha* dicta, salutari huic intentioni utrique obsunt, 1<sup>mo</sup> quod rudi, ac violenta manu, uxor a marito, hic ab illa, parentes a prolibus, ac vice versa, avellantur, eaque intrudantur in loca, quæ inferno pejora metuentes, metu, moerore, melancholia, consumantur; passionibus scilicet, quæ Pestem, per se forte adhuc curabilem, jam, testantibus uno ore Medicis omnibus, incurabilem prorsus, desperatamque reddunt.

2<sup>do</sup> Quod multi nulla Peste, sed aut cephalalgia, aut nausea, aut diarrhœa, &c. affecti, propter hanc Symptomatum horum cum pestilentibus similitudinem, violenta manu suis de ædibus tollantur, trudentur  
in

in Nosocomia, ibidemque partim mœrore, partim & maxime pestiferæ focietatis contagione, peste demum afficiantur, & pereant.

3<sup>to</sup> Quod vulgus hominum, tota id docente Historia pestis, summo habere horrore hæc Nosocomia solet, actum de se inibi esse, seque victimam barbariei tradi ratum: unde consequitur id, ut qui peste incipiunt affici, vires iis, quas habent, majores simulent, quærelam supprimant omnem, atque ita incidant in pestilentiam immedicabilem, cui si forte maturius Medici admoti fuissent, mederi potuissent.

4<sup>to</sup> Ex ægrorum, qui in ejusmodi Nosocomiis decubuerunt, Medicorumque, qui eadem administrarunt, testimonio, evidens fit, coacta illa Nosocomia tantis demum ægris farciri, ut Atmosphæra, vehementem

tem in modum pestilens reddita, longe plures numero trucidet, quam Athmosphæra civitatis: ut plures longe adsint ægri, quam aut locus convenienter capere possit; aut pauciores Medici, Chirurghi, Ministrique, decenter tractare queant: ut eorundem horum in perenni illatæ calamitosæ plebis incremento non adsit numerus sufficiens: & ut denique partim necessariæ administrationis inopia, partim athmosphæra virulentia, longe numerosiores homines inibi, quam si domi decubuissent, moriantur.

5<sup>to</sup> Hujus sic descriptæ athmosphæra virulentia, necesse est civitatum, provinciarumque contagium, incredibiliter augeri, quando ejusmodi Nosocomiorum magna in iis crebritas est; idque eo tetrius, quo eadem & frequentiora sunt, & confertis ægrotantibus magis farta.

Mo-



Moderatius hic loquor , quam plerique Pests Historiographi. Consulatur modo Vir reverendus *Muratorius*. Hæc omnia nobis tam vivis depinxit coloribus , ut , qui legerit , vix temperet a lacrymis. Sed quid plura? In Peste *Viennensi* annor. 1713. & 1714. Nosocomium tale extra urbem constructum , spatio XIV. mensium ex 9337. ægris , servatos duntaxat 3501. salutavit ; sic quidem , ut perierint duo ferme trientes , hosque inter Medici decem , & Chirurgorum , Dispensatorumque , ut vocant , propemodum quinquaginta. Et Anonymus Autor , testis oculatus *Algerinæ* pestis anni 1752. & 1753. „ In ædi-  
 „ bus libero aëri expositis civitatis ,  
 „ mortuus infectorum modo triens  
 „ (pars tertia) est ; in Nosocomio  
 „ Hispanico Regio autem , cum om-  
 „ ni possibili auxilio artis , periit bes-  
 „ sis ,

„ sis ( seu duæ tertiæ partes ) eo  
„ quod in Nosocomio & nimium  
„ conclusi , & arctati , ægroti de-  
„ cumberent. Additque tam eadem  
„ in Peste , quam in truculentissi-  
„ ma illa triennali , quæ quondam  
„ duos incolarum trientes depopula-  
„ ta erat , duos modo homines in  
„ palatio Regio pestilentia affectos  
„ fuisse; eoquod Palatium, licet in-  
„ colis scatens , vastissimum tamen  
„ sit, libera perflatum aura, ac vivæ  
„ aquæ multiplici scaturigine irror-  
„ tum , ac refrigeratum. Hac ipsa  
observatione gignitur quæstio an sa-  
lubre tam pestiferis , quam sanis ,  
Consilium sit infectos suis in ædibus  
sic obserandi , ut perpetuo claudan-  
tur januæ , fenestræque? Utique non  
ventilatur ibi aër miasmate infectus,  
qui proinde damnosior fit ægrotanti-  
bus : porro cum januas nihilominus  
ali.

aliquando patere oporteat, ut vel Medicus introeat, vel Chirurgus, vel Confessarius, vel qui res adferunt ad victum necessarias, contagio profecto densatiore, atque perniciosiore, omnium illorum vestes penetrabuntur, idemque auctum contagium aliis afferent, pestem in urbe augebunt, immaniore ea, quæ viget, reddent, & ipsi illi, qui istiuscemodi pestiferos inclusos adierint, graviore peste affligentur. Neque juvat portam fenestramve his intrantibus, morantibusve, apertam esse, nam hujus infectissimi aëris ventilatio non est horulæ opus. Si igitur in Medicina demonstratum sit ab aëre non, aut parum renovato, communes acutos morbos in malignos verti, respirationem vehementer lædi, extinguique ægrotum; quid non timendum tandem, quando aër miasmate pestifero, eoque  
coag-



coagmentato, faturetur? *Thracios* ridemus, & damnamus, ob ipforum in peste incuriam, & negligentiam: sed inito tam ipso fuorum, quam nostrorum mortuorum Calculo, rident nostras forte redundantes curas, ut mox in exemplo *Algeriæ*. Utinam vitatis extremis, medium salutare attingeremus! Porro eo sequentia tendent.

## SECTIONIS II.

### CAPUT QUINTUM.

#### DE PETECHIIS ET SUDATORIA IN PESTE CURA.

---

§. I. *Ut via illa intermedia inveniri forsan posset, initium fit a Petechiarum descriptione, curaque. Petechiarum in Peste natura*

*tura ab his salutaris describitur, ab illis letalis; tot conditiones a pluribus requiruntur, ad hanc illarum salubritatem, ut sive cum Petechiis, sive absque illis, impossibile sit hominem mori, propter signorum reliquorum præstantiam. Sententia de Petechiarum Letalitate veri admodum similis. Multa de Petechiis notatu digna ex Chenoto, Diemberbroeckio, Muratorio, Sydenhamo. Ceterum Petechiarum in morbis acutis, malignisque, tanta fuit in Nosocomio Practico Viennensi raritas, ut posterioribus annis in 300. minimum acutis, ne semel quidem potuerint demonstrari Medicinæ Auditoribus. §. II. Conclusio ante dictorum. Laus Sydenhami; cujus Pestis curandæ prior Methodus præmittitur, & commendatur, ne Petechiæ nascantur. Laudatur ejusdem quoque altera Methodus. §. III Sudor quandam in peste bonus. Generalis conclusio.*

§. I. **U**t in cura Pestis salubriorem solita, tutioremque Methodum addiscamus, quædam præ-

Pars XIV. X mit-

mittenda sunt de Petechiis Pestilentibus ; ut earum occasione ad curam Sudatoriam animum advertentes , profite illa , an obsit , evidentius percipiamus.

Petechias & Vibices, rubras, purpureas, lividas, nigrasque in Pestilentia Efflorescentias, omnes notant, qui eam descripserint, latiores aut arctiores, planiores aut elatiores, maturiores aut seriores ; hi criticas, illi ambiguas, alii iterum certo certius letales.

*Exp. Chenot*, in sua de Peste dissertatione varias harum, quas observavit, species tradidit : ac primo quidem Petechias miliarium forma ; quas salutare descripsit, *si die Critico, si morbo mitiore, si ceteris bene aut plerumque pergentibus, si cum Symptomatum levamine, si tandem apparentibus cum Bubonibus, tum Carbunculis,*  
fu-



supervenirent : loquitur deinde de Petechiarum alia specie, quæ & parvæ erant, & numerosæ, & confertæ, quæque *si cum conditionibus prioribus sive omnibus, sive quibusdam prodirent*, neminem leto dederunt : sermonem & de tertia Petechiarum specie habet, quæ macularum latissimarum forma, cum colore uniformi aut rubro, aut etiam purpureo erupit; quæ species cum descriptis antea speciebus concurrens, *sub iisdem reliquis conditionibus bonis* grave negotium nemini faceffivit : quarto refert maculas rariores, una cum Petechiis lenticularibus prodeuntes, purpureas, lividas, oblongas, Vibices vulgo dictas, quæ non videntur ominis fuisse peioris : quintam demum Petechiarum discretarum speciem perhibet adfuisse, quæ lentem diametro aut æquantes, aut supe-

rantes, *pravis cum signis morbi reliquis*, plerumque funestæ erant.

De bonitate aut malignitate harum quinque Petechiarum specierum concludere vix quidquam possumus: cum bonis quippe reliquis morborum signis, vix prava signa nocent; cum reliquis signis sinistris, fere nunquam dextra profunt. Cum itaque hæc, & id genus plura aliorum Autorum, generaliora sint, quam ut consequentiam legitimam inde formemus, adeamus alios, & præcipue, qui instar omnium est, *Diemerbroeckium*; qui, quod audacia incredibili emereret, & naturam a peste vix expugnabilem haberet, & cum artis promovendæ, tum proximi sui juvandi eximio fulgeret amore, nobis ejusmodi dedit de peste Tractatum, ut jure dubitem num exemplorum numero, observa-  
tio-

tionumque præstantia, parem illi in tota Bibliotheca Medica possideamus.

Hic igitur vir præstantissimus pag.

66. „ Exanthemata pestilentia, in-  
 „ quit, quæ vulgus, *Mortis & pestis*  
 „ *maculas*; Itali *Petechias*, *Peticulas*, &  
 „ *Lenticulas*; Galli *Purpuras & Papi-*  
 „ *liones*; Belgæ *granum piperis* appel-  
 „ lant; sunt maculæ purpureæ, vel  
 „ rubræ, vel nigræ, vel violaceæ,  
 „ ut plurimum rotundæ, aliquando  
 „ latæ, oblongæ, aliusve formæ, in  
 „ summa cute efflorescentes. Pag. 67.  
 „ Hæ semper longe periculosiores  
 „ sunt, quam Carbunculi, aut Bu-  
 „ bones; non ut causæ, sed ut si-  
 „ gna: quia in his Cor adeo vali-  
 „ dum est, ut perniciosum venenum  
 „ versus externas partes depellere, &  
 „ sanguinem a pestilenti corruptione  
 „ præservare posset: in illis vero adeo  
 „ debile est, ut nec venenum foras



„ expellere , nec sanguinis corrup-  
„ tionem avertere possit ; quod bre-  
„ ve insequuturæ mortis indicium est.  
„ Unde fit , ut ex sexcentis peste la-  
„ borantibus vix unus evadat , cui  
„ Exanthemata in cute apparent.

*Et pag. 73.* „ Multi magni no-  
„ minis Medici has maculas , quo-  
„ cumque tempore prodeuntes , &  
„ præcipue die decretorio apparen-  
„ tes , scribunt esse salutiferas : inde  
„ seducti , vel quod earum causam  
„ & originem non satis cognoverint,  
„ & ipsum venenum pestilens per  
„ has maculas evacuari putaverint ;  
„ vel quod sola inani speculatione  
„ ducti , gravi stylo multa de peste  
„ scribant , cum nihil de ea vide-  
„ rint , nec quidquam de ejus histo-  
„ ria curiose ad veritatem examina-  
„ verint. Quantumvis enim eorum  
„ rationes hujusmodi criticam eva-

„ cuationem probare videantur, ne-  
„ cesse tamen est, ut experientiæ, con-  
„ trarium docenti, hac in parte ce-  
„ dant: neque interest quam acute  
„ & doctè de hujus criseos bonitate  
„ disputent, si subrepens mors pen-  
„ dentis litis decisionem faciat. Nos  
„ semper observavimus exanthema-  
„ tum eruptionem symptomaticam,  
„ nunquam vero criticam esse, &  
„ semper naturam succumbentem in-  
„ dicare. Qua propter simul ac in  
„ hac Peste exanthematum erupti-  
„ onem animadvertebamus, omnem  
„ vitæ spem abjiciebamus - - - Neque  
„ exanthematum multitudo, quam  
„ multi tanquam salutarem laudan-  
„ dam censent, neque paucitas, ma-  
„ jorem vel minorem spem sanationis  
„ dabat: nam plures maculæ mayo-  
„ rem quidem veneni violentiam &  
„ quantitatem, majusque spirituum

„ vitalium damnum indicabant, cau-  
 „ sam vero morbi nihil imminuebant.  
 „ Æque cum paucis & parvis, quam  
 „ cum innumeris majoribus, per to-  
 „ tum corpus copiosissime erumpen-  
 „ tibus, moriebantur ægri. Atque  
 „ in tota hac truculentissima peste  
 „ Unum solum, cum exanthemati-  
 „ bus purpureis copiosis evasisse vi-  
 „ dimus; cujus historiam raritatis  
 „ gratia *Libro IV.* adnotavimus.

Porro ad hanc historiam, ibidem  
 enarratam, sic ipse commentatus est.

„ Quod exemplum hac tempestate  
 „ pro rarissimo habendum erat: nam  
 „ in tota hac tam furiosa peste, præ-  
 „ ter hunc puellum, nullum un-  
 „ quam vidi evasisse, cui exanthe-  
 „ mata purpurea aut nigricantia ap-  
 „ parerent; sed quo plura & majora  
 „ prodirent, eo citius ægros semper  
 „ interiisse: Reliqui etiam, qui peste  
 in-



„ infectos tractabant, se id nunquam  
 „ amplius vidisse affirmabant. Exan-  
 „ themata rubra, parva, & non  
 „ multa, licet plurimis essent letalia,  
 „ cum his tamen pauci evadebant;  
 „ cum purpureis aut nigricantibus  
 „ nullus. Ac propterea quod ma-  
 „ culæ illæ instantem mortem certif-  
 „ sime pronunciarent, Vulgus illas  
 „ appellabat Maculas mortis, iisdem-  
 „ que apparentibus omnem spem de  
 „ ægris abiciebat.

Petechiarum historiam sed variæ,  
 ut videtur, oppositæque naturæ, ex  
*Chenoto*, & *Diemberbroeckio*, dedi; volu-  
 men prægrande daturus, si ex omni-  
 bus Loimologicis, quid de iisdem  
 perhibeant illi, proponerem Lectori-  
 bus. Cui volupe est eos ordine per-  
 volvere, is illas, & omnes, singula  
 in peste descripsisse; & vel criticas,  
 vel symptomaticas, habuisse intelli-

get. Unius modo referam sententiam, qui, ut omnes pervolverat, ita quoque cunctorum opinionem nobis compendio retulit; *Ludovici Antonii Muratori* scilicet; Viri apud *Italos* excellentis, quemadmodum apud *Anglos Hales*: divinis dicatus uterque, hic in *Physicis*, ille in *Politicis*, quidquid ad scientiarum augmentum, utilitatisque publicæ emolumentum, modo referre quocumque posset, popularibus suis incredibili studio, indefessoque labore, accommodavit.

Hic itaque primum *Libro II. de Peste Cap. 8.* ex collatis Medicorum omnium sententiis demum collegit  
 „ Salutares quidem esse Bubones pos-  
 „ se, Anthraces autem & Petechias,  
 „ morbi vehementioris indices, fu-  
 „ nestas esse, interitus hominum, ut  
 „ plurimum, causas. Clarius vero ac  
 „ fusius *Cap. X. pag. 301.* Eorum sen-  
 „ ten-

„ tentiæ nixus, qui in peste tractan-  
„ da potissimum eminuerunt, affere-  
„ re ausim, Petechias in vera Peste  
„ ipsis Carbunculis deteriores esse;  
„ præsagiumque ab illis infaustius,  
„ quam ab his, habeo: siquidem  
„ nos observatio docet Petechias, si-  
„ ve purpureæ comparuerint, sive  
„ virides, sive violaceæ, mortem  
„ propinquam fere semper pronun-  
„ ciasse. Equidem Medici complu-  
„ res, iique haud incelebres, saluta-  
„ res perhibuere easdem: verum  
„ merito hic quæritur, an ejusmo-  
„ di eorundem sententia non exacu-  
„ tiore ratiocinio sit potius nata?  
„ quandoquidem multo frequentior  
„ experientia contraria est, ita ut in  
„ nonnullis Pestilentiis ne unico qui-  
„ dem die protraxerint vitam ii,  
„ quos hæ invaserant, etiamsi parca  
„ modo copia comparuissent; morbo  
de-



„ desperato habito, quocumque de-  
„ mum modo apparuissent.

Hæc ubi scripserat *Muratorius*, anxie quærit, quî tandem rationem inveniat tantæ sententiarum discrepantiæ, tantarumque Observationis varietatum. Hanc vero vix reperiens,  
„ nam loquor, inquit, hoc modo  
„ juxta mentem, experientiamque  
„ reliquorum. Tandem hanc conjecturam periclitatur: „ Non sum ab ea,  
„ inquit, opinione alienus, *quod possint*  
„ nonnullæ Pestilentiae ejus naturæ,  
„ mansuetudinisque esse, ut quot  
„ quot eos, quos Petechiæ invasis-  
„ sent, saluti reddi sinerent. Ete-  
„ nim persuasum mihi est ab una so-  
„ la peste, ratione aliquorum auxi-  
„ liorum, symptomatumque, non &  
„ singulam, & omnem, dijudican-  
„ dam esse.

Verum cum recte caperet sententiam de Petechiarum letalitate non ab unica, neque a paucis, sed ab omnibus fere Pestilitatibus natam esse, mox abruptum quidem repetens sermonem „ Petechiis jam extantibus , „ inquit, vix ultra tempus est Medicamenta adhibendi: sin autem contingeret, ut ægroti mox a Pestis principio, remedia sudatoria, ceteraque pestis præsidia, vocarent in opem, contingere etiam posset, „ ut Natura ope Crisum aliarum „ magis juvantium, se ab illo acri „ pestifero, quo opprimebatur expediret, Petechiasque, morbi & „ proVectioris & perniciosioris indices, omnino præveniret.

His rite perpensis, merito quæri potest an Autores, qui Pestiferorum Petechias salutes dixerunt, hanc illarum salutem rite probarunt? Dubi-

bitabilem hanc salutem reddidere observationes oppositæ, dubitabilioremque adhuc Observationes Petechiarum, in febre non pestilentiali apparentium.

Qui enim utrarumque harum Petechiarum Historiam deliberate contemplatur, interque sese confert, invenit, iisdem prodeuntibus, alias una prodire evacuationes, in salutem si tendat morbus: evacuationes ajo, singulas proprio genio Criticas, morbumque in aliis, citra Petechiarum expulsiorem, perbelle judicantes. Hoc toties plenæ luci in compluribus *Operis annui* tomis exposui, tam præclaris Medicinæ Scriptoribus, quam propriis meis frequentioribus innixus observatis: idemque de Petechiarum pestilentium natura laudatorum Virorum præclara opera concludere jubent. Sic ut neque in Peste, neque  
in



in Febre maligna, Petechiæ unquam Criticæ sint, sed tristes ac fere certæ nunciæ Leti; nisi aliæ, æque vere criticæ evacuationes, materiem sive pestilentem, sive malignam, consequenter & illam quæ Petechias aut genuerat, aut genuisset, e corpore eliminant.

Dum itaque per optimos, qui de Peste egerint, Scriptores constat, in Peste fere nunquam salutares esse, criticæve Petechias; dum de Petechiis in Febre maligna Virorum celebrium, *Sydenhami* cum maxime, eadem sententia est; dum denique tanta Petechiarum acutis in morbis raritas sit, in *Hippocratico* Praxeos exercitio, ut neque mihi, Medicinam in Nosocomio publice tradenti, consiliisque in urbe assistenti, neque ceteris Medicis, qui *Hippocratis*, qui *Celsi*, qui *Sydenhami* atque *Boerhaavii*, vestigia  
pre-

premunt, nunquam, & nusquam, hæ pluribus ab annis compareant; merito inde conficere videor, neque in Peste, neque citra Pestem, Petechias unquam esse salutare: si autem contigerit, ut, siue in Peste, siue sine Peste, vel nonnulli, vel etiam complures, una cum Petechiis reconvalescant, id haud aliam ob causam fieri, quam quod natura per alias vias, vere criticas, sese a virulentia morbi expediât; exemplo aliorum acutorum morborum, in quibus neque prodeuns aliquando symptomatica alvus, neque pravus per omnia sudor, neque pessima colore, odore, copia, contentisque, urina, morbum curare dicuntur unquam, verum alia qualiscumque evacuatio; quæ, si salus redeat, judicet ægrum. Tædio foret, ea argumenta repetere, quæ toties, ut quæ hanc sententiam  
ad-

adstruerent, confirmarentque, alibi attuli: verissima autem ea esse Auditores mei vel ex eo norunt, quod inter trecentos homines, qui lapsu posteriorum annorum in Nosocomio morbis decubuerunt acutis, malignisve, ne semel quidem ipsis Petechias, quas harum Regionum & frequentes, & necessarias ajunt, demonstrare potuerim.

§. II. Si itaque medendi methodus extet, quæ ab his Petechiis auctis in morbis præservet ægrotantes; si eadem certam fere mortem, ni ægrum aliæ evacuationes fervent, portendere soleant; si Viri præstantissimi, iique numero haud pauci, Petechias pestilenciales tanquam tristes auguratrices necis, dirasque vitæ deletrices, toties deprehenderint; annon observatio adeo frequens, annon toties confirmata experientia, an-



non lugubris infinitorum pestilentiorum interitus, id demum Medicis suadeat, ut, ne hæ superveniant pestiferis, sollicitudinem omnem, curamque adhibeant requisitam?

Certum quippe est, & numerum eorum, quos demetat Pestilitas, innumerabilem esse; & potiore meorundem partem perire Petechiis. Teste *Villano*, Pestis anni 1348. quintam modo omnium universi orbis incolarum partem in vivis reliquit. Nec multo mitior illa fuisse censetur, quæ eodem XIV. sæculo bonam afflixit *Europæ* partem. Quæ anno 1564. *Sabaudiam*, & confinia *Gallorum*, *Helvetorumque* invasit, ex quinque affectis vix plus uni pepercit. Et quæ sæviit anno 1576. *Venetorum* 60000. tanquam falce demessit. Pestis *Mediolanensis* anni 1630. describitur in *Diæcesi* illa, neque adhuc tum cessans, 120000.

120000. occidisse mortalium. *Londini* anno 1665. primo suo furore hominum mille unico trucidavit die. In Peste *Viennensi* anno 1713. decimus & tertius infectorum vix evasit. In alia Peste *Viennensi* antiquiore memoratur nonus quisque servatus in urbe ; in pagis vero circumjacentibus plus quam tertius. In Peste *Massiliensi* ann. 1720. 1721. 1722. periisse hominum leguntur 60000. In Peste *Transylvanica*, quam exp. *Chenot* descripsit, duo infectorum periere trientes.

Est igitur major quidem, minorve, ingens tamen semper, pars hominum, quos mactet Pestis, quorumque, Historiarum fide, pars longe maxima Petechiis pereat. At vero *Thomas Sydenham* sancte affeveravit nobis, dum sua Methodo tractaret Pestilentes, non ultra quemquam peste occubuisse, neminem ultra scatu-

ille Petechiis. Ad rem hic *Muratorius*: *Sara cura dei Medici il farne la pruova*: ea propter, quæ hanc in rem *Sydenhamus* proferat, patienter audiamus.

Duplicem ille agnovit Pestis curandæ viam: inflammatoriam alteram, five antiphlogisticam; alteram sudatoriam, five hidroticam. Porro præfert antiphlogisticam, præ altera laudat, experientiaque confirmat sua: sic ut missiones sanguinis, largasque illas ac repetitas, cum reliqua antiphlogistica cura commendet, & suis a partibus stare *J. Costæum* memoret, & *N. Massam* & *L. Septalium*, *Trincavellium* &c. maxime autem *L. Botallum*.

Hic porro *Botallus*, *Cap. VII. de Venæ sectione*, quater, sexies, aut & septies, sanguinis aut Libram, aut Libram sesquialteram, de Vena eduxit;



xit; qua in re cum *Sydenhamo* convenit: in eo autem *Sydenhamo* audacior, quod hanc curam instituat, Anthracis, Bubones, Exanthemata, adsint, nec ne; id quod innumeris in ægris sibi e voto successisse asserit, & quorundam fortunatis confirmat exemplis. Eo usque ausus necdum est pervenire *Sydenhamus*, ceterum suam methodum mire extollit, confirmatque exemplo Chirurgi in castro *Dunstar*, qui, cum Pestilentia præsidiorum militum jam aliquot necasset, cunctis deinde venam liberalissime secuerit, illos tunc lecto commiserit, effeceritque sic, ut, licet nulla medicamenta data essent, nemo horum, quamvis quamplurimorum, desideratus fuerit.

Laudabat autem hanc methodum, præ hidrotica, eo quod in multis, maxime calidioribus, ac juniori-

Y 3 bus,

„ bus, rarius bene proleſto ſudore,  
„ Phrenitidem, aut, quod longe  
„ calamitoſius, Petechias, Vibices.  
„ que, concites. „ Præcipue autem  
Methodum inflammatoriam in Peſte  
præferebat, tam quod peſte jam in-  
choante, Ardens febris inciperet do-  
minari, quam febrem venæ ſectione,  
& emetico, ut præcedente biennio  
graſſans febris requiſiverat, aggreſ-  
ſus, infeliciter pergentem videret,  
quartoque poſt decimum die necan-  
tem; quam quod ſola antipleuritica  
cura, Pleuritide tunc quoque graſ-  
ſante, omnes eas ardentis febres for-  
tunate curaret. Peſtis interea popu-  
laris fiebat. Ruſ quidem tunc cum  
familia conceſſit; verum mortuis de-  
mum tot Medicis, ut, qui ſupere-  
rant, ſuperſtiti Peſtilentioſorum nu-  
mero curando non eſſent, *Londinum*  
rediit, & febres, quales abiturus re-  
li-

liquerat, pestilentesque olim appellare dubitaverat, nunc inveniens regressus, sua antiphlogistica, qua ante abitum, methodo aggressus est, mirificeque proficiens, ausus est „  
„ Medicorum, qui grassante nupera  
„ lue in urbe perstiterunt, fidem appellare; num quis eorum Phlebotomiam larga manu, ac repetitis  
„ vicibus, nec non tumore nullo adhuc protuberante, celebratam,  
„ Peste laborantibus funestam esse viderint; Parcam quidem, vel tumore jam conspicuo, sanguinis  
„ detractionem semper damnosam esse, neutiquam mirandum est. „  
Evacuationibus his solebat & Ptisanam, & Diætam refrigerantem, semper adungere.

Verbo moneam frustra esse, qui *Sydeuhami* testimonium minoris faciant, quod Pestem fugerit: etenim re-



deunte eo in urbem & Pestis adhuc aderat, & qui communi methodo tractabantur, cum Petechias habuerunt, tum magnam partem occubuerunt; quo ipso tempore methodi suæ præ ceteris præstantiam vidit, gavisusque *Sydenhamus* est, atque in veritatis testimonium ceteros Medicos provocavit.

Hæc nunc de *Sydenhami* methodo priore, sive mere antiphlogistica: sequitur altera ejus, quam excogitare non utilitas major, sed vere tristes necessitas coëgit. Cum enim præ hominum adversus Phlebotomiam in peste irradicato præjudicio, sæpe, pergere methodo antiphlogistica non posset, amplexus & sudatoriam est: quam quidem millenorum pestilentium interitu fatalem expertus, eo quod & brevius, & interruptius, sudor provocari soleret, sic demum cum

au-

auxit, tum emendavit, ut primum vena, ne cum sudoribus expellerentur Petechiæ, tunderetur, & mox a tuncsa vena ægris in lecto optime tectis exhiberet Hidragogon, si id non vetaret vomitus: eo autem vetante, expectabat primum a tegumentorum pondere ac calore sudorem: cum jam eo oborto, semper aut lenirentur, aut cessarent conatus vomendi, dedit Sudatorium suum, inceptamque Diaphoresin haustu frequenti five Zythogalæ, Salvia alteratæ, five Cerevisiæ tenuioris, cui Macis tantillum intabuërat: promovit autem sudorem, non sic, ut post 2. 3. horarum sudorem, interquiesceret æger, bisque aut ter repeteret similem; quemadmodum Medentium plerisque, præprimis *Diemerbroeckio*, consuetudinis erat, sed ad diei naturalis spatium, abstersione interim omni inter-

dicta; „ imo , ait , nec infra 24.  
 „ horas a sudoribus finitis indussum,  
 „ utcunque madidum , ac immun-  
 „ dum, mutari permitto. Id quod  
 „ summa cautela observari velim.  
 „ Quodsi sudatio angustioris tempo-  
 „ ris limite circumscribatur , recru-  
 „ descit ilico Symptomatum sævitia;  
 „ atque ægroti salus, quam proli-  
 „ xior Diaphoresis extra aleam con-  
 „ stituisse, in acie novaculæ relin-  
 „ quitur.

Multus demum Sydenbamus est in reprimendo Medicorum metu , acsi præ continuato protractoque sudore præstaret sudor cum brevior , tum frequentior, ne æger vice una viribus exauriretur suis ; demonstravit autem e contrario omnium suorum ægrorum exemplis , continuato 24. horas sudore , vires in peste non modo conservari , sed augeri ; testanti-  
 bus



bus id cum ægris, tum illorum necessariis: interea dum inter singulos breviores sudores plurimorum vires ita minuantur, ut fatiscant tandem. Quod hic *Sydenhamus* enarrat, hoc luculenter ex *Diemerbroeckio*, sudoris brevioris, frequentiorisque patroni, demonstrari potest.

Die porro sequenti curat vitari frigus omne, indusium ad corpus ardescere, cuncta calide sumere, continuareque *Zythogalam*: die autem tertio *Purgans antiphlogisticum* exhibet.

„ Atque hac medendi ratione, inquit, anno a peste proximo compluribus febre pestilentiali correptis, sanitatem restitui, adeo ut ne unus quidem ex morbo eo mihi desideratus sit, postquam eandem exercere inceperam.

Longus fui, sed longus esse debui in hac doctrina, quod summi mo-

men-

menti ea esse videatur, quodque ab egregio *Muratorio* cunctorum Medicorum commendetur tentamini. Aliam quoque parit hæc longitudo utilitatem. Bibliotheca carere Medici Chirurgique solent, quos ad confinia Regnorum Pestis vel averruncandæ, vel curandæ gratia, mitti contingit; & si Bibliotheca gauderent, eam ad-eundi, consulendique, deficeret tempus. Opus itaque parvo ac portatili libro erat, in quo quid & dubiis, & arduis in rebus, consulere, feligere, atque admoveere deberent, cito tutoque reperire possent.

§. III. Atque ita quæstionem de sudore magnam partem absolvisse mihi videor. Paucis repetam: Sudorem in Peste criticum habuerunt Viri præstantissimi, Historiæ Pestis commentatores; omnemque ab ipso morbi initio curam eo verterunt: non-

nul-

nulli tamen circumspectius ac limitatius. Sic *Exp. Chenot* Canon. 4. „ Sudor lenis & constans, Bubonum & „ & Carbunculorum exortum & elationem præeuns, aut concomitans, „ nauseam anxietatemque tollens, „ ægros in tuto collocat. Sponte ab una parte patet hujus præstantia sudoris, siquidem cunctas notas refert, quibus acutorum omnium morborum sudor noscitur criticus esse: sed ab alia parte, etiamsi pravus foret ac symptomaticus sudor, signa, quæ hic requiruntur, adeo præstantia sunt, ut demonstrent jam prægressam coctionem esse, ceterasque evacuationes bonas, & cum sudore illaudabili, virtute laudabilium excretionum reliquarum redire sanitatem; quemadmodum principio hujus capitis jam monitum fuit.



*Diemerbroeckius* Canon. I. „ Criti-  
 „ cæ mutationes qualescumque, die-  
 „ bus decretoriis incedentes, nihil  
 „ certi promittebant : omnes enim  
 „ fallaces erant : & cum his etiam  
 „ optimis, æque multi moriebantur,  
 „ quam evadebant.

Et in nota ad hunc suum Cano-  
 nem. „ Etiam copiosi spontanei fu-  
 „ dores, a quibus maximum leva-  
 „ men expectabatur, valde incerti  
 „ erant: nam etsi morbum aliquan-  
 „ do feliciter solverent, multoties  
 „ tamen in principio aliquam remis-  
 „ sionem afferre videbantur, post-  
 „ quam longe gravius recrudescebat  
 „ malum.

Paucis itaque, quod res est, dica-  
 mus. Si *Sydenhami* & *Observationes*  
 & *Demonstrationes*, Medici pruden-  
 ti tentamini quondam submittentes,  
 veras illas certasque deprehenderint,

acu

acu tangent causam, cur alii sudores non laudarent, eos solos contempla-  
ti; alii iterum summa laude extule-  
rint, tot bona cum illis signa contui-  
ti, ut etiam vel citra sudores ægri  
fervarentur; & quoque inde intelli-  
gent, quis verus modus, quod tem-  
pus, quis ordo, Methodusque sit,  
eos eliciendi, qui certo, qui tuto,  
qui soli, pestilentiam curent, sudo-  
res. Repeto itaque, urgeoque rem,  
quoad ejus facere possum: ad tantas  
strages ubique terrarum, ab omni  
ævo hucusque, a Peste editas, ita ut  
etiam arte sudatoria, qua pene om-  
nes usi sunt, ex duobus, ex quatuor,  
ex octo, novem, imo tredecim, vix  
servatus unicus sit; si, quod adver-  
runcet benignissimus DEUS! pestis de-  
nuo alicubi renascatur, & Medici  
antiquum obtinere præ Sydenhamianæ  
doctrinæ exactissima observatione eli-  
gant,

gant, vere inhumani multis videri, crudeles haberi, & certo quodam modo homicidæ appellari poterunt.

## SECTIONIS II.

### CAPUT SEXTUM.

#### DE VENÆ SECTIONE IN PESTE SPECIATIM.

---

§. I. *Absolutis sudoribus, quæstio de Vena in Peste secunda proponitur; quam multi damnarunt, sive extantibus nondum tumoribus, petechiisve, sive extantibus: multi iterum iis extantibus: nec fere pauciores laudant illam propulsis jam aut tumoribus, aut petechiis, aut utrisque: alii iterum prioribus modo post invasionem horis, primave die; alii per omne tempus morbi: hi tandem parce, illi profu-*



*fuse. Collatis oppositarum partium testimoniis constat, pestiferorum potiore longe numerum perire, non secta vena, aut non profuse secta; Vena largissime secta, potiore eorum partem servatam fuisse.*

*§. II. Ergo Sydenhamum, suam proponentem Methodum, nihil novi dixisse ex prædictis patet. Recensentur Auctores, qui a Peste Phlebotomiam proscripserunt, eorumque Objectiones refutantur. Quæritur denique an Missionis sanguinis aut salubritas, aut letalitas, a tempore morbi, in quo fit, petenda sit? An a natura Nationis, Temperamentive? An a diverso Pestis genio? Respondetur ad questionum singulam.*

*§. I. De Venæ sectione, & cura sudatoria, multa in proxime præcedente Capite, sed promiscue, & unice quatenus id Petechiarum petebat Historia, actum est: res tamen tanti momenti utraque est, ut peculiare sibi poscat singula caput.*

*Par. XIV, Z Pri.*

Primum itaque de Venæ sectione, alias missione sanguinis dicta, aut Phlebotome, Phlebotomia, sit.

Discordia Medicorum, de vena in peste sive secanda, sive non secanda, tanta est, ut necesse sit ab origine rem reperere; ut in quamnam partem descendendum sit, clare assequamur.

*Galenus Libr. XIV. Meth. Med. Cap. X.* in cura Carbunculorum seu Anthracum, „ sed & incipiendum ab „ incisa vena curationem esse; id ne „ minem latere arbitror - - - nec il „ lud obscurum Phlebotomiam, quæ „ ad animi defectum usque sit adhi „ bita, magis hic etiam collaturam; „ nisi tamen aliud quidpiam obstet „ ex iis, quæ veniam incidi vetent.

Itidem *Libro de comp. Med. sec. loc. III. cap. II.* eandem laudat in parotide. Ne quid eorum negligere, quibus

bus se Scriptores Medici muniunt ad sententiam statuminandam suam, *Galenus* hos ambos excitavi textus; nondum persuasus tamen hos utrosque locos de Carbunculis, Bubonibusque pestilentialibus agere, ut *Riverio*, & aliis, placuit.

Si *Criton Epid. I.* pestilentia laboravit, ut Commentatores volunt, & ut probabile est, *Galenus in Comm. ad hunc ægrum* judicavit venam in peste, jamque cum petechiis nigris, esse secandam. „ Admiratione dignum, inquit, cur huic homini quam primum, incipiente morbo, vena secata non sit? sed scimus *Hippocratem* ad plurimos, quos scripsit, ægrotos, morbo jam progresso, accersitum esse. Quamquam *Galenus* minus recte hoc miretur, quandoquidem *Hipp.* meram nudamque dederit *Critonis* historiam, citra vel minimum



dati cujusquam, quod certe adhibuerit, auxilii mentionem, ex hoc tamen textu id recte conficitur, quod *Galenus* crediderit *Hippocratem Critoni*, qui pestilens fuisse creditur, etiam nigris maculis a principio extantibus, venam, ni ferius fuisset advocatus, aperturum fuisse.

*Felix Platerus*, meticulosus omnino, vulgaribusque imbutus principiis, & raro quidem & parce misit Pestilentibus sanguinem; ejus autem candoris fuit, ut referri quid alii cum docerent, tum facerent, oportere ratus, hæc verba addiderit. „ Licet „ alii extremum ex illa (Phlebotomia) facientes remedium, tam copiosa emissionem sanguinis facta, ut „ animi inde sequeretur deliquium, „ se multos liberasse fateantur, & „ nullam aliam nisi vehementem sanguinis „ detractionem probent.

*Hol-*

*Hollerius* venæ sectionis potius Patronus, quam Adversarius fuit, eam suadendo in Peste *si*, inquit, *eam omnia permittunt*: deinde etsi illam videatur, *prodeunte Bubone*, condemnasse, mox tamen commendat denuo, *nisi quid dissuadeat*, eamque, pro varia Bubonum sede, ex variis corporis venis.

*Lazarus Riverius*, doctrinam quidem scholasticam, secundum communem Medicorum de Vena in peste non tundenda opinionem, digessit, verum pluribus in locis, quasi altius ea sapere, & vitiosam illam hinc inde subolfacere visus, haud tamen ad rejiciendam vel illuminatus fatis, vel fatis audax, demum quid adversus tralatitiam, trivialemque consuetudinem, proprio Marte excogitasset, strenueque exequutus esset, his verbis tradidit: „ denique silentio hic „ præterire nefas est insigne experi-

„ mentum, quod mihi contigit, in  
„ febre illa Epidemica, quæ *Monspeli*  
„ *lii* sævissime grassata est anno 1623.  
„ ita ut media fere pars ægrotan-  
„ tium interierit, peculiariter vero,  
„ quibuscumque Parotides superv-  
„ niebant, quod solebat contingere  
„ circa 9. vel 11. morbi diem, om-  
„ nes intra biduum interibant; præ-  
„ cedente, aut eodem tempore acce-  
„ dente delirio, stupore, motibus  
„ convulsivis, & pulsu inæquali, fre-  
„ quenti, minuto, & quasi formi-  
„ cante. Cum autem plures hujus-  
„ modi vidissem, qui neque Alexi-  
„ pharmacis frequenter adhibitis, ne-  
„ que attrahentibus Parotidi admo-  
„ tis, juvari poterant; animo revol-  
„vens si qua via liberari possent a  
„ tam certo exitio: Tandem cogi-  
„tare cepi, ideo Parotides febribus  
„ hisce supervenientes sinistri esse ju-  
„ di-



„ dicii, quod locus, in quo fiunt,  
 „ non est capax totam materiem  
 „ morbificam excipiendi, quæ intus  
 „ retenta opprimit ægrotantem; ac  
 „ proinde opus naturæ inchoatum  
 „ solummodo evacuationibus supple-  
 „ ri posse, *Venæ sectione scilicet, &*  
 „ *Purgatione*: cum etiam *Galenus Lib.*  
 „ *III. de comp. med. sec. Loc. Cap. de*  
 „ *Parot.* in earum curatione phlebo-  
 „ tomiam præscribat.

„ Verum huic indicationi maxi-  
 „ me obstabat summa virium imbe-  
 „ cillitas, quæ tanta erat, ut jam  
 „ versari ægrotantes viderentur in  
 „ agone mortis, quæ etiam brevi suc-  
 „ cedebat. *Galenus* vero loco citato,  
 „ dum præscribit *Venæ sectionem* in  
 „ *Parotidum* curatione, duas propo-  
 „ nit conditiones; nempe si adsit san-  
 „ guinis redundantia, & vires fe-  
 „ rant. Quæ conditiones hic omni-

„ no deerant: prius enim sufficien-  
„ ter sanguis detractus fuerat, tum  
„ per phlebotomias iteratas, tum  
„ per cucurbitulas scarificatas, tum  
„ etiam maxima aderat virium rui-  
„ na.

„ Hisce omnibus perpensis, au-  
„ ream hanc *Corn. Celsi* sententiam,  
„ si alias unquam, hic maxime lo-  
„ cum habere censui, multa scilicet in  
„ præcipiti periculo recte fieri, quæ alias  
„ essent omittenda: & satius esse anceps  
„ remedium in uno, aut altero experiri,  
„ quam tot ægros certo exitio relinquere.

„ Hoc etiam animos addebat,  
„ quod summa illa virium dejectio ab  
„ oppressione magis, quam ab exso-  
„ lutione, proficisci videbatur. Ideo  
„ enim subito vires corruebant,  
„ quod natura non posset grave onus  
„ excutere; ejusque imminutione su-  
„ blevatum iri sperandum fuerat.

Exem-

Exemplo deinde primi, quem sic tractabat, ægri, rem confirmat, cui parvam primo, vires exploraturus ægroti, Phlebotomiam suadebat, quam facere renuebat Chirurgus senex & peritus, metuens, ne æger ad extrema redactus, in ipsa operatione expiraret. Cum a parva Venæ sectione Riverius augeri potius, quam collabi vires perciperet, audacter instituit largiorem, alteraque die antiphlogisticum purgans dedit, ægrumque servavit.

„ Omnibus inquit, tandem, deinceps  
„ ægrotantibus, quibus succresce-  
„ bant Parotides, venæ sectio pri-  
„ mum, idque partitis vicibus, se-  
„ quenti die purgatio, a me præ-  
„ scripta est: sicque omnes, DEO sit  
„ laus & honos! quotquot hoc tra-  
„ ctati sunt, feliciter evaserunt, ne-  
„ que ullus amplius toto illo anno ex  
„ Parotidibus interiit.



Notandum denique ex eodem *Riverio*, si in superveniente Carbunculo Venâ aut antea non esset sufficienter secta, aut ferri ultra ab ægro non posset, eam tamen in loco Anthraci propiore adhuc institui oportere.

Transcribere hunc quantumcunque longum textum oportuit; doctrinam quippe ejusmodi, animadversionesque continentem, quæ ingenio, attentione, experientia, & Scholarum pulvere, præjudicatisque emergere opinionibus, cordatum Medicum posse, luculenter ostendant.

At vero non erat *Riverius* de grege Medicorum primus, qui calcaret hanc insuetam viam. Ducem habuerat a quadraginta jam elapsis annis *Leonardum Botallum*, *Astensem*, Regis *Reginæque Galliarum*, nec non *Brabantiae Ducis*, Consiliarium, & Archiatrum, in Libro suo de *Venæ sectio-*

ne cap. VII. sic docentem: „ Ego, ut  
„ uno verbo dicam, nullam esse pe-  
„ stem puto, cui hæc (*Phlebotomia*)  
„ non possit esse salutaris supra om-  
„ nia remedia; modo oportune, &  
„ quantitate conveniente, usurpata  
„ sit: ratus eam aliquando inutilem  
„ inventam fuisse propterea, quod  
„ tardius aut parcius, quam opus es-  
„ set, aut quod *utroque modo*, circa  
„ eam usurpandam peccatum sit ----  
„ In hac tanta timiditate, & parca  
„ detractiōe, quâ fieri potest, ut  
„ quis recte possit judicare quantum  
„ ea in pestilenti morbo prodesse va-  
„ leat, aut obesse? Non enim mor-  
„ bus, pro cuius curatione require-  
„ batur detractio librarum quatuor  
„ sanguinis, in quo una tantum de-  
„ trahitur, si hominem interficiat,  
„ ideo interficit, quia sanguis est  
„ missus, sed quia non iusto modo  
„ missus

„ missus est, nec forte etiam oppor-  
 „ tune. Verum nebulones nequissi-  
 „ mi, & ignavissimi, in id semper  
 „ culpam convertere satagunt, non  
 „ quod nocuit, sed quod per nefas  
 „ a cunctis vituperari exoptant: aut  
 „ si id nequitia non faciant, igno-  
 „ rantia tamen pravæ dispositionis  
 „ efficiunt: utraque certe perniciofa,  
 „ sed illa magis.

Longo postmodum sermone re-  
 censitis iis, quæ *Hippocrates Lib. III.*  
*Epid.* de Peste sive in sanitatem bona  
 crisi, sive in mortem crisi aut mala,  
 aut nulla, abeunte, tradiderat; con-  
 cludit *Botallus*, & ad bonam crisin  
 promovendam, & ad malam corri-  
 gendam, & ad deficientis vices sup-  
 plendas, largam conferre, repetitam-  
 que Phlebotomiam. His tunc subjun-  
 xit: „ Ideo in morbis pestilentibus,  
 „ in obsidione *Rupellarum*, in monti-  
 „ bus



„ bus *Hannoniæ* abhinc quadrien-  
„ nium, & *Parisiis* toto hoc biennio,  
„ & *Cameracii* anno proxime actō,  
„ in omnibus meis ægrotis, qui in-  
„ numeri fuerunt, nullum præsen-  
„ tius ac salutaris, reperi, ipsa lar-  
„ ga & tempestitiva sanguinis missione.  
Addidit ad hæc Historias variorum  
pestiferorum, quibus aut Bubone,  
aut Anthrace, aut Petechiis, five ca-  
rentibus, five scatentibus, multarum  
librarum sanguinis detractio vitam  
servavit. Inter multos alios Reveren-  
dissimum Episcopum *Sisternensem*, suum  
Nepotem, ab exitio redimere nisi  
octava, eademque larga, venæ sectio-  
ne non potuit. Concludit asseveran-  
do „ febrem nullam pestilentem esse,  
„ cui non conveniat æque, vel po-  
„ tius magis, Missio sanguinis, quam  
„ Synocho putridæ.

Neque solus *Botallus*, sed ejus coætaneus *Ludovicus Septalius*, in peste *Mediolanensi* ann. 1575. & 1576. secuit venam pestilentibus: in eo tantum adhuc vernalis Scholarum affecla, ut primo multum interstingeret inter pestem, quam caritas genuisset annonæ, aut quam afflasset contagium; phlebotomiam in illa impermissam, in hac vero necessariam, esse ratus: ut secundo necdum eam, quam & *Botallus*, & postmodum *Riverius*, sanguinis copiam detrahare auderet.

Præcipuum autem argumentum, quod *Septalium* permovit, ut adversus Scholarum doctrinam Venam tunderet, suppeditavit observatio, qua vidit, convictusque manifesto fuit, erroneam eam esse, falsamque doctrinam, quam propemodum tenebant omnes, quæque statuebat Pestilentium debilitatem non a suppressis,  
sed

sed a concisis, confractis, perditisque  
viribus oriri. „ Quid æque sangui-  
„ nem evacuabit, ait, peccantem  
„ in toto corpore, tum & dolorem  
„ illum intensissimum mitigabit, qui  
„ sæpe vires dejecit, maxime cum  
„ partem nobilem obtinuerit, tum  
„ & materiem evacuativa revulsione  
„ a parte retrahet?

„ Sio hac in re, ut & in supe-  
„ rioribus experimentis certari, &  
„ contrariis quidem: ego vero in  
„ illa Peste insigni 1575. & 1576.  
„ nostræ hujus magnæ civitatis, pro-  
„ fiteri possum, ex octo illis Medicis,  
„ quibus peste infectorum erat cura  
„ demandata, inter quos & ego unus  
„ eram, cum unus aut alter Venæ  
„ sectionem in suis ægris averfare-  
„ tur, *Fracaſtorii*, & aliorum dogma-  
„ tibus insistens, nec ex sententia  
„ curationes succederent, mutata  
„ sen-



„ sententia, aliorum exemplis & fe-  
 „ licioribus successibus utique exci-  
 „ tati, quam præstaret sanguinem  
 „ evacuare, tandem cognovere.  
 „ Unde etiam communi consensu in  
 „ Peste hujusmodi nobile remedium  
 „ nullo modo prætermittendum esse  
 „ decreverunt. „ Forte loquitur de  
*Botallo*, ejusque fratre; de *Marescotto*,  
 aliisque; qui phlebotomia pestilen-  
 tioforum tunc temporis clarebant:  
 nondum tamen eorum tam celebra-  
 te, quam successu, eo usque persua-  
 sus, ut sectionem venæ æque largam,  
 atque illi, institueret; minus repre-  
 hensibilis, si quod copia defuerit,  
 suppleverit frequentia.

Coætaneus tandem *Sydenhamo*,  
*Michael Smapio*, scripto reliquit nobis,  
 in peste anno 1679. *Viennam* dire po-  
 pulante, in Palatio Principis Celsissi-  
 mi *Radzivil*, *Poloniæ* apud Augustum  
 Cæsa-

Cæsarem Oratoris, contigisse, ut quotquot vena secta esset, hi peste emergerent; utque peste perirent, quibus secta non esset: qua notabili observatione Autor urfit lectores, ut demonstratam a *Botallo*, atque *Sydenhamo*, veritatem amplecti non vererentur.

§. II. Nihil ergo novi in curam pestilentiosam invexit *Thomas Sydenhamus*, falsoque aut *Paradoxus*, aut *Heterodoxus*, aut *Neotericus* habetur. Illustrans antiquorum complurium doctrinam, eamque luculentissimis testatissimisque exemplis confirmans, ut Capite posteriore patuit, magnam inivit generis humani universi gratiam, æternamque meruit memoriam. Hæc novis argumentis multa postmodum probabunt, præmissa primum necessaria observatione.

Vix eæ capi rationes possunt , quæ Coetum Medicorum plurium sæculorum universum permoverint , ut tempore pestis in Phlebotomiam, veluti in populatricem artem, generisque humani destructricem, tam asperis vocibus moti sint , tam diro infecti calamo , tantisque debacchati clamoribus. Si enim paucos exceperimus, *Mercatum, Mercurialem, Forestum, Massariam, Z. Lusitanum, Sennertum, Ballosium &c.* qui aut primis sive horis, sive diebus morbi, parcam admiserint venæ sectionem, aut plethorico admodum in corpore, aut notabili adjuncta partis nobilioris inflammatione , concesserint eandem ; omnes fere cæteri, quorum nomina in hoc opere toties recensui, citra vel minimam exceptionem illam condemnarunt. *Fallopium, Hildanum, Platerum, Paræum, Mindererum, Barbette, Diemer-*



merbroeck, Sorbait, Walschmid, aliique complures, diserte scribunt, aut cunctis, aut pene cunctis, exitio phlebotomiam fuisse. Idemque Pestis Historiographi confirmare videntur. *Bernardinus Christini* in *Historia Pestis Romanæ* anni 1656. adeo perniciosam eam fuisse notat, ut Eminentissimus Cardinalis *Gastaldi*, rerum tunc temporis ad pestem spectantium Director, summusque Præfectus, dixisset jam *Gabrielis Fallopii* observationum patere veritatem, historiæque, quam *Fallopius* tradiderat, Medici cujusciam, qui in milliario hominum numero cum venam in peste tudisset, in vita vix binos servasset. *Muratorius Libr. II. Cap. IV.* perhibet in peste *Mutinesi* anni 1630. typis editam Admonitionem fuisse, quæ assereret experimento multiplici, variis in urbibus capto, Phlebotomiam, Alvique purgationem,

A a 2                      nem,

nem, & absolutam cunctis intulisse necem, & probabiliter numerosos illorum, qui ceterum servati fuissent, sustulisse.

Jure itaque suo mei me Lectores rogabunt, ut ex enarratis suspicio est, an forsan a varia morbi aut die, aut hora, Venæ sectionis infortunium, fortunave dependeat? 2<sup>do</sup> An a natura cum Nationum, tum Temperamentorum, tum quoque consociantis forsitan se alicujus cum Peste morbi, diversitas adplicati auxilii petenda sit? 3<sup>tio</sup> Num varia prorsum Pestis natura, sive genius, adhibitorum præsidiorum & varios efficiat, & oppositos effectus?

Primam quæstionem solvere quidem conati sunt *Mercatus*, *Mercurialis*, *Massaria*, *Z. Lusitanus*, *Capivaccius*, *Gemma*; præcipue vero *Sennertus*, & *Forestus*: ita quidem ut hic intra pri-  
mas

mas duodecim invadentis morbi horas, ille saltem ante Nuc̃themeri elapsum spatium, proficuum censuerint phlebotomiam, ultra id tempus neutiquam. Sententiam confirmare suam posterior annititur exitio universorum, quibus in peste *Delfensi* anni 1559. post elapsum diem naturalem tunsa vena fuisset. Hanc vero explicationem explosere *Paræus*, *Barbette*, *Hildanus*, & præsertim *Diemerbroeckius*, asserentes priores duo in suorum temporum pestilite iterata, hic in *Neomagiensi*, absolutum omnium Venam sectorum interitum.

Aliam problematis solutionem periclitatus est *Sydenham*, observata morte eorum omnium, quibus in peste *Londinensi* missus sanguis fuisset, exorto jam aut Bubone, aut Anthrace, aut Exanthemate: at vero, extantibus jam hisce omnibus, Venæ se-



ctione eripi e mortis faucibus pestilentes, numerosis experimentis demonstrarunt *Septalius*, *Botallus*, *Riverrius* &c. ut supra patuit.

Hucusque igitur determinatum Phlebotomiæ tempus non videtur ejus in causa sive perniciiei, sive salutis esse.

Alterum problemaolvere annis idem *Sennertus* est, una cum Eminentiss. Cardinali *Gastaldi*, *Pestaluzzi*, *Fornès*, & aliis. Dum enim *Sennertus* legisset fortunatas *Septalii* in peste *Mediolanensi* factas per sanguinis missionem curas, populi *Mediolanensis* Plethoram censuit in causa esse insectæ mortis non secta vena; eadem vero secta, redivivæ salutis. Nunquid bene? Profecto quod *Sennertus*, quemadmodum *Germanos* suos, voraces homines, & potatores, multum plethoricos experiretur, tales & cives *Medio-*

*diolanenses* esse censuerit, in eo experientiam non consuluit. Verum hac etiam ipsi concessa temperamentorum oppositæ natura gentis paritate, perisse saltem *Septalius* cum sociis suis adnotasset eos, quibus Vena non plethoricis secta fuisset, & cum ceteris observatis suis cum posteritate necessario communicasset. Sed præterea, an tempore *Cristini*, eoque *Fallopîi*, nullus civium *Romanorum*; an in diebus *Paræi* nemo *Gallus*; an *Diemerbroeckio* florente, ne unus quidem *Belga*, plethoricus erat, eo quod vel omnes, vel prope omnes, vena in peste tusa, interirent?

Ad alteram *secundæ quæstionis* partem, num scilicet inflammatorii morbi in peste aut præsentem, aut absentem, curam Venæ sectionis salubrem, letalemque efficerent? *Sennertus* idem, multique alii, arbitrati sunt, differen-

tiam hanc petendam esse a symptomatis inflammatoriis five Meningum Cerebri, five Pulmonis, five Laterum, Viscerumve abdominalium; ita ut, qui talia paterentur, venam quidem secarentur, verum cum non ob pestem, sed ob inflammationem facti essent, passim reconvalescere.

Hoc ipsis concedere arduum est. Si & Pests corpora torquet, & inflammatio, materiei pestilentis progenies, duo morbi occupant illa, quorum alteruter par est necando. Alter horum Phlebotomiæ frequenter cedit, adeoque eam poscit: alter autem, unanimi ipsorummet sententia, in mortem Phlebotomia ruit, ac propterea hanc repudiat. Quid tandem proderit sic a morbo inflammatorio curari, ut simul ratione pestis infallibilis sequatur letalitas? Quod autem ipsa pestis materies sanguinem  
phlo-



phlogisticum efficiat, observatum reliquorum inflammatoriorum Morborum in Peste silentium, sæpe observatum, evincit abunde. Ita ut non magis hujus, quam prioris problematis, admittenda, approbandaque solutio sit.

Ad tertiam *secundæ quæstionis* partem dico, Nationum quidem differentiam in morbis contrahendis non raro deprehendi, & vel modicam eandem, vel eximiam esse. Prout ex *Italorum* Scriptis & Narrationibus concludere fas est, Pleuritis ac Peripneumonia & crebrius, & maturius *Italos* conficiunt, quam plures alias Nationes. Vulnere Capitis alia atque alia in Regione curatu sive facilia, sive difficilia esse, præclarorum Chirurgorum scripta testatum reliquere. Hydrops in regione sicca calidaque cum rariores sunt, tum curabiliore,

A a 5                    quam

quam in humida frigidaque: verum hæc licet sponte fassi, non ideo hæc per experimenta in Peste patere persuasi sumus. In peste *Mediolanensi*, quæ est moderatioris Cæli Regio, in ea *Florentiæ*, quæ calidioris aëris civitas est, in illa *Siciliana*, quod Regnum, ardenti *Africæ* vicinum, peræstuosum est, in *Gallia* multo frigidiore, in frigida *Anglia*, *Belgioque*, apud gelidos populos *Boreales*, neque Pestium naturæ multum differunt, neque præsidiorum effectus. In *Actis Lipsienbus* anni 1727. video notissimum *Timoni* magnam asserentem paritatem pestis *Constantinopolitanæ* cum ea *Neomagiensi*, quam apud *Diemberbroeckium* legerat: convenit quoque cum peste plerarumque *Europæ* Regionum *Algerina*, cujus supra memini. Si itaque neque Pestes ipsæ inter sese differant, si quoque Venæ sectio æque in calidis,

dis, quam in moderatis, quam in frigidis Cæli plagis, homines a morte eripuerit, non video a Nationum differentia aliquam demonstrari ratione pestis disparitatem.

*Quæstio tertia* proponebat an Pestis alio atque alio tempore haud esset mutata, sic ut præ mutata ejus natura Phlebotomia, quæ prius a morte vindicaverat hominem, eundem nunc præcipitaret in mortem, viceque versa?

Si in singula quaque Peste, diversis in locis, diversisque grassata temporibus, Phlebotomiæ sive occidentis hominem, sive fervantis, adornata Historia esset, responsio facilis daretur; quæ nunc aliunde quærenda. Observationes factæ sunt in eadem pestilentia, in qua Medici, atque Historiographi, & curam debiti sudoris,



doris, quæ illis acceptior familiariorque erat, & curam Missionis sanguinis, quæ huc usque rarior, pari encomio extulerunt. Non videtur ergo a diversa Pestis natura diversæ methodi pependisse effectus. Quod vero plus stringit, in Peste *Florentina* anni 1630. 1631., notante *Muratorio*, Medicus *Rondinelli* suas curas jactabat, Theriaca factas & Oleo *Magni Ducis*; quod quid revera esset non exposuit quidem, calidioris autem naturæ esse docet, quia comparat cum oleo dicto *Mathioli*. Porro hoc utroque remedio egregias laudat virtutes in iis, quorum non nimis ardens esset pestilens febris: dum ipsissimo tempore, locoque, *Filibertus Marchinus* methodum *Panormitanam* sibi præclare cessisse testaretur; *Panormitanorum* porro Methodus plane antiphlogistica erat, Emulsis constans, Lacte, Limoniorumque succo.

fucco. Auxiliorum ergo, natura oppositorum, laudati utrinque effectus, tam in eadem ejusdem loci temporisque peste, quam in diversa locorum temporumque, præterquam quod responsum tertium 2<sup>do</sup> Quæstionis confirmat, abunde docet ejusdem semper naturæ pestem esse, neque ex natura sua mutata efficere, ut antiphlogistica Methodus uno tempore juvet noceatque alio; siquidem tam in eadem, quam in diversa; tam in eodem anno, quam in remoto integro abinde sæculo, ex æquo profuerit.

Si itaque neque a varia morbi aut hora, aut die, qua facta Phlebotomia fuerit; neque a diversitate sive temperamenti, sive adjuncti morbi, sive regionis; neque tandem ab ipsa Pestilentia natura, phlebotomicum hoc dissidium exponi, componique possit; nihil reliqui est, nisi ut Medici, in  
peste

peste *Muratorii* salubre ac providum consilium sequuti, experimenta hæc accuratius ad incudem revocent, magnique *Sydenhami*, aut meram curam antiphlogisticam, aut eandem hidrotica mistam, sedulo imitentur; quo tandem num ceteris præferenda, postponendave sit, liquido constet.

Et sane multæ eo nos adigunt, gravesque rationes. Sudatoria Methodus ab omni ævo præcipuas in Peste egit partes; rariore admodum aut tempore, aut loco, aut ægrorum in numero, moris Phlebotomia fuit; rarissimo composita *Sydenhami* methodus: interea Necrologia docent singulis fere pestilentiis pestilentiosorum numerum longe maximum occubuisse fatis. Relinquantur ergo ut qui medendi modus institutus quidem longe rarius, verum a summis Viris multo præstantior inventus est, univer-



universalius postmodum, accuratius-  
que admoveatur. Sed de hac re mox  
pluribus.

## SECTIONIS II.

### CAPUT SEPTIMUM.

#### DE SCARIFICATIONE PESTI- FERORUM.

---

§. I. *Animadversio in omnes fere Medicos, qui Phlebotomiam damnantes in Peste, Scarificationes tamen, nec non Hæmorrhagias nasales, hæmorrhoidales, uterinas, imo ipsos Fonticulos, impense laudaverunt. Conclusio inde, & augurium felix.*

§. I. **I**nvitus hujus Capitis materiem, coactusque, aggredior. Vereor enim ne, quæ scripturus sim, Arti nostræ minus decora videantur;  
neve

neve contumeliosi in Medicinam, quæ longe maxima mortalium, Eruditorum saltem, pars est, convicia in illam congerant. Honesti tamen Viri est ea, cujus publicam salutem interest, candide pandere.

Medici omnium, etiam remotissimorum sæculorum, in dies usque nostros, qui vel dubitanter, scrupuloseve, vel audacter & ignominiose, de Venæ sectione in Pestilentia scripserunt, omnes, si ex universa illorum serie vix unum alterumve exceperis, unanimi voto admittunt, laudant, commendantque eam sanguinis evacuationem, quæ scarificando fit; idque sic, ut qui ad certam diem horamque ita limitaverant Phlebotomiam, ut mortifera postmodum esset, hanc quovis morbi tempore concesserint: ut qui Venæ sectionem non, nisi & parcam, & raram admiserant,

Scari-

Scarificationem & profusam suaserint & crebram: ut tandem omnes, qui ideo Venæ sectionem damnaverant, quod vires, quas debiliores percipere pestiferi solent, prorsum conjiceret, jam deposito quovis debilitatis, a perdita cruoris copia oriundæ metu, scarificando corpora sanguine evacua-  
verint frequenter, abundeque.

Scarificationis hujus Advocatos enumeraturus, deberem cunctorum pene nomina recensere, qui unquam de Peste commentati sint; *Galenī, ajo, Oribasii, Æginetæ, Fracastorii, Foresti, Mercati, Lommi, Fernelii, Mercurialis, Capiwaccii, Willisii, Riverii, &c.* ita ut in tota Bibliotheca medica vix duos, tresve inveniatis, qui dubii de illa scripserint.

Interim pluribus ineptum, risu-  
que dignum videbitur, debacchari in-  
missionem sanguinis, eamque laudare;



necis indubiam appellare causam, & vitæ servatricis ornare encomio.

Annuerem illis, nisi Viri hi præclari justam tantæ discrepantiæ rationem existere autumassent. Quotquot illorum consulueris, uno ore cuncti respondent *primo*, Phlebotomiâ a peripheria corporum ad centrum liquida trahi, scarificatione neutiquam. *Secundo*, Pestiferis, cum passim sufferant ingentem debilitatem, Venæ sectionem, quod vires demere soleat, detrimentosam sum mopere esse; cum augendo debilitatem, tum vires ad expellendum percutem venenum minuendo: Scarificationem e contrario vires non infringere ægrorum; adeoque hanc in projectarum corpore virium tutam, perniciosam alteram esse.

Primam hanc rationem ex *Galeno* probant omnes, licet non desint in-

ter Venæ sectionis in peste instituen-  
dæ Patronos, qui contrariæ prorsum  
sententiæ *Galenum* fuisse asseruerint.  
Quid si *Galenns* docuerit utrumque?  
Sane *Septalium* haud inepte probare  
voluisse arbitror sententiam a *Galeno*  
traditam utramque fuisse, priorem  
*Lib. VI. de san. tuend. Cap. IV.* poste-  
riorem *cap. X.* Et *Galenum* in eruptio-  
ne nigra morbi sive pestilentiosi, si-  
ve perquam maligni, Phlebotomiam  
necessariam judicasse *cap. VI.* ostendi.  
Profecto nihil evidentius est. Si æger  
vera debilitate laboraret, quo plus  
illi demeres cruoris, eo potentius  
motum cordis, arteriarumque, ab  
intimis corporis penetralibus versus  
ejusdem circumferentiam imminueres,  
ita ut demum roseum ejus colorem  
pallor exciperet, caloremque algor.  
At vero si homo debilis est a copia  
sanguinis, arteriarum cordisque vir-

tutem superantis, illique, verbi causa, miasma aut variolosum aut morbillosum, vix figere sedem in cute queat, sanguis de vena fusus, idque forsan iterato, restaurans amissum eo usque vasa inter & humores æquilibrium, efficit ut brevi corporis universa superficies harum papularum alterutra contegatur. Vere itaque *Galenus* docuit Venæ sectionem & adducere ad cutem, & abducere: Medici vero in Phlebotomiæ a cute abducentis *Galen*i doctrinam, quam in adducentis sententiam, proniores, inique sane eam in percuranda Pestilentia proscripserunt.

Negaverunt autem abducentem Phlebotomiæ proprietatem in Scarificatione deprehendi. Quo vero fundamento? In scarificatione æque arteriæ fauciantur, quam venæ: innumeris utrarumque ramulis vulneratis,

pro-



profilire sanguis solet lentior quidem, sed admotione cucurbitarum protractione copiosus; copiosum autem in peste volebant. At vero quemadmodum in Phlebotomia fit, ita & in Scarificatione: fit revulsio a remotiore parte, & in propiorem attractio. An quia lentior fluor, ideo non avertit a superficie corporis? Et revellere illum censeo, & derivare, uti de Venæ sectione dictum; prout vera adest virium projectio, aut mentitia. Verum an quod hic una ex arteriis sanguis fluit, ideo minus a cute ad interanea venenum rapit? Cor non minus debilitabitur jactura emissi a se per arterias cruoris, quam ejusdem ad se per venas redituri defectu. Cumque perpetuo damnarent sectionem Venæ, si attendissent se Venas innumeras scarificando tundere, hanc

præ illa debuissent in peste proscribere.

Alteram rationem a debilitate petierunt, quam ajebant a Phleboto-mia gigni, hancque ideo perniciosam Pestilentiosis esse, quod una cum peste ingens virium debilitas illos invaderet. Huic autem opinioni partim mox responsum est, partim Cap. VI. Teste Sydenhâmo, Practicisque universis, nunquam illa commentitia debilitas, ex æquilibrio inter solida & fluida, ratione exabundantis fluidi turbato nata, felicius in requisitum robur transit, quam liberiore effusione cruoris: hæc porro debilitatis, in veram falsamque distinctio, minus notata Veteribus, multisque Recentiorum neglecta, plurimos leto dedit.

Conficere igitur ex omnibus de-beo, quæ adsit in Peste debilitas, ea-que crebro ingens, hanc ab humo-  
rum

rum five copia, five, quod effectu eodem redit, rarefactione, oriundam esse: nocuisse propterea Phlebotomiam in tot Pestilentiis, quod & rara illa, & parca, institueretur; id quod in Acutis, etiam non pestilentibus, quotidie observari datur. Hinc secundo, unanimi cunctorum voto laudatas scarificationes esse, quod cum falso crederentur neque a peripheria ad centrum convergere humores, neque nocere, frequentes licet, abundantesque adhiberentur, ingentem solverent humorum de corpore copiam, sicque & simulatam debilitatem emendarent, & naturam coctioni aptarent. Omnis Pestis historia, tam operose hucusque relata, hanc conclusionem nobis necessario format, quam suo tempore *Septalium* & *Riverrum*, formantes audivimus.



Confirmant eandem haud pauca, quæ visa sunt Autoribus, qui illa tradiderunt, paradoxa.

Ac primo quidem *Plateri*, *Phlebotomiæ* in pestilentibus osoris, testimonium, Cap. VI. relatum: „ Licet „ extremum ex illa (*Phlebotomia*) „ facientes remedium, tam copiosa „ sanguinis emissionem facta, ut animi „ inde sequeretur deliquium, se multos liberasse fateantur, & nullam „ aliam nisi vehementem sanguinis „ detractionem probent.

*Secundo*, testimonium *Angeli Belli-chochi*, cujus de Peste conscriptum italicè libellum nobiscum communicavit *Joachim Camerarius*. Pestem Venetam anni 1576. describens; eandem scilicet, de qua egit *Hieronymus* uterque *Mercurialis* & *Capivaccius*, „ depre- „ hensum similiter fuit, inquit, tum „ maculas, sive, petechias, nigras „ de-

„ deteriores fuisse , quam est Car-  
 „ culus , vel Bubo ; quod in aliis Pe-  
 „ stilentis contrarium observabatur ;  
 „ illisque Venæ sectio admodum no-  
 „ cuit. Hucusque convenit cum duo-  
 rum laudatorum Virorum opinione:  
 en autem quid illi extorsit Veri amor :  
 „ sic applicatio Hirudinum ad hæ-  
 „ morrhoidas venas *plurimum profuit.*

Tertio , in peste non modo Phle-  
 botomiam , sed cum *Minderero* , aliis-  
 que , & narium Hæmorrhagiam , &  
 Catamenia feminarum , damnans *Die-*  
*merbroeckius* , abesse tamen non potuit  
 quin traderet posteritati observatio-  
 nem , quæ illum profecto , ni præju-  
 dicata Veterum opinione abreptus  
 fuisset , in veram pestis , ejusque cu-  
 ræ , perduxisset notitiem. „ Qui pe-  
 „ stem , inquit , anni 1568. descri-  
 „ bunt , testantur tum temporis fe-  
 „ bres pestilentes fluente ex naribus

„ Sanguine copiosissimo , eoque flo-  
 „ rido , maxima ex parte fuisse judi-  
 „ catos ; & quamvis ad Leipothy-  
 „ miam usque proflueret , fere omnes  
 „ tamen , quibus hæc crisis accede-  
 „ bat , fuisse sanatos.

Quarto , *Paræus* hostis Venæ sec-  
 tionis in peste implacabilis , *Paræus* ,  
 ajo , qui evacuationes quascumque  
 sanguinis damnabat , tamen *Libr. XXI.*  
*Cap. XXV.* largioris narium hæmor-  
 rhagiæ emolumenta contemplatus ,  
 eandem aut narium scalptu , aut vali-  
 diore emunctione , aut setæ equinæ  
 irritatione , *profusam* in Peste provo-  
 care hortatur.

Quinto , An forte huc quoque  
 quidquam confert *Hildani* , omnis eva-  
 cuationis in peste proscriptoris , ob-  
 servatio , *Cent. IV. obs. 23.* „ Nemi-  
 „ nem , quod notandum , eorum , qui  
 „ Fonticulos in cruribus & brachiis  
 „ ha-



„ habuerunt, præter unum aut alte-  
„ rum summe cacochymicum, peste  
„ obiisse memini. „ Quamvis enim,  
quæ inde fit, modica fit, lentaque  
evacuatio, quia tamen & perennis  
est, & ejus auxilio humorum fit ju-  
gis ad hos locos determinatio, pri-  
mordia infectionis una eliminare de  
corpore potest. *Hildanus* in hac peste,  
scilicet *Lausanensi*, uxorem suam cu-  
randam habuit, filios duos, totidem  
filias, unamque famularum. Hanc,  
filiasque, sublatas peste luxit, filios  
cum conjuge servavit, ipseque per  
omnia sospes „ proinde Fonticulum  
„ præsentaneum Præservativum esse,  
„ inquit, tempore pestis, cum in  
„ aliis multis, tum etiam in memet-  
„ ipso, observavi. Ego enim duos  
„ habeo, alterum in brachio sinistro,  
„ alterum in poplite dextro.

*Diemberbroeckius* cum in Historia  
 CX. similem curam felicem notasset,  
 sic perrexit: „ Fonticulos ad præser-  
 „ vationem a peste inter præstantissima  
 „ auxilia semper habuimus, & mul-  
 „ toties observavimus, si quid vene-  
 „ ni jam intus conceptum esset, illud  
 „ per eosdem vel sponte naturæ, vel  
 „ medicamentorum ope, insigniter &  
 „ cito evacuatum fuisse; quod ex  
 „ prædicta Historia manifesto liquet.  
 „ Illud ipsum de Fonticulis ab expe-  
 „ rientia testantur etiam *Mercurialis*,  
 „ *Hercules a Saxonia*, *Georgius*, *Hilda-*  
 „ *nus*, *Joannes Arculanus*, aliique ma-  
 „ gni Practici. Potior itaque Auto-  
 rum aut Historiographorum pars  
 hoc Fonticulorum privilegium confir-  
 mat; pars minor dubium habet; mi-  
 nima negat.

Si itaque Venæ sectiones cum mo-  
 dicæ, tum raræ; si rarus sanguinis  
 aut

aut per nares, aut per uterum, aut per hæmorrhoidas fluor, a morte non vindicaverint pestilentes; si & abundans, & frequens idem sanguinis fluxus, five de fauciata per lanceolam vena, five de quocumque alio excretorio loco, exitio pestiferos eripuerit; nemo, opinor, hanc meam conclusionem inique feret, statuentem Pestem morbum esse, in quo vel Rarefactio, vel Moles, Plethoricos humores efficiens, debilitatem veram non faciat, sed simulet: adeoque sanguinis missionem quamcumque, sed abundantem, sed frequentem, sed usque in notabilem morbi emendationem iteratam, palmarium esse pestis præsidium.

Hanc porro conclusionem solam, & minime illi contrariam, posse me, debereque conficere, ex testimoniis omnium Autorum, haud secus Phlebo-



---

398 SECTIO II. CAPUT VII.

---

botomiæ oforum, quam patronorum, quos adeo numeroſe operoſeque laudavi, facile quiſque per ſe perſpicit. Mihi quippe, cui divina clementia non contigit unquam terribile id Cæli flagellum propius intueri, tacendum fuit in hoc Opuſculo: eorum vero unice loqui fuit, qui calamitoſis iſtis interfuiffent temporibus; qui peſtiferis adſtitiffent; qui peſtem in pelle propria efflorefcentem, propriaque viſcera urentem, experti eſſent; qui eandem luminibus ipſi ſuis contemplati eſſent, auribus hauſiffent, tolerare in ſe ſuiſque debuiffent; denique qui fideli calamo, ſinceraque mente, hæc & chartis mandaffent, & ſeris dicaffent, confeccaſſentque, nepotibus.

Absoluturus hoc caput, auguror fore, ut brevi omnes Medici laudatas hucusque ſanguinis evacuationes  
in

in peste admissuri facile, suoque comprobaturi calculo sint, si Bibliothecam Medicam de Variolis & Morbillis sic consuluerint, ut eandem ego de Peste consului. Nonne enim ab omni ævo eadem argumenta Viri spectatissimi protulerint, ut ostenderent Phlebotomiam in Variolis, Morbillisque, periculi plenissimam esse? An ulla Medicorum sententia, aut graviore autoritate proposita, aut religiosiore observantia culta fuit? Ji vero, qui excutere jam ceperant scholarum pulverem, quam titubanter processerunt, quam meticuloſe, quam sæpe retrograde! Bonus *Diemerbroeckius* in sua Variolarum ac Morbillo-  
rum Historia, Venæ sectionem tandem concedens, ab illa primum pue-  
ros excludit, neque eam admittit in Adultis, nisi hi & plethorici fuerint, & nulla experti papularum rudimen-  
ta,

ta. Cum itaque horum morborum per bonam Phlebotomiam cura longe tutior, salubriorque, reddita sit, exant-  
tatis a præclaro *Sydenhamo*, ingenti-  
que *Boerhaavio*, laboribus; cumque  
variolarum Inoculatoribus ipsis Artis  
nostræ hac in parte perfectionem lon-  
ge majorem debeamus; cum tan-  
dem meliora certioraque cum edocti,  
tum experti, scholæ antiqua argu-  
menta contra Phlebotomiam in Va-  
riolis haud minus inepta, quam per-  
niciosa esse deprehenderimus; vix vi-  
deo, cur ratione, experientiaque ce-  
leberrimorum Medicorum, qui san-  
guinis missioni in Peste patrocinati  
sunt, ejusdem in Peste & parem, &  
majorem necessitatem demonstrari,  
tandem omnes non agnoscamus.



## SECTIONIS II.

## CAPUT OCTAVUM.

DE HIDRAGOGA METHODO.

---

§. I. *Methodus damnanda, tam rationis pondere, quam eodem argumento, quod olim in laudem Phlebotomiæ prolatum est: testimoniis enim litigantis utriusque partis collatis, constat proleſtis in Peste sudoribus, longe maximum infectorum periiſſe; metodo autem antiphlogistica ſervatum eſſe longe maximum numerum. In Sydenhami altera metodo tamen non rejicitur. Hæc altera Sydenhami methodus ante ipſum multis jam probata fuerat. Hecqueti de opio in Peste ſententia non eſt veriſimilis.* §. II. *De Purgante & Emetico in Peste hic agere neceſſe non eſſe oſtenditur: ſed Lectorum attentio excitatur in*  
Pars XIV. C c Pro.

*Problema positum a Cl. Mortonno de utilitate Corticis Peruviani Pestiferis exhibiti.*

§. I. **N**on multis hic opus est, sanguinis missionis & abundantioris & crebrioris utilitate necessitateque demonstratis. Si tamen quis, aut ea, qua Sydenhamus, forte coactus, aut arbitrio suo motus, hydroticam methodum explorandam censet, is convictus hinc damni ineptitudinisque consuetæ methodi, illinc certus de Sydenhamianæ præstantia, unice hanc revocare ad incudem potest. In hac vero opera quærendum foret, sitne absolutæ necessitatis calidis aromaticis pellere sudores? Cum enim Sydenham hisce sudores pellens, pro temporum more, id, quod calore hæc medicamenta peccarent, cum Phlebotomia, tum refrigerantium potuum copia, correxerit, sicque

que profuerit; merito quæritur, annon præstaret methodo, quam supra laudavimus, *Panormitana*, fudorem elicere? Si Cl<sup>mo</sup> Viro *Fornès* fides, etiam multorum *Turcarum* hic mos est.

Confirmare hoc videtur *Diemerbroeckii* Historia XLII. cum ipsius annotatione. Copiosum Acetum, sive cum *Theriaca*, sive sine ea, sed cum sale marino mistum, sive etiam purum, *multos*, ait, eorum exitio eripuisse, quos emere pretiosiora vetabat egestas; pari modo quo *Sydenhamus* explicabat, cur a pessimis *Variolis* tam pauci divitum servarentur, pauperumque tam pauci perirent? In mea Juventute gens *Batava*, necdum oblita pestis, semper religiose, auroque contra carius, servabat acetum optimum, cui flores *Calendulæ* essent infusi, in proximum invadentis pesti-



lentiæ, sudore expellendæ, præsidium. Et veteris scholæ adeo tenax *Mindererus*, candide tamen asseruit, si oleo Vitrioli destitueretur, quî pestilentiam curaret, ignorare se prorsum.

Prætulit equidem calidas dictas officinarum confectioes, post multos alios Scriptores, *Cl. Hecquet*, idque contenti in iisdem Opii gratia, veluti & averruncantis pestem, & curantis. Merito clari in arte Viri generaliore hanc sententiam restrinxere. Et ut unicum modo argumentum proferam, quid evidentius hanc sententiam infirmat, quam *Thracum*, gentis opium copiosissimum continuo vorantis, Pestilentia præ cunctis mortalibus frequentissima, annuaque? Si quis autem pestis hujus perpetuitatem in gentis foecordiam, incuriamque, ne propagetur, referendam esse autumet, huic respondeo primo, si opio tanta, quam per-

perhibent, inesset prophylactica virtus, utique perpetua ejusdem ingluvies tutos a peste *Turcas*, securosque præstaret. *Secundo*, *Turcas* damnamus tam desides in peste, tam sinistros revelatæ divinæ Providentiæ interpretes; at vero illam horum desidiæ haud ita pro causa propagantis se pestis, agnoscimus, quin una eodem non-curantia sua progressum pestis, certo quodam modo, plus sistere, quam sæpe nos nostris sive præcocibus, sive præposteris curis, arbitramur. Legite *Ambr. Paræum*, inspicite *Chenottum*, revolvite præcipue fidelem cunctorum fere qui de peste scripserint, Autorum collectorem, *Muratorium*; excutientur vobis lacrymæ, eas & misérias, & calamitates, & planctus, pestisque attendentibus progressionem, quas bona intentione conditæ Leges, imprudenti,

ac immoderata executione, genuerunt: terroresque inde ortos, metusque ingentes; quos omnium scriptorum experientia, pestis cum fautores deprehendit, tum promotores: præterea inhumanos ægrorum neglectus, inauditam, qua tractentur barbariem, arbitrarias pestis, quæ sæpius non adest, suspiciones; inediam denique, & famem, quæ vulgò pestis seu verum, seu falsum rumorem, a tergo insequuntur. Annon gravissimis his incommodis exemptus *Thracus* est? Nonne ea fruitur animi corporisque tranquillitate, ea cum familiæ, tum necessariorum suorum auxilia, ea rerum requisitarum abundantia, ut plurimam partem ærumnarum ignoret, quæ & in Peste, & præter pestem ipsam, politiores *Europæ* nationes plerere solent? Utinam demum inter confusam, importunamque sollicitudi-



dinem, & Turcarum defidiam, medium inveniretur, quod tenerent beati! Utinam discerent eo modo reptabundæ luis cognoscere sistereque progressum, ut luctuosas populorum calamitates non augerent luctuosioribus! Publicæ salutis cura, haud secus christiana charitate, quam zelo illuminato animata, hanc exoptatam viam & inveniet, & capeffet.

Hanc animadversionem nobis extorserat *Hecqueti*, de opii specifica in peste virtute, opinio: *Hecqueti* ajo, viri ceteroqui nonnisi reverentia nominandi, Religionis, Virtutisque, haud secus quam Medicinæ scientia, cultuque, clari: quem licet, invitum forte, fervor disceptationis hinc inde a vero pauxillum abduxerit, pulcra tamen, quæ pari candore, ac sapientia, reliquit posteritati, merito æternitati consecrabunt: eumque ipsum cui ra-

tione opii in historia pestis consentire non debui, ad confirmandam meam mox prolatam animadversionem laudare debeo, ut qui anno 1722., *Tractatu Parisiis edito*, detrimenta salutis publicæ, periculaque, vivis coloribus depinxerit, quæ, in peste, *violenta*, seu *coacta*, gignant perpetuentque *Hospitalia*.

Ut autem e diverticulo in viam; cum sudatoria remedia ea, quæ communi more multos & excitant, & ingeminant sudores, minime prohibuisse constiterit, ne pestilentiosorum potior pars succumberet fato; quid causæ, quod a tot retro sæculis, in nostros usque dies, obtinuerit in Medicina principatum?

Causa hæc ab ea famosa Scholarum opinione petenda videtur, quæ a Centro ad Peripheriam (ut loqui amabant) movendos humores esse iis volebat in morbis, qui vitale robur  
fere

fere suffocantes, vario aut Phymatum, aut Exanthematum genere, cutem deturparent: unde in Peste, in quolibet Exanthematum genere, Petechiarum, Miliarium, Scarlatinorum, Morbillorum, Variolarumque, methodo hidrotica nihil solennius fuit: sic ut eadem instituta, & omnes crederetur mortis e faucibus eripuisse, quos reliquos fecisset pestis; & cuncta ea in mortuorum frequentia præstitisse, quæ salutem, si sperabilis fuisset, restituisent.

At vero quam vana hæc opinio sit, quam levis, quam detrimentosa mortalibus, quemadmodum ex prioribus constitit, sic & confirmatur ejusdem condemnatio laudatissima præstantissimorum Virorum praxi, qui *Sydenhami* ac *Boerhaavii* vestigia prementes, sanguinis missionem, eamque cum largam, tum repetitam, insti-



tuunt, quando Exanthemata quæcumque morbi conjunctam non habent remissionem: quique eadem sua methodo antiphlogistica, alimenti, medicamenti, atmosphæræ virtute, adhibita, ne Petechiæ, neve Miliæres eruptiones superveniant acutis, præpediunt; quemadmodum clarorum horum virorum & doctrina imbutus, & animatus exemplo, a tot retro annis haud docui duntaxat, sed demonstravi. Confirmavit hoc Responsio Academiæ Regiæ *Suevicæ* data, ad Quæstionem ab illa Academia anno 1769, proposita, & præmio ab illa decorata, *Quo pacto scilicet omne Miliarium genus tam in puerperis, quam in cæteris hominibus, & præveniri possit, & curari.* Ex lingua *Suecica* in Gallicam translata hæc Responsio est, editaque *Leydæ* 1770.

§. II. Purgationis & Vomitorii non memini hucusque, neque illis

Le-

Lectorem morari mens est; cum Medicorum plurimorum scriptis merito condemnentur, nisi excipias alteram Sydenhami methodum. Attentionem autem summam R. Mortoni observatio meretur, quam in *Appendice Libri de Proteiformi Febris continentis genio* pag. 160. communicat. „ Quotquot enim  
„ ex peste evaserunt, utpote mitior-  
„ re veneno infecti, vel robore spiri-  
„ tuum vegetiore præditi, quampri-  
„ mum Naturæ suæ sponte, vel ar-  
„ tis adminiculis, Bubones, Paroti-  
„ des, Carcinomata, maturefcentia,  
„ vel quævis alia Victoriæ monumen-  
„ ta, seu Trophæa, de hoste consti-  
„ tuere ceperint, singulis, vel alter-  
„ nis diebus, in seipsis percipiebant  
„ symptomatum Exacerbationes, &  
„ Remissiones, statis horis alterna-  
„ tim sese excipientes. Unde mini-  
„ me temeritatis incusandam esse cen-  
„ seo

„ seo *Facult. Med. Neapolitanam*, quæ  
 „ referente *Cl. Bado Anastas. Libr. I.*  
 „ *cap. 20.* etiam Corticem Peruvia-  
 „ num in Pestis curatione adhiben-  
 „ dum jussit. Siquidem ad hoc ipsum  
 „ venenum, quoties mitius esse con-  
 „ tingerit, delendum, & deinceps ad  
 „ curationem accelerandam, pluri-  
 „ mum conferre queat. „ Legendus  
 omnino *Viri exp. Chenot. de Peste liber*  
*v pag. 142. ad 146.* Inchoata ab illo  
 quædam experimenta, quæ perficere  
 temporum iniquitas vetuit, spem hu-  
 jus remedii in Peste satis cum mature,  
 tum copiose, adhibiti, non medio-  
 crem faciunt. Egregie igitur pro mo-  
 re *Hecquet App. de Peste cap. 77.* „ At-  
 „ qui turbationum sanguinis, aut fe-  
 „ bris exacerbationum, *Sedativum* sin-  
 „ gulariter præsidium, confessum om-  
 „ nibus, compertumque habetur *Cortex*  
 „ *Peruvianus*, cujus energia in Va-  
 „ rio-



„ riolosis febribus *Sydenhamo* nota fuit,  
„ *Mortonoque* comprobata; quin imo  
„ cujus potentiam adversus Malignas  
„ febres expertus apud *Italos* Medicus  
„ nobilis (*Torti*) illam opere singula-  
„ ri, singulariterque bono, evulga-  
„ vit: unde mirari subit quo malo  
„ artis, & ægrotantium fato, obli-  
„ vioni relictus fuerit bonorum tam  
„ dives fundus, ad felices curatio-  
„ num exitus, sub illa pestis feritate,  
„ (*Massiliæ*) quæ eruditissimos hodie  
„ lusit mendantium conatus, præsen-  
„ tissimaque temsit remedia. Anne  
„ discriminis plus ab illo medicami-  
„ ne impendebat, jam præclaro fe-  
„ lici suo curationum exitu, quam ab  
„ emeticorum, purgantiumque furiis,  
„ sudoriferorumque incendiis, qui-  
„ bus tandem ultimum *Vale* dicen-  
„ dum fuit?

## SECTIONIS II.

## CAPUT NONUM.

VARIÆ QUÆSTIONES ET OPINIONES CIRCA PESTEM RECENSENS ET EXAMINANS.

---

§. I. *An Pestis immediatum Dei flagellum? An in Africa, ac præprimis in Ægypto, ejus Natales? Num citra contagium affici Peste homo possit? Ipseque homo vera Peste laborans, an alios semper inficiat? An nasci possit a Brutorum Peste ea hominum? Numquid a solo metu; & quidem sic, ut non feriat impavidos? Tandem an a sordibus urbium, ædiumque?*

§. I. **D**e vera origine Pestis inquirentes Scriptores, haud minus Theologi, & Politici, quam Medici, 1<sup>mo</sup> quidem immediatum  
DEI,

DEI, vindicis malorum, flagellum esse, ex *Historia Davidis*, ex *Deuteronomio*, nonnullisque *Prophetarum* textibus, plures conficiunt. Hancque & Ethnicorum sententiam fuisse Liber 1. *Iliad. Homeri* docet. Fatemur OMNIPOTENTEM & comminatum populo prævaricanti pestem esse, & immediate illam immisisse; nondum id tamen evincit a DEO immediate immisas pestes tot sæculorum universas esse. Uti Pestem, ita Famem, Bellumque atrox, inque prælio Fugam, Exilium, & alia, ingratae, ac rebelligenti Israeliticæ, & comminatus DEUS, & executus est; communes tamen, & naturales horum causas intercurrisse intelligimus, quæ id, quod DEUS vellet, efficerent; Annonæ caritatem apud vicinos populos, a quibus id frumenti, quod sibi deesset, acquirere solebant, infelicioribus tem-  
po-



poribus, & id genus pluribus confimilibus; Principum idololatrarum peculiare in Judæos odium, mentem arrogantem, bellicosamque: quibus causis positis, id, quod interminatus Dominus erat, conſequebatur; quod Homerus in *Græcorum* peste pulcre expreſſit Διὸς δ' ἐτελείετο βελή.

2<sup>do</sup> In *Africa* quidem plurimi, hi autem in ejus magis Occidente plaga, illi in *Ægypto*, tetræ luis originem quærunť, quam commercii occasione in vicinioreſ, hincque in diſſitiores gentes, adveſtam arbitrantur. Judæorum cum *Africa*, ac potiffimum cum *Ægypto*, quod vetitum tamen a DEO, commercium, multarumque *Europæ* peſtilentiarum Historia hujus ſententiæ probabilitatem admittunt, verum haud omne dubium tollunt, ut ſequentia docebunt. Ac tandem quid cauſæ dabunt, cur in illis primi-

mi-

migeniis locis & nata primum, & perennis sit?

3<sup>to</sup> Ex laudatis prius scriptoribus haud plane singularis eorum opinio est, qui ejusmodi corruptionem in humano corpore nasci sponte posse autument, ut citra vel minimum cum pestiferis sive hominibus, sive rebus commercium, pestis oriatur: *Diemerbroeckius*, *Priscorumque* nonnulli, exempla narrant, quæ haud omnino improbabilem hanc sententiam reddant: neque sic nata alios infecisse videtur.

4<sup>to</sup> Quamquam centies observatum sit Animalis cujusquam Pestilentiam ejusmodi naturæ esse, ut in cæterorum Animalium nulla contagium transeat, inque hominem nullum; quia tamen nonnullæ pestes certæ cujusdam bestię sint, quæ ab hac in bestias alius atque alius speciei, alias post alias, transmigrant, pariter etiam

pestilitatem quorundam animalium in hominem & transire posse, & revera transiisse, cum aliæ ejus causæ non extarent, multi opinati sunt, eque Peste Brutorum, eam Hominum augurati. Incertam tamen hanc eorum sententiam esse pag. 300. No. 1. post multos claros Viros censui.

5<sup>to</sup> Quamvis absurda appareat, haud plane tamen solitaria ea sententia est, quæ ita pestem statuatur metu sui nasci, ut homo, excusso plane eo, Pesti impenetrabilis foret. Antiquorum quorundam hanc sententiam resuscitavit *Christianus Langius*, *Rivinum* laudans, ut qui ante se hanc esset sententiam tuitus.

Notemus opinionis *Langii* de *Causa proxima* pestis a communi sententia recessum: causam enim proximam neque ab aëre pestifero, neque a contagio, quacumque via contracto, verum,



---

rum, quod mireris, a solo terrore pestis oriri arbitratur.

Carens Rivini de Peste Lipsiensi anni 1680. opera, inveni tamen ejusdem Epitomen in *Act. Lips.* anno primo, scilicet 1682. Neque Rivinus hujus sententiæ se esse parentem gloriatur, sed eandem & G. C. de Heredia, in peste Hispalensi; & Petri a Castro, in peste Neapolitana, Romana, Genuensique; & Joannis Imperialis in peste anni 1630. & Gresleri in peste Brunswicensi, tandem & Hodgesi in Londinensi, fuisse. Sed his omnibus antiquiorem scriptorem invenio, Petrum Joannem Fabre, seu Fabrum; qui in sua Pathologia spagyrica non omnem quidem, sed aliquam pestem, mero terrori absque vel minima alia, seu aëris, seu contagionis admota causa, suos censet debere natales. Scribit in hoc opere Autor se longum amplumque

tractatum de Peste anno 1638. edidisse, quem apud *Lindanum*, tot viri opera recensentem, non magis quam ipsam hanc *spag. Pathologiam*, invenio: hanc possideo, non illam.

Gallicus Archiater *Chiconeau*, alii-que cum illo, occasione Pestis *Massiliensis* hujus quoque opinionis fuerunt: quos refellere cl. *Hispanus* Medicus *Fornès*, ac potissimum Rev. *Muratorius*, conati sunt. Ut vero pauca hisce addam; cur toties contigit eadem affici vel intrepidissimos, seu Medicos Chirurgosque, seu Sacerdotes, seu Assistentes, qui centenis casibus impune emerfi, demum, quemadmodum tot Historiæ fidem faciunt, sic a peste multentur, ut ea vel gravissime decumbant, vel pereant? Quis Sapientum, cum *Langio*, infanti, recens nato, veram dabit a Peste formidinem? Peste afficitur tamen, in-

te-

teritque. Sagax ille Medicus & intrepidus & audacissimus, ut Pesti ipsi dominari videretur, apud *Willisium* Lib. de febr. cap. 13. pag. 69. annon Peste demum periit ipse ? Notabilis Historia XXXVII. *Diemberbroeckii* est, & , quæ huc afferatur , digna : „ „ Eques notissimus *Schabbals*, homo „ fortis, audax & maxime temerarius, peste cum magna febre ac debilitate correptus, Bubonem in inguine & tres Anthraces in corpore habuit. A quibus omnibus malis cum optimi summi DEI auxilio sanatus esset, & jam rursus foras prodiret, nullas DEO gratias egit, sed satis impie gloriatus fuit, se „ ipsa peste nequiores, & fortiores „ esse, atque nec Pestis, nec Diaboli „ spicula ipsum quidquam afficere „ posse, imo se neque Pestem neque „ Diabolum curare. Audivit Altif-



„ simus impia impiissimi hominis ver-  
„ ba. Quid fit? Postquam cum reli-  
„ quis equitibus hostilia castra aliquo-  
„ ties explorasset, ( nam famosissimus  
„ erat Conductor, quem vulgo *Guide*, alii *Gidse*, appellant: ) tandem  
„ circiter quinta post perfectam sana-  
„ tionem hebdomade, rursus de no-  
„ vo peste correptus est, & ante diem  
„ sextum victrici pesti duram subjecit  
„ cervicem.

Nihil minus peste metuebat Phar-  
macopæus, Hist. LXXII. „ qui amu-  
„ leto arsenicali munitus semper ince-  
„ debat; pustulam rubram inflam-  
„ matam, sine dolore, cum levi pru-  
„ ritu in collo percepit, quæ mihi  
„ aliquid mali ominari visa fuit, ac  
„ propterea ad tempestivum Antido-  
„ torum usum ipsum exhortabar.  
„ Verum ille rem flocci faciebat, &  
„ toto corpore optime valens, con-  
„ fue-

„ fueta munia peragebat , bene ede-  
 „ bat, bibebat , ridebat , & hilaris  
 „ erat, nec quidquam mali fufpica-  
 „ batur , imo etiam me irridebat,  
 „ quod de periculo aliquo locutus  
 „ fuiſſem. In tali ſtatu circiter per  
 „ tres ſeptimanas vixit. Tunc de-  
 „ mum capitis gravitate, cordis an-  
 „ xietate, naufea, & debilitate, in-  
 „ feſtari cepit. Aſſumto Alexiphar-  
 „ maco, cui præter cætera Lapidis  
 „ Bezoar orientalis integra dragma  
 „ admixta erat , cum copioſius fu-  
 „ daſſet, nihil quidem allevatus fuit,  
 „ ſed prædicta puſtula in perfectum  
 „ Carbunculum tranſivit. Poſtridie  
 „ febris vehementior evaſit, vires ad-  
 „ modum dejectæ ſunt , denique  
 „ morbi violentia omnium Antidoto-  
 „ rum vim ſuperante , poſt triduum  
 „ e vivis exceſſit.

Tandem nemo horum, quos  
nunc ex *Diemberbroeckii Hist. LXXVII.*  
& *LXIV.* enarrabo, pestem metuit;  
ea tamen & impetitus, & mortuus  
est. „ Pater *Felicianus* Sacerdos, or-  
„ dinis *Franciscanorum* Monachus, vir  
„ doctus, & humanissimus, peste  
„ correptus est, cui vix ulla manife-  
„ sta febris adjuncta erat, ut nec  
„ alia gravia symptomata, præter  
„ solam & summam anxietatem, qua  
„ cor tanquam in prælo comprimi  
„ dicebat. Post sudorem copiosum  
„ Alexipharmaco provocatum, duo  
„ exiles Carbunculi in femore eru-  
„ perunt, etiam dolor in inguine  
„ perceptus est cum obscuro quodam  
„ tumore. Exhibui tria quatuorve  
„ sudorifera, & alia quoque antido-  
„ ta intermedio tempore dedi, verum  
„ his omnibus neque inguinis tumor  
„ adauctus, neque anxietas quid-  
„ „ quam-



„ quam imminuta est. Interea ta-  
 „ men vires egregie constabant, ac  
 „ valde parum dejectæ erant. Quar-  
 „ ta morbi die cum ipsum invise-  
 „ rem, totus vestitus erat, & circi-  
 „ ter horæ quadrantis spatio mecum  
 „ per cubiculum deambulavit non ti-  
 „ tubante gradu, sed fortiter, ac de-  
 „ confidentia in DEO, de non ex-  
 „ timescenda morte, de maximo &  
 „ flagrantissimo suo hinc ad saluta-  
 „ rem patriam migrandi desiderio,  
 „ multa notatu dignissima loqueba-  
 „ tur. Postea inter deambulandum  
 „ monstrabat mihi etiam sex septem-  
 „ ve Exanthemata purpurea, quæ in  
 „ brachio & pectore eruperant, &  
 „ rogabat qualesnam essent, & quid-  
 „ nam indicarent hæ maculæ? Re-  
 „ spondi esse mortis advenientis præ-  
 „ nuncias. Quo nuncio intellecto,  
 „ bonus ille Vir non minus gavisus

„ est, quam gratissimo aliquo dono  
 „ accepto, & statim cum gaudio in  
 „ hæc verba erupit: *jam liberabis ser-*  
 „ *vum tuum Domine, & videbunt oculi*  
 „ *mei salutare tuum facie ad faciem.*  
 „ *Fiat voluntas tua! Et, sit nomen tuum*  
 „ *benedictum in sæcula!* Tunc ego ipsi in  
 „ æternum vale dixi, atque discessi.  
 „ Postea retulerunt mihi adstantes,  
 „ qui illi inserviebant, quod statim  
 „ post meum discessum diceret: Sen-  
 „ tio me ab ambulatione aliquantum  
 „ delassari; & cum dicto lecti margi-  
 „ ni se imposuisset sedendo, atque  
 „ illico quasi in momento retrorsum  
 „ supra lectum cadens, expirasset.

Ipse autem *Diemberbroeckius*, qui  
 hic fidem præprimis meretur, quod  
 acatholicus, magni non faceret ca-  
 tholicos Sacerdotes, audiat in no-  
 ta ad hanc Historiam. „ Quod in  
 „ hoc ægro, illud etiam in nonnullis  
 „ aliis

„ aliis animadvertimus ; nempe in  
„ quibusdam peste laborantibus tan-  
„ tam *corporis fortitudinem* usque ad mor-  
„ tem fuisse, ut ambulantes, nec quid-  
„ quam minus, quam mortem me-  
„ tuentes, subito conciderint : ve-  
„ rum in paucissimis tantam animi  
„ fortitudinem, tantam in morte con-  
„ stantiam, tantum Vitæ æternæ ex  
„ intimo corde procedens desiderium  
„ observavimus, quantum in prædicto  
„ D<sup>no</sup> *Feliciano* & Socio ejus *Tiburtio*,  
„ nec non Patre *Gregorio*, ejusdem  
„ quoque ordinis Monacho ; qui tres  
„ summo cum gaudio mortui sunt, to-  
„ tumque mortis metum læta spe me-  
„ lioris vitæ omnino extinxisse vide-  
„ bantur. De Patre *Tiburtio* Hist.  
„ LXIV. jam dixerat eum Virum esse  
„ eruditione, humanitate, & vitæ pro-  
„ bitate, excellentem, cui mortem in  
„ peste prædixerit. Quod nuncium  
„ æger



„ æger cum maximo & incredibili gau-  
 „ dio excipiens, intra paucas horas,  
 „ tanquam ad nuptias iturus, lætus  
 „ obiit.

Pergit autem sic in sua Adn. *Die-  
 merbroeckius*: „ Non omnes, qui Vitæ  
 „ æternæ gaudia prædicant, ad illa  
 „ festinant, sed extrema necessitate in-  
 „ gruente, plerique diverticula quæ-  
 „ runt, & his, illisve mediis extre-  
 „ mam illam horam differre nituntur.  
 „ Sic Pater *de Bruyn*, Jesuita doctus,  
 „ cum peste correptus esset, maximo  
 „ mortis metu perculsus fuit, & tam  
 „ altum terrorem concepit, ut exhi-  
 „ bita remedia (quæ in nonnullis aliis,  
 „ sic affectis, quid fors egissent) plane  
 „ nihil operarentur ad salutem: tan-  
 „ dem omnibus nihil proficientibus,  
 „ cum ab exanthematum eruptione  
 „ mortem ipsi prædicerem, tres qua-  
 „ tuorve exiguas pixides de colla pen-  
 „ du-

„ dulas manuprehendens, ac cum  
„ indignatione irridens, dicebat: o  
„ inania fulcra, in quibus confisus sum!  
„ Quid jam mihi prodestis? Et paulo  
„ post cum magna desperatione obiit,  
„ immemor versiculi  
„ *Fer facilis, quod fata ferunt: si ferre*  
„ *recusas,*

„ *Ipsam te crucias, nec minus illa trahent.*

Igitur cum Schola universa lubenter admittimus formidine a peste eam & facilius contrahi, & difficilius tolerari; minime vero paucorum illorum opinionem, qui in tanta luce veritatis cæcutire velint, pestilentiam metu unice contrahi, intrepiditate autem, fidenteque animo, evitari statuendo, amplecti possumus.

6<sup>to</sup> Anglus Scriptor, cui *Ingram* nomen, ante 17. abhinc elapsos annos de Peste Tractatum edidit, quo pestium, a pluribus retro sæculis *Anglos* ador-

adortarum, historiam tradens, Luis hujus natales in *Thracia* & *Africa* quaerit, Vento austro humido ibidem nasci, boreaque extinguere censet, & inde contagium, mercimoniis arcte inclusum, in *Angliam* toties illatam esse agnoscit; at vero cum causa tunc temporis existeret, quæ ad pestem contagione advecta contrahendam prædisponeret, eaque causa nunc deficeret, morbum non ultra *Anglos* invasisse, nec facile invadere ultra posse, asseverat audacter. Hocque sic explicat, ut perpetuum esse statuatur contagionis afflatus, miasmate in locis, quotannis affectis, adeo intime cum multis mercimoniis compacto, commisto, ac confuso, ut earundem cum retardatio, tum expiatio, quæ per 40 dies fit, inepta prorsum sit, quæ inde totum contagium extricet: ut secundo bene considerandas esse arbitretur urbis

Lon.



*Londinensis* quondam & parvitatem, & sorditiem; ejusdemque post ultimam pestilentiam amplificationem, munditiamque: unde concludit hominum urbiumque majore munditie id consequi oportere, ut, licet & ventus australis humidusque sæpius in *Anglia* domipetur, & indelebile contagium ex infectis pestilentia plagis assiduo adsit, pestis tamen a plus quam sæculi spatium ignota *Londinensibus* esse debuerit.

Sorditiem hominum, urbium, ædiumque, & in consciscendis sibi morbis, & in perferendis, iniquam posse noxiamque esse, inficias non ibo: at vero hanc esse prædisponentem Pestilentiae causam præcipuam, ac ferme unicam, minime inde consequi, quis non videat? Rogare licebit Autorem primo An ceteræ *Britannicarum* Insularum, reliquarumque Nationum civitates, pariter & amplificatæ fuerint, & ma-

maiore munditie cultæ? Hoc demonstrandum fuisset, priusquam hæc conclusio formaretur. *Secundo* annon noverit *Batavorum* eam ab omni tempore munditiei Vestium, Ædium, Platearum, Templorumque culturam, ut hanc immodicam esse conquerantur extranei? Atqui Pestis in illa gente tam crebra fuit, ut qui eandem ibi conscripserint Medici, bis terve renatam sua ætate viderint. Ergo mundities non aufert prædisponentem ad pestem causam.

Atque ita hanc operosam de Peste sectionem absolvo, DEO TRIUNO confecro, Patriæ dedico, calamitosi temporibus ut prosit exopto.

F I N I S.











